




ՀԱՄԱՐՈՒՆ



196



ԼԵ
ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՅ
Ս. ԷԶՄԻԱԾՆԻ

Կ. Գ. Ի. Ի.


1978



ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

Վեհափառ էի ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԿՈՆԴԱԿԸ
ՀՅՈՒՄԻՍԱՅԻՆ ԱՄԵՐԻԿԱՅԻ ՀԱՅՈՑ ԱՐԵՎԵԼՅԱՆ ԹԵՄԻ
ԿԱԶՄԱՎՈՐՄԱՆ 80-ԱՄՅԱԿԻ ԱՌԹՎ

ԳԵՐԱԾՆՈՐՀ Տ. ԹՈՐԳՈՄ ԱՐՔԵՊԻՍԿՈՊՈՍ ՄԱՆՈՒԿԵԱՆԻՆ,
ԲԱՐԵՋԱՆ ԱՌԱՋՆՈՐԴԻՆ ԱՐԵՒԵԼԵԱՆ ԹԵՄԻՆ ՀԱՅՈՑ ՄԻԱՑԵԱԼ
ՆԱՀԱՆԳԱՑ, ՀԱՐԱՋԱՑ ՈՐԴՈՑ ՄԱՅՐ ԱԹՈՌՈՑ ՍՐԲՈՑ ԷԶՄԻԱՇՆԻ,
ՈՂՋՈՐՅՆ ՀԱՅՐԱԿԱՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ

ՆԻՒ ԵՈՐՔ

Աստուծոյ ողորմութեամբ, երբ Դուք և համայն ամերիկահայ մեր ժողովորդը կը պատրաստուիք տօնախմբել ութսունամեակը տիրախմամ թեմիդ կազմութեան, Մեր մտածումը կը սահի, կ'երթայ անցեալ տարիներու ընդմէջէն և Մեր գիտակցութեան մէջ կը պայծառանայ նուիրական յիշատակը «հայրենեաց վշտի նուագող» Հայրապետին, Ամենայն Հայոց Հայրիկին, որ իր 8 յունուար 1894 թուակիր սրբատառ կոնդակով օրհնեց համայն հայութիւնը Միացեալ Նահանգաց և հռչակեց հիմնադրումը և կազմակերպումը Ամերիկայի հայոց թեմին, Մայր Աթոռ սուրբ Էջմիածնի հոգևոր իշխանութեան ներքոյ:

Մեծ Հայրապետի օրհնութիւնը շնորհ և լոյս բաշխեց նորաստեղծ թեմի եկեղեցիներուն ու ժողովուրդին: Սուրբ Էջմիածնի օրհնութեան ներքոյ, տարիներու հոլովոյթով անոնք հետզհետէ զօրացան, անցան ու ծաղկեցան և մեր օրերուն դարձան ամենաբազմամարդ ու ամենահզօր կրօնական կազմակերպութիւնը մեր առաքելական Մայր եկեղեցոյ, հայ ափիոքի տարածքի վրայ:

Մենք, ձեր Հայրապետը, անհունօրէն մխիթարում ենք ամերիկահայ թեմի մէջ գործող շէն ու պայծառ եկեղեցիներով, կրթական, մշակութային-բարեսիրական հաստատութիւններով, եկեղեցասէր երիտասարդաց ու տիկնանց կազմակերպութիւններով, որոնք Ձեր առաջնորդութեան ներքոյ և հոգևոր հովիւներու ժրջան գործակցութեամբ, նուիրում են իրենց սուրբ առաքելութեան, գերագոյն նպատակ ունենալով անաղարտ ու կենդանի պահել իրենց պապենական լոյս հաւատքը, հոգևոր ժառանգութիւնը, մեր մայրենի լեզուն և հայ հոգիի անմար կրակը:

Դուք, ամերիկահայ հոգևոր սպասաւորներ և հաւատացեալ զաւակներ Մեր, հաւատարիմ մնացէք սուրբ Գրիգոր Լուսաւորչի աստուածառար տեսիլքին, հաւատարիմ մնացէք Խրիմեան Հայրիկի ուխտին, հաւատարիմ մնացէք հայոց ներկայ վերածնունդին, միշտ լաւատեսութեամբ դէպի մեր Մայր եկեղեցւոյ ու ազգի պայծառ ապագան:

Եւ ի՞նչ երջանիկ զուգահիւսութեամբ, դուք նոյն այս օրերուն հպարտութեամբ կը յիշատակէք մահ տասնամեայ յոբելեանը՝ համայն ամերիկահայութեան քրիստոնէական հաւատքի խորհրդանիշը հանդիսացող՝ Նիւ Եորքի սուրբ Վարդան Մայր տաճարին, զոր Մեր իսկ ձեռքով օծելու քախտաւորութիւնը ունեցանք Մենք, տաաք տարիներ առաջ: Սուրբ Վարդան տաճարը, Միացեալ Նահանգաց աստուածասէր հողին վրայ բարձրացող փառայեղ վկայութիւնն է հայկական քրիստոնէական լոյս հաւատքին և հայ դասական ճարտարապետութեան, որով, այո՛, արդարօրէն կրնանք հպարտ ըլլալ: Մեր ամենաջերմ պատգամն է որ սուրբ պահէք անունը ձեր հայ քրիստոնէայի, անունը Հայաստանեայց առաքելական մեր Մայր եկեղեցւոյ և լոյսը՝ Աստուծոյ շունչով շաղախուած հայ մշակոյթին:

Թող Աստուած հարցն մերոց, իր սուրբ Հոգիով զօրացնէ Ձեզ, ձեր հոգևոր դասը և համայն Մեր հաւատացեալ զաւակները յԱմերիկա և լուսաւորէ ձեր բոլորիդ առաքելութեան ճանապարհը, ի փառս մեր Տիրոջ և Փրկչի Յիսուսի Քրիստոսի և Անոր երկրպագու հայ բարեպաշտ ժողովուրդի:

«Արդ, հսկեցէք, հաստատուն կացէք ի հաւատս, ժրացարուք, զօրացարուք: Ամենայն ինչ ձեր սիրով եկեղեցի» (Ա. Կորնթ. ԺԶ 14). ամէն:

Կարգիս Ռ

ԾԱՅՐԱԳՈՅՆ ՊԱՏՐԱՐԷ ԵՒ ԿԱԹՈՒԼԻԿՈՍ
ԱՄԵՆԱՅՆ ՀԱՅՈՑ

Տուա կոնդակս ի 31 մարտի
1978 փրկչական ամի,
և ի տումարիս հայոց ՌՆԻԷ
ի մայրաթիւան սրբոյ Էջմիածնի
ՀՄՐ, 902





**ՎԵՀԱՓԱՌԻ ՀԱՅՐԱՊԵՏԻ ԽՈՍՔԸ ՀՅՈՒՄԻՍԱՅԻՆ
ԱՄԵՐԻԿԱՅԻ ՀԱՅՈՑ ԱՐԵՎԵԼՅԱՆ ԹԵՄԻ ՏԱՐԵԿԱՆ
ԹԵՄԱԿԱՆ ՊԱՏԳԱՄԱՎՈՐԱԿԱՆ ԺՈՂՈՎԻՆ**

ԳԵՐԱԾԵՆՈՐՀ Տ. ԹՈՐԳՈՄ ԱՐՔԵՊԻՍԿՈՊՈՍ ՄԱՆՈՒԿՅԱՆԻՆ,
ԱՌԱՋԵՆՈՐԴ ԱՐԵՎԵԼՅԱՆ ԹԵՄԻՆ ՀԱՅՈՑ ՄԻԱՑՅԱԼ ՆԱՀԱՆԳԱՑ

ՆՅՈՒ ՅՈՐՔ

Սիրելի Սրբազան,

Ուրախ սրտով Մեր հայրական սիրո ողջույնը և հայրապետական օրհնությունը կհղենք Ձերդ Սրբազնության և թեմական պատգամավորական ժողովիդ աստվածասեր անդամներուն, որոնք այս օրերուն Ձեր շուրջ հավաքված են քննարկելու անցնող տարեշրջանի թեմիդ գործունեությունը և կազմելու հառաջիկա տարեշրջանի աշխատանքի ծրագիրները:

Ահա երջանիկ առիթ մը, երբ տիրախնամ թեմիդ եկեղեցական համայնքներեն եկած ներկայացուցիչներ, սիրտ սրտի տված, եղբայրական զգացումներով համակված և մանավանդ մեր սուրբ եկեղեցվո գերագույն շահերու գիտակցությամբ, անգամ մը ևս պիտի վերանորոգեն իրենց ուխտը՝ անձնվիրաբար ու համերաշխորեն աշխատելու, միշտ ավելի անաղարտ ու պայծառ պահելու համար հալոց քրիստոնեական լույս հավատքը և հոգևոր ու մշակութային արժեքները հայ ոգեկանության, այնպես ինչպես ավանդեցին մեզի բոլորիս մեր լուսաբնակ նախնիք:

Մեր օրերում, երբ գրեթե ամեն տեղ, կրոնական ու բարոյական արժեքները տազնապալի շրջան մը կանցնեն, մենք՝ հայ քրիստոնյաներս, ի խնդիր մեր հոգևոր ու մշակութային գոյատևման, պետք է ամուր կանգնած մնանք դարերու փորձով նվիրագործված մեր եկեղեցական ազգային ավանդությանը վեմին վրա, առանց տարվելու նորեկուկ մակերեսային երևույթներէ, որոնք կուզան ու կանցնին ինչպէս արմատներ չունեցող ամեն նորություն: Դառնորեն կսխալին բոլոր անոնք որ կկարծեն թէ ամեն նորություն հառաջդիմություն է: Մանավանդ կրոնաբարոյական կյանքի մակարդակի վրա, չկա իրական հառաջդիմություն առանց դարերու տրնությանը նվիրագործված արժեքներու: Ներկան ոգեկանության ավիշ կստանա անցյալէն, և ոգեկան նոր թոփշը՝ ապագայի տեսիլքներէն:

Ոգեկանության զարգացման ճանապարհին, ներկան վաւերական ու մնայուն ոչինչ կրնա ստեղծել այսօր առանց անցյալի ժառանգության լույսին: Եւ նույն անցյալի լույսով է նաև որ ներկան կրնա բանալ նոր հորիզոններ դեպի ապագան: Ներկան ստեղծարար միջնորդն է, կիզակետն է անցյալի ու ապագայի միջև:

Եթէ այս պահուս Մեզմե պատգամ մը կսպասեք, անավասիկ ձեզի կբերենք Մեր այս խոհերը, հորդորելով ձեզ բոլորդ որ նույն գիտակցությամբ լուսավորված բանաք դռները գործունեության ձեր նոր տարեշրջանին:


«Այստեղեւն եղբարք իմ սիրելիք, հաստատուն եղերուք, անշարժ կացէք, առանկ լերուք ի գործս Տեառն յամենայն ժամ. գիտաւքի՜ զի վաստակքն ձեր ոչ են ընդունայն առաջի Տեառն» (Ա. Կորնթ. Ժե 58):


«Օրհնութիւն և սէր և խաղաղութիւն յարուցեալ Փրկչին մեր Յիսուսի Քրիստոսի եղիցին ընդ ձեզ այժմ և միշտ». ամեն:

Վ Ա Զ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ա. Էջմիածին,
3 ապրիլ 1978 թ.





ՎԵՀԱՓԱՌԻ ՀԱՅՐԱՊԵՏԻ ԽՈՍՔԸ ՀՅՈՒՄԻՍԱՅԻՆ
ԱՄԵՐԻԿԱՅԻ ՀԱՅՈՑ ԱՐԵՎԵԼՅԱՆ ԹԵՄԻ
ՀՈԳԵՎՈՐԱԿԱՆԱՑ ՀԱՄԱԳՈՒՄԱՐԻՆ

ԳԵՐԱԾՆՈՐՀ Տ. ԹՈՐԳՈՄ ԱՐՔԵՊԻՍԿՈՊՈՍ ՄԱՆՈՒԿՅԱՆԻՆ,
ԲԱՐԵՋԱՆ ԱՌԱՋՆՈՐԴ ԱՐԵՎԵԼՅԱՆ ԹԵՄԻՆ ՀԱՅՈՑ ՄԻԱՑՅԱԼ
ՆԱՀԱՆԳԱՑ

ՆՅՈՒ ՅՈՐՔ

Սիրելի Սրբազան,

Մեզի համար քաղցրորեն մխիթարական է, ամեն տարի տիրախնամ թեմիդ հոգևորականաց, Մեր հայրական ողջույնը և օրհնությունը հղել, տարեկան իրենց համագումարին առթիվ: Մեզի կթվի թե այսօր ձեր մեջ կը գըտնվինք, ձեր կողքին, բերելու բոլորին Մեր գնահատանքի և քաջալերանքի խոսքը:

Գնահատանքի խոսք, այո, որովհետև քաջ կգիտակցինք թե ուխտապահ ու պարտաճանաչ հոգևոր սպասավորներու համար ծանր է լուծը զոր կկրեն և բազում են դժվարությունները, որոնց կբախին ամեն քաջափոխին: Բայց երանի այն հոգևորականներուն, որ գիտեն հաղթահարել բոլոր այդ դժվարությունները, աներեր հավատքով, անխառն սիրով ու անձնագոհ աշխատանքով:

Նաև Մեր քաջալերանքի խոսքը թեմիդ բարեջան հովիվներուն, որ անոնք անստվեր պահեն իրենց լավատեսության ոգին և հավատան որ սիրով ու նվիրումով կատարված աշխատանքը անպայման պտղաբեր կըլ-

լա: Կճախողին անոնք միայն որ անկեղծորեն չեն հավատար իրենց առաքելության, որոնք անձնատուր կրկյան եսակեղրոն մղումներու, որոնք շուտ կհոգնին և դյուրին մամփան կփնտրեն, որոնք վառ չեն պահեր ռույսի լսատեղները իրենց հոգիներուն, նմանվելով հիմար կույսերուն:

Բայց վստահ ենք, թե Չերդ Սրբազնության հոգևոր առաջնորդության ներքև, տիրախմամ թեմիդ հոգևորականները՝ կարգ ու կանոնի և սուրբ առաքելության գիտակցությամբ տոգորված, իրենց կարելին ի գործ կդնեն իրենց խնամքին հանձնված հոգիներուն բաշխելու՝ սուրբ Ավետարանի լույսը, մեր առաքելական եկեղեցվո պատմության ու դպրության ոգին, մեր ազգային մշակույթի հոգևոր արժեքները, մեր վերածնած ազգի և ամոր անող ու ծաղկող մայր հողի սերն ու պաշտամունքը:

Այսպես է, միայն այսպես է որ դուք և մենք բոլորս պիտի կարողանանք բարձր ու վառ պահել հայկական ոգեկանության ջահը, աշխարհի վրա ուր որ ալ գտնվինք: Այդ ազգային ոգեկանության ջահով է միայն որ անցյալի մեջ տեղ մը գրաված ենք քաղաքակրթության պատմության հորիզոնին վրա և նույն այդ ազգային ոգեկանության ջահով է որ նաև մեր օրերուն և գալիք օրերուն պատվո տեղ մը պիտի կարողանանք պահպանել մարդկության մեջ:

«Զի զոր ինչ սերմանէ մարդ, զնոյն և հնձեսցէ. որ սերմանէ ի մարմնի իւր, ի մարմնոյ անտի հնձեսցէ զապականութիւն. որ սերմանէ ի Հոգին՝ ի Հոգոյ անտի հնձեսցէ զկեանսն յաիտենից: Այլ գրարիս գործեալ մի ձանձրացուք, զի ի ժամանակի իրում հնձեսցուք առանց լքանելոյ» (Գաղատ. 2: 8—10):

Մայր Աթոռ սուրբ Էջմիածնէն և Մեր հայրական սրտէն ձեզի բոլորիդ Մեր ամենաջերմ մաղթանքները և հայրապետական օրհնությունը ի խնդիր ձեր հոգեւէն գործոց հաջողության:

Վ Ա Զ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
3 ապրիլ 1978 թ.





ՀԱՂՈՐԴԱԳՐՈՒԹՅՈՒՆ

Գերագույն հոգևոր խորհուրդը 1978 թ. ապրիլի 1-ի իր նիստում քննության առավ և որոշեց առաջիկա հոկտեմբեր ամսի 1—8 օրերին կատարել Մայր Աթոռում հետևյալ հանդիսությունները.

1. Հոկտեմբերի 1-ին, կիրակի օրը, Վեհափառ Հայրապետի գահակալության 28-րդ տարեդարձի առիթով Մայր տաճարում ս. պատարագի մատուցմամբ և ապա երեկոյան ժամը 19-ին. Վեհարանի հանդիսությանը դահլիճում նշել միաժամանակ Ն. Ս. Օծույան ծննդյան 70-ամյակը:


2. Հոկտեմբերի 7-ին, շաբաթ օրը, երեկոյան ժամը 19-ին, Վեհափառ Հայրապետի նախագահությամբ Վեհարանի հանդիսությանը դահլիճում նշել Արևելյան Հայաստանի միավորումը Ռուսաստանի հետ՝ պատմական այդ իրադարձության 150-ամյակի առիթով:

3. Հոկտեմբերի 8-ին, կիրակի օրը, Մայր տաճարում ս. պատարագի մատուցմամբ և երեկոյան ժամը 19-ին, նույնպես Վեհարանի հանդիսությանը դահլիճում, Վեհափառ Հայրապետի նախագահությամբ նշել Կ. Պոլսի երջանկահիշատակ տ. Հովհաննես Կոլոտ պատրիարք Բաղիշեցու ծննդյան 300-ամյակը:

ԳԵՐԱԳՐՈՒՅՆ ՀՈԳԵՎՈՐ ԽՈՐՀՈՒՐԴ

Ս. Էջմիածին,
20 ապրիլ 1978 թ.





ԱՊՐԻԼՅԱՆ ԵՂԵՌՆԻ 63-ՐԴ ՏԱՐԵԼԻՑԸ ՄԱՅՐ ԱԹՈՌՈՒՄ

Այսօր «Յիշատակ է քիւրատը նահատակացն մերոց, որք կատարեցան լընթացս Համաշխարհային առաջին պատերազմի»:

Ապրիլյան եղեռնի 63-րդ տարելիցն է:

Հայ ժողովրդի դարավոր պատմության ամենամոռաց ու ողբերգական թվականն է 1915-ի ապրիլը:

«Անավոր բան մը այնտեղ, կկատարվի
մութին մեջ,
Կսպանենք Ազգ մը այնտեղ որ կյանք
ունեն և շնորհ»:

(Վ. Թերեյան)

Այս տարի էլ, ապրիլի 24-ին, երկուշաբթի օրը, Մայր Աթոռում, հայրենիքում և սփյուռքի ողջ տարածքի վրա համայն հայությունը նշեց հայ տառապանքի և մեր հաղթարձակ նահատակության 63-րդ տարելիցը և հպարտորեն իր գլուխը խոնարհեց մեր նահատակների անմոռաց հիշատակի առաջ, նահատակներ, որոնք ընկան «խառն Յիսուսի, վառն հայրենեաց», ընկան, որ հայությունն ապրի և դարերի դիմաց վատի իր հավերժության բոցավառ խաբույրը:

Անցան 63 տարիներ: Հայության փիշոր, նահատակությունը վերածվեց գոյատևման ուժի, կյանքի, ստեղծագործական կամքի,

հաղթանակի, ապրելու և հավերժելու հավատքի:

Ժողովուրդների կյանքում անդարձ կորած բույնն ետ չես դարձնի ափսոսանքով և հուսահատությամբ: Ողջերը չեն ապրի, եթե «մեռնի երազը նահատակների»:

Մեր աշխարհա հաղթական երթի մեջ կա երազն ու շունչը մեր նահատակների: Մեր աշխարհա պայծառ ու խոտոտմնալից հայրենիքը՝ Սովետական Հայաստանը, հավիտենական հուշարձանն է մեր նահատակների անմահ հիշատակի:

1978, ապրիլի 24...

Ժամը 11-ն է: Վեհափառ Հայրապետը բարձրանում է Ծիծեռնակաբերդ, Նահատակաց հուշարձանին խաչազարդ ծաղկեպսակ դնում հետևյալ մակագրությամբ. «Օրհնություն մեր նահատակներին Մայր Աթոռ ս. Էջմիածնից»:

Հայոց Հայրապետը, ՀԱՍՀ Մինիստրների խորհրդին աղբյւր հայ եկեղեցու գործերի խորհրդի նախագահի տեղակալ պաշտոն Անդրանիկ Հասրաթյանը, Մայր Աթոռի ողջ միաբանությունը, մայրավանքի դեկաֆար պաշտոնեությունը շուրջանակի բուրբուռն են նահատակաց հուշարձանի հավերժական կրակի շուրջ և ծաղիկներ գետնադնում:

Աղոթքի և Ուխտի սրբազան պահն է: Հայոց Հայրապետը «Հոգեց» է արտասա-

նում մահատակաց հիշատակին, և մեկ րոպե լռությամբ բոլոր գլուխները խոնարհվում են...

Ժամը 12-ն է: Մայր տաճարում, Նահատակաց սուրբ սեղանի վրա, պատարագ է մատուցում տ. Հովհաննես ավագ քհն. Մարությանը և իր բովանդակալից քարոզով ոգեկոչում հիշատակը մահատակների:

Ս. պատարագին ներկա է Վեհափառ Հայրապետը՝ շրջապատված Մայր Աթոռի միաբանության անդամներով, մայրավանքի ողջ աշխատավորությամբ և հավատացյալների հոծ բազմությամբ:


Հավարտ ս. պատարագի Վեհափառ Հայրապետը, ի գլուխ եկեղեցական թափուլի, առաջնորդվում է մայրավանքի հյուսիսային կողմում կառուցված Ուխտի և Աղոթքի մահատակաց հուշարձան ու մախազահում հոգեհանգստյան արարողությունը:

Հայոց Հայրապետը «Հոգոց» է արտա-

սանում: Բոլոր ներկաները լռությամբ, երախտապարտ հիշողության լույսով հարգում են Ապրիլյան եղեռնի մահատակաց հիշատակը:

Ժամը 15-ին հոգևոր ճեմարանի ուսանողությունը ծաղիկներով, բազմաթիվ ժողովրդի հետ բարձրանում է Ծիծեռնակաբերդ: Ժամը 19-ն է: Ողջ Հանրապետության մեջ հայտարարվում է լռության րոպե: Հայրենաքնակ բովանդակ հայությունը մեկ սիրտ ու մեկ հոգի, կրկին անգամ հպարտ լռությամբ իր հարգանքն է մատուցում Ապրիլյան մահատակների հիշատակին:

Փառք և հարգանք քեզ, երեկ մահատակված, բայց այսօր հրաշափառապես ազգային վերածննդյան և ապահովության փրկարար ճանապարհը գտած Հայոց աշխարհ և հայոց ժողովուրդ:





ԱՐՇԱԼՈՒՅՍ ՄԱՐԳԱՐՅԱՆ

Ք Ա Ր Ե Պ Ա Տ Ա Ր Ա Գ

Ծիծեռնակաբերդ, մատյան դու քարե,
Դու մի ակնթարթ հավիտենացած,
Անյունասափոր դու սև մարմարե,
Հայոց Ապրիլի մոխիրով լցված:

Ծիծեռնակաբերդ, դու մի պտղունց հող,
Ծիծեռնակի հին բույն դու կարկաստված,
Ինչպե՞ս ես պահում դու գրանիտ քարով
Երկու միլիոնի երկինքը մոլորված:

Եվ տքնում ես դու մուգ գիշերներում
Երբ երկինք նետված տապանագրերի,
Անուններն են որ լույս են փորագրում,
Քար խղճի վրա ժամանակների:

Ծիծեռնակաբերդ, դու թաց կուպերից
Մի կաթիլ արցունք դառնա՞մ ու տար,
Դու հյուլեաչափ ահավոր կսկիծ,
Դու եղեռնակոծ քարե պատարագ:

Ծիծեռնակաբերդ, դու քարե հրդեն,
Դու Զվարթնոցի սրանք փլուզման
Այդ ինչպե՞ս պիտի նժարդ բռնեն
Որ հառաչանքիդ կշռույթն իմանան:

Ծիծեռնակաբերդ, դու կուպերն իմ թաց,
Դու ամենամեծ վիշտը հայրենի,
Միացող դու վերք, վերք հավիտյան թաց,
Դու սև ձյուն իջած մեր Մասիսների:

Ծիծեռնակաբերդ, դու մեր օրհասի
Վարածանյան երգ արյունի պես տար,
Խենթացող ձայնը մեր Կոմիտասի,
Հավիտենապուր քարե պատարագ,
Յավի պատարագ, Հայոց պատարագ
Հավերժության լուրթ կամարների տակ...

Երևան, ապրիլ 24, 1968

Խոսք՝ ՎԱՀԱՆ ԹԵՔԵՅԱՆ Ի

Andante funebre

S. *mf* *u* *GnGg* հա - մար որ ին - կան
 A. *mf* *u* *GnGg* հա - մար որ ին - կան
 T. *mf* *u* *GnGg* հա - մար որ ին - կան
 B. *mf* *u* *GnGg*

[illegible][illegible]

աշ - տա
 մունք, պաշ - տա - մունք մեծ մի խոհ
 5
 4
 հոգ - վունք պաշ - տա - մունք, պաշ - տա - մունք, պաշ - տա - մունք, պաշ - տա - մունք մեծ մի խոհ
 հոգ - վունք, հոգ - վունք,

Con dolore

է հի - մա,
 վե՛ր, վե՛ր,
 2 3 4
 4 4
 մեծ մի խոհ է հի - մա, վե՛ր, վե՛ր,
 հի - մա, դեպ ա - մոնց, դեպ ա - մոնց կամպա -

դեպ ա - մոնց կամպա - մա, մեր հույսն ու սերն իբրեվ խունկ,
 4 2 3
 4 4 4
 դեպ ա - մոնց կամպա - մա, մեր հույսն ու սերն իբրեվ խունկ,
 - մա, մեր հույսն ու սերն ի - բրեվ խունկ

drammatico

mp *b* եվ մեր gw - վի սը - կի

mp եվ մեր սը - կի - Բեճ *f* ա -

mp gw - վի *f* ա -

- Բեճ

2 - Գոճ 3 4 արյունն ու հո-գիճ հա - դոր -

- Գոճ 4 արյունն ու հո - գիճ հա - դոր - դու - բյուն վրի - ժա -

- Գոճ արյունն ու

sf մենք կընդունենք սըր - բո - ռեն,

- դու - բյուն վրի - ժա - գիճ կըն - դու - Յիճք սըր - բո - ռեն,

- գիճ, մենք կըն - դու - Յիճք սըր - բո - ռեն,

հո - գիճ, հա - դոր-դու-բյուն կըն - դու - Յիճք սըր - բո - ռեն,

ff



ԵԿԵՂԵՑԱԿԱՆ ԲԵՄ. ԼՈՒՐԵՐ

Ապրիլի 1-ին, շաբաթ.—Այսօր, երեկոյան ժամը 19-ին, Վեհաբանում Վեհափառ Հայրապետի նախագահությամբ գումարվում է Գերագույն հոգևոր խորհրդի հերթական նիստը:

Ապրիլի 2-ին, կիրակի.—Նոր կիրակի. Կրկնագատիկ.

Այսօր Մայր տաճարում ս. պատարագ է մատուցում տ. Մամիկ վրդ. Սարգսյանը և «Հայր մեր»-ից առաջ քարոզում «Ապա ասէ ցեօվմաս. բեր գմատունս քո և արկ այսր, և տես զձեռս իմ... և մի լինիր անհաւատ, այլ՝ հաւատացեալ»: (Հովհ. Ի 27) բնարանով:

Ս. պատարագին ներկա էր Վեհափառ Հայրապետը:

Ապրիլի 5-ին, ճիգզաբթի.—Այսօր, երեկոյան, Վեհաբանում Նորին Սրբության նախագահությամբ տեղի ունեցավ միաբանական հերթական հավաքույթ: Օրվա քանակաւ Կիրակոս սրկ. Հովնանյանը ներ-

կայացրեց 7-րդ դարում Կոմիտաս կաթողիկոսի օրով Դվինի հայրապետանոցում կազմված «Կնիք Հաւատոյ» դավանաբանական ժողովածուն, որը 1914 թվականին հրատարակել է Մայր Աթոռում գիտնական Կարապետ եպիսկոպոս Տեր-Մկրտչյանը:

Հավաքույթին ներկա էր Վեհափառ Հայրապետը:

Ապրիլի 9-ին, կիրակի.—Աշխարհամատնան Կանաչ կիրակի.

Այսօր Մայր տաճարում ս. պատարագ է մատուցում տ. Մասիս վրդ. Գալստյանը:

Ս. պատարագին ներկա էր Վեհափառ Հայրապետը:

Ապրիլի 14-ին, ուրբաթ.—Այսօր, երեկոյան ժամը 19-ին, Երևանի հայրապետական վիլայում տեղի ունեցավ Գերագույն հոգևոր խորհրդի հերթական նիստը, որ որոշվեց այս տարի, հոկտեմբերի 1-ին, մեծ շուքով տոնել Վեհափառ Հայրապետի ծննդյան 70 և գահակալության 23-րդ տա-

րեդարձը: Այդ առթիվ որոշվեց հաղորդագրություն հրատարակել ինչպես սույն, նույնպես նաև հոկտեմբերի 7-ին, շաբաթ օրը, Արևելյան Հայաստանի միավորումը Ռուսաստանին պատմական իրադարձության 150-ամյակին նվիրված հանդիսությունների առթիվ: Որոշվեց նաև հոկտեմբերի 8-ին նշել Մայր Աթոռում Կ. Պոլսի երջանկահիշատակ տ. Հովհաննես Կոլոտ պատրիարքի ծննդյան 300-ամյակը:

Գերագույն հոգևոր խորհրդի սույն նիստում ս. Հռիփսիմե վանքի վանահայր Էնջանակվում տ. Մասիս վրդ. Գալստյանը, ս. Գեղարդ վանքի վանահոր տեղակալ Էնջանակվում տ. Եղիշե քհն. Սարգսյանը, իսկ Օշականի ս. Մեսրոպ Մաշտոցի անվան եկեղեցու վանահայր՝ տ. Թորգոմ վրդ. Մուշեղյանը:

Ապրիլի 16-ին, կիրակի.—Կարմիր կիրակի.

Այսօր Մայր տաճարում ս. պատարագ է մատուցում տ. Անանիա վրդ. Արաքաշյանը և «Հայր մեր»-ից առաջ քարոզում Կարմիր կիրակիի խորհրդի և հոգևոր նշանակության մասին:

Ապրիլի 17-ին, երկուշաբթի.—Այսօր Մայր Աթոռ ժամանեց ՍՍՀՄ գիտությունների ակադեմիային առընթեր ազգագրության ինստիտուտի Լենինգրայան բաժանմունքի ասիական երկրների բաժնի վարիչ ղուկտ. Ալեքսանդր Ռեշետովը:

Նույն օրը Վեհափառ Հայրապետը Վեհարանում ընդունեց հարգելի հյուրին և գրույց ունեցավ նրա հետ սփյուռքահայ եկեղեցական կյանքի մի շարք հարցերի շուրջ, որոնք հետաքրքրում էին նրան:

Հարգարժան հյուրը Մայր Աթոռում զրուցելու օրերին այցելեց Վեհարան, Մայր տաճար, եկեղեցական արվեստի թանգարան, ապա ս. Հռիփսիմե և ս. Գայանե վանքեր:

Ապրիլի 25-ին պատվարժան հյուրը, մասնակցելուց հետո Երևանում գումարված ազգագրագետների գիտաժողովին, լավագույն տպավորություններով, հրաժեշտ առնելով Վեհափառ Հայրապետից, մեկնեց Մայր Աթոռից:

Ապրիլի 19-ին, չորեքշաբթի.—Ապրիլի 19—23 օրերին որպես հյուր Մայր Աթոռում էր գտնվում Ֆրանսիա-ՍՍՀՄ ընկերակցության Փարիզի նախագահության անդամ և Փարիզի «Դպրոցական և համալսարանական քրիստոնեական համայնք»-ի երեց հայր Ժակ Ֆուրնիեն:

Վեհարանում գերապատիվ հյուրը հանդիպում ունեցավ Հայոց Հայրապետի հետ: Նրանց միջև տեղի ունեցավ ջերմ գրույց, որի ընթացքում նա հետաքրքրվեց Սովետական Միությունում և հատկապես Սովետական Հայաստանում հայ եկեղեցու այսօրվա կյանքի և գործունեության հետ առնչվող մի շարք հարցերով:

Մայր Աթոռում գտնվելու օրերին հայր Ֆուրնիեն այցելեց Վեհարան, Մայր տաճարի եկեղեցական արվեստի թանգարան, հոգևոր ճեմարան, ս. Հռիփսիմե, ս. Գայանե, ս. Գեղարդ վանքեր, Երևանի ս. Սարգիս, ս. Հովհաննես և ս. Զորավոր եկեղեցիներ, Ծիծեռնակաբերդի նահատակաց հուշարձան և այլ տեսարժան վայրեր:

Ապրիլի 23-ին, կիրակի օրը, առավոտյան, Մայր տաճարում ս. պատարագին ներկա լինելուց հետո, հարգելի հյուրը հրաժեշտ տվեց Վեհափառ Հայրապետին և լավագույն տպավորություններով մեկնեց Մայր Աթոռից:

Ապրիլի 20-ին, հինգշաբթի.—Այսօր Վեհարանում տեղի ունեցավ միաբանական հերթական հավաքույթ, որտեղ հայոց լեզվի պահպանության և քրիստոնեական համատքի այժմեականության մասին խոսեց Վեհափառ Հայրապետը:

Ապրիլի 23-ին, կիրակի.—Տօն Երևան(և) ս. Խաչի.

Այսօր Մայր տաճարում ս. պատարագ է մատուցում տ. Հակոբ քհն. Հակոբյանը:

Ս. պատարագին ներկա էր Վեհափառ Հայրապետը:

Հավարտ ս. պատարագի, Վեհափառ Հայրապետի նախագահությամբ, կատարվում է հոգեհանգստյան պաշտոն՝ նորոգ հանգուցյալ, Մայր Աթոռի միաբան, Իրաքի հայոց առաջնորդ տ. Ասողիկ արքեպիս-



կուպոն Ղազարյանի մահվան բառասուների առթիվ:

Մի քանի օր առաջ ուխտավորաբար Մայր Աթոռ էին ժամանել ֆրանսահայ բժիշկների մի մեծ խումբ (45 հոգի), ինչպես նաև բուլղարահայ ուխտավորների ավելի քան 60 հոգուց բաղկացած խումբը:

Ժամը 11-ին Վեհարանում Վեհափառ Հայրապետն ընդունեց ուխտավորական այս երկու խմբերին, ողջունեց և քարի գալուստ մաղթեց նրանց: Այնուհետև ուխտավորական խումբը ներկա եղավ ս. պատարագին Մայր տաճարում: «Հայր մեր»-ից առաջ Վեհափառ Հայրապետը ողջունեց ներկայությունը Մայր տաճարում ֆրանսահայ և բուլղարահայ ուխտավորների և ապա քարոզեց երևման ս. Խաչի նշանակության, առաջին դարերի քրիստոնյաների նվիրվածության և հավատքի ջերմեռանդության մասին:


Հավարտ ս. պատարագի ուխտավորները ս. Հաղորդություն ստացան:


• •

Ապրիլի 26-ին, չորեքշաբթի.—Այսօր, երեկոյան ժամը 19-ին, Վեհարանում տեղի է ունենում միաբանական հերթական հավարտյոթ, որի ընթացքում Վեհափառ Հայրապետը «Բացվել աշխարհի» թեմայով շահեկան զրույց է ունենում: Զրույցը լավում է մեծ հետաքրքրությամբ:

• •

Ապրիլի 30-ին, կիրակի.—Այսօր Մայր տաճարում իր անդրանիկ ս. պատարագն է մատուցում տ. Մանուկ քհն. Մարգարյանը: Ս. պատարագին ներկա էր Վեհափառ Հայրապետը:





ՀԱՆԳԻՍ
ՏԵՐ ԲԱԲԳԵՆ ԱՐՔԵՊԻՍԿՈՊՈՍ ԱՊԱՏՅԱՆԻ
(1918—1978)

Ապրիլի 24: Երկուշաբթի:

Հեռավոր Ուրուգվայի մայրաքաղաք Մոնտեվիդեոյում, Ապրիլյան հայ ճափատակնց հուշարձանին ծաղկեպսակ զետեղելիս, արտի տագնապի հետևանքով արտից խրվեց ու կայծակնահար եղավ Մայր Աթոռի միաբան, Հարավային Ամերիկայի հայոց հայրապետական պատվիրակ և Արգենտինայի հայոց առաջնորդ տ. Բաբգեն արքեպ.


Ապատյանը:
Սգի մեջ է Մայր Աթոռ ա. Էջմիածինը: Սգի մեջ են հայ եկեղեցին ու սրբազանին ճանաչող Հարավային Ամերիկայի իր հավատացյալ ժողովուրդը, հարազատներն ու բարեկամները, դասընկերներն ու գործակիցները:

Ոչ ևս է հայ եկեղեցու շնորհալի, հավատավոր, անձնոր, բոլորից սիրված ու անվերապահորեն հարգված, ազնիվ ու բարի հոգևորականը:

Ծանր է միաժամանակ Մայր Աթոռի կրած կորուստն ու խորը Հայոց Հայրապետի վիշտը, Հայրապետ, որը հայրական ջերմ գուրգուրանքով սիրում, գնահատում էր նրան, որպես հարազատ հոգևոր որդու, իսկ «Որդի հարազատ զմեռանութիւն հօրն բերէր»:

Հանգուցյալ սրբազանը, ավագանի անունով՝ Հովսեփ, ծնվել է 1918 թվականի դեկտեմբերին, բնիկ այնթապցի ծնողների զավակ, տարագրության ճանապարհին, ծնընդավայրից հեռու ու արքայական...

Ծանոթի նման նա էլ որք է մեծացել, չի ճանաչել հայրական սեր ու գուրգուրանք և՛ 1920 թվականին ալրի մոր և բազում հայրենակիցների հետ հանգրվանել է Հայեալքաղաքում, որ և ստացել է իր նախնական կրթությունը, տեղի այնթապցիների՝ ծախոթ Կոթասիրաց երկսեռ վարժարանում:



1932 թվականին փազույն հաջողությամբ ավարտել է կրթասիրացը և նույն տարվա սեպտեմբերին ընդունվել Երուսաղեմի հայոց վանքի Ժառանգավորաց վարժարան:

Ուսումնառության տարիներին ուշիմ և խոհական Հովսեփը աչքի է ընկնում իր բացառիկ աշխատասիրությամբ, կարգապահությամբ ու սիրվում քոլոր իր դասախոսներից, որպես ազնիվ, համեստ և ընդունակ ուսանողի:

1936 թվականին բացառիկ հաջողությամբ ավարտում է Ժառանգավորաց վարժարանի դասարանական բաժինը և հետևյալ լսարանական բարձրագույն եռամյա դասընթացին՝ աշակերտելով տ. Թորգոմ արքեպիսկոպոս Գուշակյան գրագետ պատրիարքին, Տիրան Ներսիսյան և Եղիշե Տերտերյան վարդապետներին, Հակոբ Օշակյան ու Շահան Պերպերյան ուսուցչապետներին և ստանում բազմակողմանի եկեղեցագիտական մասնագիտական, հայագիտական ու իմաստասիրական հիմնական կրթություն:

1936 թվականին Երուսաղեմում սարկավագ է ձեռնադրվում տ. Թորգոմ պատրիարքից՝ 11 այլ ընկերների հետ, և այնուհետև իր կյանքն ու գործունեությունն ընդփռու, գիտակից նվիրումով և անմնացորդ, կապում Երուսաղեմի սրբոց Հակոբյանց վանքի միաբանության և հայ եկեղեցու ծառայության ու հոգևոր սպասավորության հետ:

1939 թվականին ավարտելով ընծայարանը՝ կուսակրոն քահանա է ձեռնադրվում տ. Մեսրոպ պատրիարք Նշանյանից և, հավատակ իր շատ երիտասարդ տարիքին, բայց որպես խոհուն ու կազմակերպված հոգևորական, վանքից ներս կոչվում է վանական-վարչական պատասխանատու պաշտոնների:

1939—1942 թվականներին նշանակվում է Երուսաղեմի հայոց պատրիարքական սուրբ Աթոռի եկեմտից տեսուչ, պաշտոն, որը կատարում է ազնվությամբ և հմտությամբ:

1943—1948 թվականներին ստանձնում է Յաֆայի հայոց ս. Նիկողայոս, Ռամեի հայոց ս. Գևորգ վանքերի վանահայրության տեսչական պաշտոնները, ինչպես նաև Յաֆայի ս. Գլխաղթի հայոց վարժարանի կրթական տեսչի պաշտոնը՝ բարձր դասարաններում դասավանդելով քրիստոնեական և գրաբար լեզու:

1948—1959 թվականներին նշանակվում է նաև Երուսաղեմի հայոց պատրիարքության ներկայացուցիչը Իսրայելի կառավարության մոտ:

1958 թվականին առաջին անգամ Բաբգեն վարդապետն ուխտի է գալիս Լաշյր Աթոռ ս. Էջմիածին՝ մասնակցելու Վեհափառ Հայրապետի գահակալության հանդիսություններին և համարելու հայրենի հողը որպես հայրենասեր հոգևորականի:

Հայոց Հայրապետը երկնային ներշնչումով տ. Բաբգեն վարդապետի մեջ տեսնում և գնահատում է ապագա բարձրատիճան հայ հոգևորականը և նրան մայիսին եպիսկոպոս ձեռնադրելով՝ նշանակում Հարավային Ամերիկայի երեք երկրների՝ Ուրուգվայի, Արգենտինայի և Բրազիլիայի հայրապետական պատվիրակ:

Շուրջ 40 տարի տ. Բաբգեն սրբազանը որպես վարդապետ և եպիսկոպոս, որպես պատրաստված և հավատավոր հոգևորականներից լի, եռանդով ու հավատով լի, անաղմուկ ու արտագին ծառայում է իր եկեղեցուն և ժողովրդին, մասնավոր Հարավային Ամերիկայի ափերի վրա տունտեղ եղած հայ ժողովրդի գաղթական զավակներին, ծավալելով հոգևոր, եկեղեցական, կրթական, հայրենասիրական-հասարակական արդյունավետ գործունեություն, սիրվելով ամենից, իր ժողովրդից, այդ երկրների քույր եկեղեցիների հոգևոր պետերից և պետական իշխանություններից:

1964 թվականի հունիս 27 թվակիր Իր կոնդակով Վեհափառ Հայրապետը հայրապետական Իր բարձր գնահատությանն արժանացնելով տ. Բաբգեն սրբազանի երկարամյա հոգեշեն, եկեղեցակալ, ամբասիր թեմական, վարչական ու կրթական գործունեությունը, նրան շնորհում է արքայական պատիվ:

Անցնում են տարիները աշխատանքի հեքով, նվիրումով ու լավատեսությամբ թեմավորված: Բայց... ահա հանկարծ ապրիլի 24-ին կատարվում է անսպասելին, մեծ անակնկալը՝ ահավոր... Ստեղծագործական իր ուժերի ծաղկման ու հասունության հանգրվանին թևակոխած՝ կտրվում է նրա խոստումնային կյանքի թելը՝ 60 տարին դեռ չբոլորած, և ընկնում է նա կայծակահար՝ իր պարտականությունների կատարման և ծառայության դիրքերի վրա:

Տ. Բաբգեն սրբազանն իր վանական տեսչական, վարչական-թեմական ծանր պարտականությունների կատարմանը զուգընթաց, որպես մտքի ու հոգու բացառիկ շնորհներով օժտված մեկը, որպես գրքի ու գրչի մարդ, զբաղվում է նաև գիր ու գրականությամբ, մանկավարժական, գրական-թարգմանական աշխատանքներով: Նա երկար տարիներ աշխատակցել է Երուսաղեմի հայոց պատրիարքարանի պաշտոնա-

թերթ «Սիոն» ամսագրին, ձեռնհասորեն խմբագրել է «Հայ կեդրոն» ամսագիրը Բուենոս Այրեսում, ուր ստորագրել է հայաշունչ ու հայատրոփ խմբագրականներ ու հմտակից հոդվածներ, բերել նաև իր սրբազան աշխատակցությունը «Էջմիածին» ամսագրին, կրոնափիլիսոփայական հոգեշունչ ուսումնասիրություններով:

Նրա գրական վաստակն աչքի է ընկնում բովանդակության, արտահայտչականության ինքնատիպ ձևերով, պատկերավորությամբ, մտածման խորքի և ձևի միասնականությամբ և հայոց լեզվի սքանչելի իմացությամբ ու շնորհալի օգտագործմամբ:

Նրա գրական վաստակի մեջ առանձնահատուկ տեղ է գրավում Վեհափառ Հայրապետին և այլ բարեկամներին գրած նրա նամակագրական ժառանգությունը, որն արժանի է մասնավոր ուշադրության: Այդ նամակների մեջ հատակորեն երևում է հավատավոր հոգևորականը, Մայր Աթոռի հարազատ զավակը և անկաշառ, ուղղամիտ, հայրենասեր հոգևորականը:

Հանգուցյալ սրբազանի աճյունը Մոնտեվիդեոյից փոխադրվում է Բուենոս Այրես և հողին հանձնվում ս. Գրիգոր Լուսավորիչ Մայր տաճարի շրջափակում:

Հարավային Ամերիկայի ողջ հայությունը սգում և ողբում է իր արժանավոր հոգևոր առաջնորդի մահը:

Վեհափառ Հայրապետի կարգադրությամբ հանգուցյալ տ. Բաբգեն արքեպիսկոպոսի վերջին օծման և թաղման արարողություններին, հանուն Մայր Աթոռի, ներկա են լինում ԱՄՆ-ի արևելյան թեմի առաջնորդ տ. Թորգոմ արքեպ. Մանուկյանը և Մարսելի հայրապետական պատվիրակի փոխանորդ տ. Հակոբ եպս. Վարդանյանը:

Ապրիլի 30-ին Մայր տաճարում, հավարտ ս. պատարագի, Վեհափառ Հայրապետի նախագահությամբ, կատարվում է հոգեհանգստյան մասնավոր կարգ հանգուցյալ սրբազանի մահվան ութօրեքի կապակցությամբ, ի ներկայության խոտմերամ հավատացյալների:

Արարողությունից առաջ Հայոց Հայրապետը վերավոր սրտով ու խորապես հուզված խոսում է հետևյալ դամբանականը.

ՎԵՀԱՓԱՐ ՎԱՅՐԱՊԵՏԻ ԽՈՍԷԸ
ՀԱՆԳՈՒՑՅԱԼ Տ. ԲԱԲԳԵՆ
ԱՐԺԵՊԻՍԿՈՊՈՍԻ ՄԱՀՎԱՆ ԱՌԻԹՈՎ

«Յանուն Հօր և Որդւոյ և Հոգւոյն սրբոյ. ամէն».

«Քանզի ամենայն մարմին իբրև գիտտ է և ամենայն փառք մարդոյ իբրև զծաղիկ

խոտոյ: Խոտն թառամեցաւ, ծաղիկն թօթափեցաւ. քան Տեառն մնայ լախտեան»:

Սիրելի հավատացյալ ժողովուրդ, այս խոսքերը գրի է առել մեր սուրբ առաքյալներից Պետրոս: Նա ասում է, որ մարդու կյանքը, մարդու մարմինը նմանվում է դաշտերի խոտին, իսկ մարդու փառքը՝ խոտի ծաղիկին, ծաղիկներին: Կգա մի օր, երբ խոտը կթառամի, և ծաղիկը կթոթափվի, սակայն Աստուծո խոսքը կմնա հավիտյան:

Ծառ գեղեցիկ, պատկերավոր ձևով արտահայտվում է մարդկային կյանքի մեծագույն ճշմարտություններից մեկը: Խոսքը վերաբերվում է կյանքի և մահվան, որուն առաջ ենք գտնվում մենք՝ բոլոր հողեղեն մարդիկս կյանքի և մահվան սահմանների վրա, ամեն անգամ, երբ մեր առաջ հանում է մահվան խորհուրդը: Սուրբ Պետրոս առաքյալ իրավացի կերպով մարդկային կյանքը նմանեցնում է դաշտերի բույսերին, խոտերին, ծառերին:

Այդպես է նաև մարդկային կյանքը, անխրտիք բոլոր մարդկանց կյանքը: Բոլորս մույն ճակատագրի ճանապարհն է, որ ունենք մեր առաջ: Սակայն Պետրոս առաքյալ ավելացնում է, թե հավիտենական է մնում Աստուծո խոսքը: Եվ այդ խոսքով է, որ մենք քրիստոնյաներս միախառնվում ենք գտնում մահվան առեղծվածի առջև և մահվանից չենք վախենում: Մահը, ինչպես և կյանքը բնական երևույթներ են այս տիեզերքի մեջ: Ամեն ինչ կգա և կանցնի, կփոփոխվի, քայց կմնա հավիտենապես ճշմարիտ Աստուծո խոսքը, և Աստուծո խոստումը սուրբ Ավետարանով, թե մարդիկ պիտի ժառանգեն ուրիշ կյանք մը ևս իրենց երկրային կյանքից հետո: Մենք քրիստոնյաներս հույսը ունենք հոգու անմահության, հույսը հավիտենական կյանքին:

Սիրելի ժողովուրդ, այս մի քանի խորհրդածություններից հետո Մենք հոգեկան պարտականությունը ունենք այսօր աղոթելու մեր եկեղեցու բարձրաստիճան հոգևորականներից մեկի հոգվո խաղաղության համար, որ մի քանի օրեր առաջ վախճանվեց, մահացավ, տակավին երիտասարդ հասակում, ոչ իսկ վաթսուն տարին լրացրած:

Մենք քրիստոնյաներս հաշտվում ենք մահվան գաղափարի հետ, սակայն երբ մեր մտերիմը, մեր հարազատը, մանավանդ տակավին երիտասարդ տարիքի մեջ հեռանում է մեզանից, մեր եկեղեցուց, մեր հավաքականությունից, այնուամենայնիվ մենք մեր մարդկային զգացմունքներով տխրում ենք և ափսոսում, որ նա շուտ հե-

ռացավ կյանքից, շուտ հեռացավ իր աշխատանքից, իր գործունեությունից, մի գործունեություն, մի աշխատանք, որ նվիրված էր մեր ս. եկեղեցու անասանության ու պայծառության, որ նվիրված էր մեր հավատացյալ ժողովրդի հոգևոր զարթոնքին:

Այսպիսին էր Բարգեն արքեպիսկոպոս Ապատյանը, որ մահացավ մի քանի օրեր առաջ՝ համկարծամահ լինելով ճիշտ ապրիլի 24-ի օրը, մեր նահատակաց հիշատակության պահին, Մոսկովիդեո քաղաքում, Հարավային Ամերիկայում:

Բարգեն արքեպիսկոպոս Ապատյան, ծնունդով այնթապցի, Հաղեպ քաղաքում էր մեծացել և նախակրթական վարժարանը ավարտելուց հետո ընդունվել էր ս. Երուսաղեմա հայոց վանքում, որտեղ տարիներ շարունակ սովորել էր հայոց պատրիարքության հոգեպարար մրցնողորտի մեջ: Անել և զարգացել էր իր հոգին և իր մարմինը և իր միտքը լավագույն դաստիարակներ և ուսուցիչներ ունենալով և ապա ձեռնադրվել էր հոգևորական՝ նույն վանքում: Նա իր շրջանի ամենափառալուստ աշակերտներից մեկն էր եղել, բնավորությամբ՝ հանդարտ, նկարագրով՝ ազնիվ և առաքինի: Բոլորը նրան գովում էին և օրինակ տալիս իրեն իսկապես արժանի հոգևորական: Երիտասարդ տարիքին նա արդեն պատասխանատու պաշտոններ էր ստանձնել Երուսաղեմի վանքում, ապա Յաֆա քաղաքում երկար տարիներ վանահայր էր եղել և ներկայացուցիչը Երուսաղեմի վանքի, Հրեաստանի մեջ: Իսկ 1959 թվականին, ուրեմն մոտավորապես 20 տարիներ առաջ, նա այստեղ, այս սուրբ տաճարի կամարների ներքո, այս սուրբ Սեղանի առաջ ծունկի եկած ձեռնադրվեց և օծվեց Հայաստանյայց եկեղեցու եպիսկոպոս և անմիջապես գործողվեց դեպի Հարավային Ամերիկա, Արգենտինա, և ստանձնեց չափազանց պատասխանատու պաշտոն՝ իրեն հայրապետական պատվիրակ և հոգևոր

առաջնորդ Հարավային Ամերիկայի բոլոր հայերին, որոնք ապրում են Արգենտինայում, Ուրուգվայում և Բրազիլիայում: Այդ շրջանում ավելի քան հարյուր հազար հայեր են ապրում: Նրանք քաղմարիվ հայկական եկեղեցիներ ունեն, հայկական դպրոցներ, մշակութային և ազգային կազմակերպություններ:

Ահա այդ բոլոր երկրների հայերի հոգեվոր առաջնորդության կոչվեց Բարգեն արքեպիսկոպոս Ապատյան: Նա իր ամբասիր կյանքով, հոգեշունչ ոգով, օրինակելի վարք ու քարքով, իմաստությամբ և հավատարմությամբ դեպի Մայր Աթոռ ս. Էջմիածին, նվիրումով և սիրով կատարեց իր պարտքը մեր եկեղեցու և մեր ժողովրդի հանդեպ, այդ հեռավոր աշխարհներում:


Հաճախ նա այդ քսան տարիների ընթացքում Մայր Աթոռ ս. Էջմիածին եկավ հանդիսավոր առիթներով և իր շնորհալի ներկայությամբ, իր կենդանի խոսքով, իր իմաստուն գործունեությամբ, իր հավատարիմ կեցվածքով միշտ ուրախացրեց մեզ բոլորիս: Մեր եկեղեցու պարծանքներից մեկը հանդիսացավ նա սկզբից մինչև վերջին պահը, երբ իր հոգին կալանդեր՝ սիրված և հարգված բոլորի կողմից:

Նրա հիշատակը չի մոռացվելու ոչ այստեղ, մեր երկրում, ոչ էլ արտասահմանում:

Մեր եկեղեցին սուգի մեջ է, և մենք բոլորս ողբում ենք նրա վաղաժամ մահը և աղոթում ենք առ Աստված, որ քաղցրությամբ ընդունի նրա հոգին, իր հավիտենական լույսի աշխարհի մեջ, և նրա հիշատակը միշտ փառավոր, միշտ պայծառ պահպանվի թե՛ երկրքում, թե՛ այստեղ՝ երկրի վրա, մեր հոգիների, մեր գիտակցության մեջ:

«Յախտենական յիշատակն արդարոց օրհնութեամբ եղիցի». ամեն:

Ա. Հ.





ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՒՌԻՄ

Ս/թ. ապրիլի 15-ին, շաբաթ օրը, երեկոյան ժամերգությունից հետո, ս. Գայանե վանքի տաճարում քահանայական ձեռնադրության կոչման կարգ է կատարվում վրահայոց թեմի առաջնորդ տ. Գևորգ եպիսկոպոս Սերայդարյանի ձեռամբ:

Հոգևոր ճեմարանը տարբեր տիրաներում ավարտած Մովսես սարկավազ Դազարյանը, Անաստաս սարկավազ Մովսիսյանը և Միսակ սարկավազ Մարգարյանը քահանա ձեռնադրվեցին ըստ Ձեռնադրության Մաշտոցի:

Հնչում է «Նայեաց ի մեզ» շարականը: Եկեղեցու ավանդատներից դեպի Մայր խորան են առաջանում ձեռնադրող սրբազանըն ու նորընծաները:

Խարտապիլակի պաշտոնը կատարում է տ. Մովսիս վրդ. Մարգարյանը:

Ծաբաթ օրը, քահանայական կոչման պահին, նորընծաները հանձն են առնում «ամենայն պատրաստակամությամբ և առանց ձանձրանալու կալ ի պաշտօնն Աստուծոյ, և ոչ խափանել զգործն Աստուծոյ վասն մարմնատուր գործոյ»:

Ապա տեղի է ունենում Հայաստանյայց եկեղեցու ուղղափառ դավանության հրապարակային խոստովանությունն նորընծաների կողմից. «Ունիմք զդավանութիւն ուղղափառ հաւատոյ... ընդ սուրբ հայրապետսրն...»:

Կիրակի օրը, նախքան ձեռնադրությունը, նորընծաները Մայր տաճարի Իջման ս. սեղանի առջև կարդում են իրենց գրավոր ուխտագրերը և երդվում ցկյանս ծառայելու հայ եկեղեցուն և հայ ժողովրդին:

Ապրիլի 16-ին, կիրակի.—Կարմիր կիրակի. Ժամը 11-ին Էջմիածին քաղաքի հիմնավորց տաճարներից մեկում, նույնքան սրբաբույր ս. Գայանե վանքում, տ. Գևորգ եպիսկոպոս Սերայդարյանը մատուցում է ս. պատարագ:

«Ձի ողորմած և մարդասէր ես Աստուած» մատթանքից անմիջապես հետո հընչում է «Այսօր Աստուածոյթիւնն զուարճանայ» հոգեթով շարականը և՛ մկսվում է Ձեռնադրության կարգը:

Սուրբ Գայանե եկեղեցու կամարների տակ լավում է «Աստուածային և երկնատուր շնորհ» շարականը: Նորընծաները եկեղեցու Սեղանի վրա դառնում են դեպի ժողովուրդը՝ վերամբարձ ձեռքերով, ի նշան իրենց՝ աշխարհից հրաժարման: Հուսկ ուրեմն, երբ դառնում են դեպի խորանը, ձեռնադրող սրբազանը ձեռքերը խաչաձև դնում է յուրաքանչյուր նորընծայի գլխին և ասում. «Ես դնեմ զձեռս ի վերա սորա և դուք ամենեքեան աղօթս արարէք, զի արժանի լիցի սա զաստիճան քահանայութեան...»:

Ապա շարունակվում է ս. պատարագը մինչև «Ողջոյն տուք միմեանս» սարկա-



Մի պահ բաժանարարական ձեռնադրությունից

վագաց քարոզը: Եպիսկոպոսի օրհնությանը և աղոթքով նորընծաները ստանում են փիղոն և պատարագչի զգեստներ:

Հոգևոր վերացման սրբազան պահին է հասնում ձեռնադրության այս խորհուրդը, երբ քահանայական լրիվ զգեստներ հագած նորընծաների ճակատներն ու ձեռքերը սրբազանը օծում է սրբալույս մետոնով ու որպես մկրտության ավագանից հանված նանկան՝ նոր անուններ շնորհում նրանց: Մովսես սարկավագ Ղազարյանը պահում է իր ավագանի անունը՝ տեղի Մովսես քահանա, Ամաստաս սարկավագ Մովսիսյանը վերանվանվում է տեղի Աթանաս քահանա, և Միսակ սարկավագ Մարգարյանը՝ տեղի Մանուկ քահանա:

Ավարտվում է օծման խորհրդավոր պահը. շնորհաբաշխության առթիվ ձեռնադրող սրբազան հայրը կատարում է իր բարեմաղթությունները նորընծաների ապագա գործունեության հաջողության համար և ցանկանում, որ նրանք լինեն անխոնջ մշակներ հայ եկեղեցու ծառայության մեջ:

Հավարտ ա. պատարագի նորընծա քահանաները ձեռնադրող սրբազանի ուղեկցությամբ ներկայանում են Ամենայն Հայոց Վեհափառ Հայրապետին ու ստանում Նրա հուրական մշտաբաշխ օրհնությունը:

Նորընծա քահանաները իրենց քահանայական քառասունքը կանցկացնեն Մայր Աթոռում, Մայր տաճարի լուսարարապետ տ. Հուսիկ եպիսկոպոս Սանթրույանի հոգևոր վարժության ներքո:

ՏԵՐ ՄՈՎՍԵՍ ԲԶՆ. ՂԱԶԱՐՅԱՆ

Ծնվել է 1926 թվականին Մուսա Լեռան (Սիրիա) Քեպուսիե գյուղում, որտեղ և ստանում է իր նախնական կրթությունը: 1939-ին ծնողների հետ տեղափոխվում է Լիբանան, ուր աշխատում է «Զարթոնք» թերթի խմբագրությունում:

1944-ին ընդունվում է Երուսաղեմի հայոց վանքի Ժառանգավորաց վարժարան ու 1947-ին ավարտում այն: Նույն թվականի ամռանը ներգաղթում է մայր հայրենիք և ընդունվում ա. Էջմիածնի հոգևոր ճեմարան, որի ընթացքը ավարտում է 1951-ին: 1950-ին ձեռնադրվում է սարկավագ:

1958-ից մինչև 1978 թվականի սկզբները աշխատել է Երևանի պետական բանկի Ծախման շրջանի բաժանմունքում որպես երեկոյան դրամարկդի վարիչ-գանձապահ: Միևնույն ժամանակ Երևանի մի շարք միջնակարգ դպրոցներում դասավանդել է անգլերեն լեզու:

ՏԵՐ ԱԹԱՆԱՍ ԲԶՆ. ՄՈՎՍԻՍՅԱՆ

Ավագանի անունով՝ Ամաստաս: Ծնվել է 1937 թվականի դեկտեմբերի 18-ին Ազիզբեկովի շրջանի Բարձրոն գյուղում: Նախնական կրթությունը ստացել է տեղի յոթնամյա դպրոցում, ապա ուսումը շարունակել Արտաշատի շրջանի Բաղրամյան գյուղի դպրոցում:

1955-ին ընդունվել է ա. Էջմիածնի հոգևոր ճեմարան, որն ավարտել է 1961-ին ու նույն տարին էլ ձեռնադրվել սարկավագ: 1963 թվականին ընդունվել է Երևանի պետական համալսարանի բանասիրական ֆակուլտետ և ավարտել այն 1968-ին:

1968-ից աշխատել է Երևանի պետական կենտրոնական արխիվում, 1969-ին՝ «Հատուկ դպրոց»-ում՝ որպես դաստիարակ, 1972-ին՝ ուղղիչ աշխատանքային-դաստիարակչական գաղութում՝ մեթոդիստ: Նա միաժամանակ հեռակայել է Երևանի Խաչատուր Աբովյանի անվան մանկավարժական ինստիտուտում որպես ասպիրանտ:

1976-ի նոյեմբերի 10-ից առ այսօր աշխատում է «Էջմիածին» ամսագրի խմբագրությունում որպես քարտուղար:

ՏԵՐ ՄԱՆՈՒԿ ԲԶՆ. ՄԱՐԳԱՐՅԱՆ

Ավագանի անունով՝ Միսակ: Ծնվել է Էջմիածին քաղաքում 1955 թվականի փետրվարի 7-ին: Ծնողները ներգաղթել են Պաղեստինից 1947-ին: 1961—1968 թվականներին սովորել է Էջմիածնի Խաչատուր Աբովյանի անվան միջնակարգ դպրոցում: 1969-ին ընդունվել է ա. Էջմիածնի հոգևոր ճեմարան և ավարտել 1976-ին: Սարկավագ է ձեռնադրվել ճեմարանն ավարտելուց հետո, երկու տարի աշխատել է որպես վերակացու հոգևոր ճեմարանում:

«Էջմիածին» ամսագրի խմբագրությունը շնորհավորում է նորընծա քահանաներին և բարեմաղթում, որ նրանք իրենց հոգևոր և մտավոր պատրաստվածությամբ լինեն «մշակք առանց ամօթոյ» հայ եկեղեցու ծառայության սրբազան դաշտում և իրենց կյանքն ու կարողությունները նվիրաբերեն մեր ժողովրդի հոգևոր սպասին, օրհնակ հանդիսանալով իրենց «խոսքով, վարմունքով, սիրով, հավատով և սրբությամբ... հավատացյալներին» (Ա. Տիմ. Դ 11—12):



ԴԻՊԼՈՄԱՅԻՆ ԱՇԽԱՏԱՆՔՆԵՐԻ ՊԱՇՏՊԱՆՈՒԹՅՈՒՆ ՀՈԳԵՎՈՐ ՃԵՄԱՐԱՆՈՒՄ

Ա/ք. ապրիլի 13-ին, հինգշաբթի օրը, առավոտյան ժամը 11-ին, հոգևոր ճեմարանի հանդիսությանը դահլիճում տեղի ունեցավ 1976—77 ուսումնական տարվա հոգևոր ճեմարանի շրջանավարտ հինգ սարկավագների ավարտանաոների բանավոր պաշտպանությունը՝ նախագահությամբ Վեհափառ Հայրապետի:

Հանդիսությանը ներկա էին Մայր Աթոռի շխարանությունը, հոգևոր ճեմարանի դասախոսական կազմը, ուսանողությունը, սայրավանքի պաշտոններությունը և հրավիրյալներ:

Հոգևոր ճեմարանի տեսուչ տ. Հովհաննես ավագ քահանա Մարությանի բացման խոսքով սկսվում է հանդիսությունը:

Վեհափառ Հայրապետի կարգադրությամբ նախապես կազմվել էր քննիչ հանձնաժողով՝ հոգևոր ճեմարանի դասախոսներից կազմված, որը և հանգամանորեն բնթերցել ու գրավոր իր գնահատանքն ու փտողությունն էր կատարել յուրաքանչյուր ավարտանաոի մասին:

Հանդիսության բացումից հետո շրջանավարտ սարկավագները հանդես են գալիս իրենց դիպլոմային աշխատանքների քանավոր պաշտպանությամբ: Քննիչ հանձնաժողովը այս առթիվ ևս արձանագրում է իր գնահատականը:

Սորին սրկ. Մանդալան. ավարտանաոի նյութն էր «Ասարգիս վարդապետ Շնորհալին և նրա՝ ա. Հովհաննես առաքյալի կարողիկե երեք թղթերի մեկնությունը» (68 էջ մեքենագիր), «Գերագանց»:

Բյուզանդ սրկ. Գալաթյան՝ «Պողոս առաքյալի հովվական թղթերը և հոգևոր հովվի պարտականությունները աչսօր» (81 մեքենագիր էջ), «Լավ»:

Կիրակոս սրկ. Հովնանյան՝ «Մակար Եկնայան, կյանքը և գործունեությունը», (92 մեքենագիր էջ), «Լավ»:

Տ. Թադևոս քին. Ավագյան՝ «Ներսես Աշտարակեցին և նրա դերը Արևելյան Հայաստանի՝ Ռուսաստանի հետ միավորվելու գործում», (82 մեքենագիր էջ), «Լավ»:

Դերենիկ սրկ. Սալան՝ «Հայերենի կրոնական և եկեղեցական բառերը» (127 մեքենագիր էջ), «Լավ»:


Այս բոլորից հետո իր հայրական պատգամն ու օրհնությունն է տալիս Վեհափառ Հայրապետը՝ Մայր Աթոռին և ազգին հոգևոր ծառայության կանչված շրջանավարտ սարկավագներին՝ այս առթիվ, նաև հայտնելով իր սրտի ուրախությունն ու գոհունակությունը հետևյալ խոսքով:

ՎԵՀԱՓԱՐ ՀԱՅՐԱՊԵՏԻ ԽՈՍՔԸ
ՀՈԳԵՎՈՐ ՃԵՄԱՐԱՆԻ 1976—1977
ՈՒՍԱՐՎԱ ՇՐՋԱՆԱՎԱՐՏՆԵՐԻ
ԱՎԱՐՏԱՃԱՌՆԵՐԻ ՊԱՇՏՊԱՆՈՒԹՅԱՆ
ԱՌԹԻՎ

Աչսօր մեզ համար տոնական մի օր է, որովհետև մեր հոգևոր ճեմարանի շրջանավարտ աաներից հինգը իրենց ավարտանաոների գնահատականը ստացան և արժանացան ճեմարանի վկայականները ստանալու: Ամեն անգամ, երբ Մենք այս

հարկի տակ ենք լինում, չենք կարող չհիշել մաս այս հաստատության անցյալը: Կարծում ենք, թե մեր ներկան լուսավորվում է մեր անցյալով: Երանի թե մենք բոլորս լրիվ կարողանայինք ըմբռնել ու հաս-

անունն ունենք աշխարհում, սակայն, այնուամենայնիվ, այս հոգևոր ճեմարանը իր գոյության նպատակը պահպանել է իր նախկին հոգևոր, մշակութային, և՛ հայրենասիրական իմաստով: Մենք այսօր փոքր



Օրջանավարտ սարկավագները հոգևոր ճեմարանի տեսուչ տ. Հովհաննես ավագ քհն. Մարությանի հետ ճեմարանի շենքի առաջ

կանալ այս հաստատության գոյության իմաստը մեր պատմության ընթացքին, մեր ժողովրդի և եկեղեցու չափազանց ողբերգական պատմության ընթացքին:

Մեր ազգը և եկեղեցին այնպիսի վիճակի մեջ են եղել, զոհե վերջին հազար և ավելի տարիների ընթացքում, որ Մայր Աթոռ Ս. Էջմիածինը համարյա ամեն բան է եղել մեր ժողովրդի համար, թե՛ մի տեսակ հոգևոր պետություն, թե՛ հոգևոր դաստիարակության կենտրոն, թե՛ հալածիչության կենտրոն, թե՛ հայրենասիրական շարժումների մղիչ ուժ: Հոգևոր ճեմարանն էլ նույն առաքելությունն է ունեցել դարերի ընթացքում:

Թեև մեր ժողովրդի կյանքի պայմանները, մանավանդ վերջին 60 տարիներից ի վեր, հիմնովին փոխվել են ու բարելավվել, մենք արդեն ազգային պետություն ունենք, կազմակերպված ազգություն ենք, մեր դրոշմ ու

թվով հոգևորականներ ունենք Հայաստանում և արտասահմանում. թե՛ համրանքով փոքր, թե՛ որակով անբավարար: Հետևաբար մեր առաջ դրվում է շատ սուր կերպով հարցը՝ պատրաստել հայ եկեղեցու և հայ հավատացյալ ժողովրդի համար հոգևորականներ, որոնք լուսավորված միտք ունենան, զոհե գիտական բավարար չափով և ունենան մաս առաքելության զգացում: Մենք պետք է աղոթենք առ Աստված, որ պետզի ներշնչյալ անձինք նվիրի մեր եկեղեցուն, որպեսզի մենք կարողանանք իսկապես պատրաստել արժանավոր հոգևորականներ: Եվ դա շատ դժվար գործ է, բայց այդ դժվար գործը պետք է մենք կարողանանք կենսագործել, որպեսզի մեր եկեղեցին շարունակե իր փառավոր երթը մեր ժողովրդի կյանքում:

Հոգևոր ճեմարանն այսօր էլ, Մեր կարծիքով, բավարար բարձր մակարդակի վրա

է գտնվում, սակայն Մենք երազում ենք ու սպասում ավելին: Բարեբախտաբար մեր կյանքի արտաքին և ներքին պայմանները նպաստավոր են և հետևաբար կմնա մեզ առավել կենտրոնացնել մեր ուժերը, մեր աշխատանքը, մեր ուշադրությունը, որպեսզի և մեր հոգևոր ճեմարանը հետզհետե ազելի գործնա և նրա շրջանավարտները հետագայում մեզ հուսախար չանեն: Մեզ համար սա շատ կենսական մի հարց է, կարողանալ պատրաստել շրջանավարտներ, որոնք իսկապես նվիրվեն հոգևոր ասպարեզին կրոնական, մշակութային և հայրենասիրական կոչումի գիտակցությամբ:

Այսօր Մենք գոհունակությամբ արձանագրեցինք արդյունքները մեր հինգ սարկավագների աշխատանքների: Մենք երկու պարագա կուզենք ընդգծել միայն: Նախ որ մեր շրջանավարտները ազատ կերպով և զեղեցիկ կերպով, գրեթե անխալ կերպով կարողացան արտահայտել իրենց մտքերը մշակված հայերեն լեզվով: Ուրեմն նրանք ապացույցը տվեցին, որ այս 5—6 տարիների ընթացքում յուրացրել են մեր մայրենի լեզուն գրեթե կատարելապես: Հայ լեզվի իմացությունը մեր հոգևոր ճեմարանի առաջնահերթ հարցերից մեկն է, անշուշտ: Սա Մենք մասնավոր գոհունակությամբ ենք ստում և վկայում, նաև Մեր ջերմ գնահատանքը բերում մեր բոլոր դասախոսներին, որոնք մշակեցին հայ լեզուն մեր սաների գիտակցության մեջ: Հուզիչ է հաստատել այսօր, որ մեր հինգ սարկավագներից մեկը, որ մոտ երեք ու կես տարի առաջ ոչ մի բառ հայերեն չէր իմանում Մոսկի սարկավագը, այսօր գերազանց իր պաշտպանության ընթացքին նաև գերազանց կերպով օգտագործեց հայերեն լեզուն: Սա կրկին անգամ խոսում է այն մասին, որ մեր հոգևոր ճեմարանը կարողանում է մեր սաներին ապախի մակարդակի հասցնել հայերեն լեզվի իմացության տեսակետից: Հետո երկրորդ հաստատումը, որ Մենք գոհունակությամբ ենք կատարում, այն է, որ մեր հինգ սարկավագներն էլ այսօր ապացույցը տվեցին իրենց բավական կազմակերպված մտքին ու զգացումներին: Նրանք ապացույցը տվեցին որ արդեն հնարավորություն ունեն հեռագային որևէ գիտական աշխատանք կատարելու, որ ձեռք են բերած ոչ միայն լեզվի իմացությունը, այլ նաև կազմակերպված մտքով ու գիտական մեթոդներով հետագային ուսումնասիրություններ կատարելու: Սա էլ Մեր կարծիքով գնահատելի արդյունք է, որովհետև, և այս խոսքը հատկապես ուզում ենք ուղղել մեր շրջանավարտներին,


եթե նրանք պիտի կարծեն, թե իրենց ուսման շրջանը արդեն վերջացած է և հետ այսու միայն գործնական աշխատանքի պիտի լծվեն հոգևոր ասպարեզում՝ այդ պարագային նրանք սխալված կլինեն: Իրականության մեջ նրանք հոգևոր ճեմարանն ավարտելով, ձեռք բերեցին ոչ թե ինչ-որ ամբողջական իմաստով ուսում գիտության, այլ նրանք ձեռք բերեցին հնարավորությունը հետ այսու ինքնագարգացումն ճանապարհով առաջ ընթանալու և ամբողջացնելու իրենց գիտելիքները և շարունակելու իրենց մտավոր աշխատանքը, որովհետև մտքի աշխատանքը զոնե երիտասարդի մը համար, երբեք պետք չէ դադարի: Ով որ իր մտավոր աշխատանքի ճանապարհին կանգ առնի, չի կարող նոր հեռանկարների ճանապարհով հառաջ ընթանալ, զարգանալ ու կատարելագործվել:

Մենք կխորհինք, թե մեր հինգ սարկավագները այս նախապայմանները ձեռք բերել են: Որով մաղթում ենք նրանց որպեսզի մեզն ուսումնաստեն, երիտասարդներ և շարունակեն ընթերցումներով և աշխատասիրություններով իրենց մտավոր գործունեությունը նաև հետ այսու, նույնիսկ մինչև խոր ձերություն: Այս մի բանի խոսքից հետո ուզում ենք շնորհավորել մեր շրջանավարտ սարկավագներին, բերել իրենց Մեր օրհնությունները և ամենաբարի մաղթանքները բաջատողության՝ մարմնո և հոգվո: Հոգվո առողջություն, դա նշանակում է հետևողական կերպով շարունակել շործել այն ճանապարհով, որ ցույց տվեց նրանց մեր հոգևոր ճեմարանը: Այսինքն մենք սպասում ենք ձեզանից, սիրելի սարկավագներ, որ հետագա տարիների ընթացքում դուր գործանք, աճեք և դառնաք մեր եկեղեցու զինվորայ միաբանները, հոգևոր աշխատանքի լծվելով մեր ժողովրդի կանքում, լինի սող մայր հայրենիքում թե արտասահմանում: Ձեզ միշտ մաղթեն հաջողություններ և օրհնություններ Մեր սրտից. ամեն:

Վենախառ Հոր խոսքից հետո շրջանավարտները բուն ծախահարությունների ներքո Վենախառ Հայրապետից աջահամբույրով ստանում են հոգևոր ճեմարանն ավարտելու վկայականներ և մեկական ժամացույց, որ իրենց կանքում գնահատել կարողանան ժամանակի արժեքը:

Հանդիսությունն ավարտվում է Տերմուկյան աղոթքով և Վենախառ Հայրապետի «Դանալանիչ»-ով:

ԱԹԱՆԱՍ ԳԱՀԱՆԱ ՄՈՎՍԻՍՅԱՆ



ՎԱՐԴԱՊԵՏԱԿԱՆ ԱՍՏԻՃԱՆԻ ՏՎՂՈՒԹՅՈՒՆ

Ս/թ. փետրվարի 4-ին, Վեհափառ Հայրապետի քարեհաճ կարգադրությամբ, Բաղդադի հայոց ա. Գրիգոր Լուսավորիչ եկեղեցում Մայր Աթոռի միաբան տ. Պաակ արքեպիսկոպոս Թումայանը վարդապետական աստիճան տվեց Մայր Աթոռի միաբան տ. Ավագ արեղա Ասատուրյանին:

Տ. Ավագ վրդ. Ասատուրյանը (ավագանի անունով՝ Վազգեն) ծնվել է Բաղդադում 1942 թ.: Իր սկզբնական կրթությունը ստացել է Բաղդադի հայոց Թարգմանչաց և Սվաճյան ազգային վարժարանում: Այնուհետև նա սովորում է Հիսուսյան քոլեջում և Այ Հիքմա համալսարանում: 1968 թ. մեկնում է Միացյալ Նահանգներ՝ իր ուսումը կատարելագործելու նպատակով, ուր սովորում է ա. Փրոքսիմա քոլեջում: 1970 թ. ավարտում է այն հաջողությամբ և ստանում «Պաակավոր արվեստից» տիտղոսը: Այնուհետև տ. Ավագ վարդապետն ուսանում է Նյու Օռլեան Թուրեյն համալսարանում, որն ավարտում է փիլիսոփայական գիտությունների մագիստրոսի աստիճանով: 1973 թ. հաճախում է Նյու Յորքի ա. Վլադիմիր օրթոդոքս համալսարան, ուր 1976 թ. ստանում է աստվածաբանական գիտությունների մագիստրոսի աստիճան՝ «Ս. Գրիգոր Նարեկացին որպես միստիկ» ավարտաճառի համար:



1975 թ., ձեռամբ ԱՄՆ-ի արևմտյան թեմի հայոց առաջնորդ տ. Թորգոմ արքեպիսկոպոս Մանուկյանի, Նյու Յորքի հայոց ս. Վարդան եկեղեցում ձեռնադրվում է սարկավագ: 1976 թ. սեպտեմբերին ժամանում է ս. Էջմիածին, ուր իբրև ազատ ունկնդիր հետևում է հոգևոր ճանապարհի հայագիտական և եկեղեցագիտական դասընթացներին՝ միևնույն ժամանակ դասավանդելով անգլերեն լեզու:


1977 թ. մայիսի 29-ին, Մայր տաճարի լուսարարապետ տ. Հուսիկ եպիսկոպոս Մանթուրյանի ձեռամբ, ստանում է կուսակրոն քահանայի աստիճան:

Վեհափառ Հայրապետը փետրվարի 5-ին Բաղդադում խոսած իր քարոզում ցանկու-

յուն է հայտնում, որ տ. Ավագ վարդապետը հետագայում գործի Բաղդադի հայ համայնքի ծոցում որպես «մշակ առանց ամօթույ», որպես հարազատ զավակը և քաղաքացին Իրաքի այս օրհնյալ հողին և որպես հավատարիմ սպասավորը Հայաստանից եկեղեցու և Մայր Աթոռ ս. Էջմիածնի:

«Էջմիածին» ամսագրի խմբագրությունը ջերմորեն շնորհավորում է հայր սուրբին և մաղթում եկեղեցանվեր ապագա քեղուն գործունեություն՝ ի մխիթարություն Հայոց Հայրապետի և ի պաշտոնություն Իրաքի հայ հավատացյալ համայնքի հոգևոր կյանքին:





Ա. ՀԱՏԻՏՅԱՆ

ՍՈՒՐԲ ՀՈՎՀԱՆ ՈՍԿԵՔԵՐԱՆ ՀԱՅՐԱՊԵՏ ԱՆՏԻՈՔԱՑԻ* (354—407)

Ա. ՀՈՎՀԱՆ ՈՍԿԵՔԵՐԱՆ ՀԱՅՐԱՊԵՏԻ ՄԱՏԵՆԱԳՐԱԿԱՆ ՎԱՍՏԱԿԻ ՀԱՅԵՐԵՆ
ԹԱՐԳՄԱՆՈՒԹՅՈՒՆՆԵՐՆ ՈՒ ՏՊԱԳՐՈՒԹՅՈՒՆՆԵՐԸ

Ա. Հովհան Ոսկեքերանի մատենագրական վաստակի մեծագույն մասը մեզ հասել է Ե դարի մեր վարդապետների թարգմանությամբ:

«Աստվածաշունչ գրքեն ետքը, և գրեթե անոր հավասար, մեր մատենագրության ոսկեղեն դարու ամենաընտիր և թանկագին ընծայք են սրբույն Հովհաննու Ոսկեքերան հայրապետի՝ հոգեկից և սրտառույ՜ ճառից և մեկնությանց թարգմանությունը...»

Թարգմանիչը մեր երբ ի Բյուզանդիա հասան, անոր հոշակովն և իմաստուն գրքվածոց համբավովը լցված գտան քաղաքն, ուստի մեկեն ձեռք զարկին անոնց թարգմանության: Հավանորեն Եզնըկա և իր ընկերակցաց և դասակցաց կապտկանի՝ այս ընտիր աշխատասիրությունն, որոնց մեջ գլխավոր սեպված են իրավամբ Մանուրանագիրն Մատթեոս, ի թողթուն Պաղոսի, Մեկնությունն Եսայեայ, մասն մի Մեկնութեան Յովհաննու և ճառք քաղումք»⁴⁹:

«Ա. Հովհան Ոսկեքերան՝ ընդհանուր եկեղեցվո պատմության ամենապատկառելի և ամենահամակրելի դեմքերից մեկը, բո-

լոր եկեղեցական հայրերից ավելի ընդարձակ տեղ է բռնում մեր մախնի գրականության մեջ...: Նրա անթիվ ճառերից շատերը թարգմանվել են հայերեն՝ գրերի գյուտից անմիջապես հետո. պահված կան ամենաընտիր ձեռագրերում (հատկապես Հ. 886—906—998 Պետրոս Գետադարձի 1045 թ.-ին գրել տված Աշանավոր երկաթագրի մեջ) և գրված ամեն տեսակ ճառընտիրներում՝ իբրև ամենասովորական նյութ եկեղեցական հրահանգության... Նույնչափ հին ընտիր թարգմանությամբ են, և իբրև ս. Գրքի լավագույն ուսուցիչ ավելի իսկ արժեքավոր քան ճառերը՝ Ոսկեքերանի մեկնությունները, որոնցից շատերն էլ ճանական բնավորություն ունեն»⁵⁰:

Ոսկեքերանի մատենագրական վաստակի մեջ «կա պատարագ մը, սուրբ Գրոց մեկնություններ, քահանայության վրա ճառ մը, և բազմաթիվ քարոզներ, որոնց մեծ մասը թարգմանված են Ե դարու ընտրելագույն գրաբարով, և եկեղեցվո հայրերուն ամենն մեծարժեք գործերը կենդակայացնեն»⁵⁰:

* Ծարունակված «Էջմիածին» ամսագրի 1977 թվականի № ԺԲ-ից և 1978 թվականի № Ա-ից:

⁴⁹ Մատենադարան հայկական թարգմանութեանց նախնեաց..., Վենետիկ, 1889, էջ 581—582:

⁴⁹ Կնիք հաւատոյ... հրատարակություն Կարապետ եպիսկոպոսի (Տեր-Մկրտչյան), ս. Էջմիածին, 1914, էջ Լ):

⁵⁰ Թորգոմ պատրիարք Գուշակյան, Սուրբ և տոնք, Երուսաղեմ, 1889, էջ 117:

Ոսկերեւանի հայերենի թարգմանված մատենագրական վաստակի լեզուն և ոճը համարվում են դասական իրենց հատկության, ճշգրտության և գեղեցկության համար, «լորս ճշդութիւն և ճարտար ամփոփութիւն ըստ արուեստի թարգմանութեան»⁵¹ քրքիւր ընդ գեղեցկութեան և յատկութեան հայերեն լեզուի⁵²։ Եւ դարի առաջին հիսնամյակի մեր նախնաց առաջին թարգմանությունները (Ոսկերեւանի մեկնություններն ու ճառերը, Եվսեբիոս Կեսարացու «Քրոնիկոն»-ը, ս. Սահակի և ս. Մեսրոպի, Եզնիկի ինքնագիր ստեղծագործությունները և այլն) համարվում են «առանց իրիւր երկնությունեան, թէ վասն հայերեն լեզուի ամենայն գեղեցկութեան, յատկութեան և մեծութեան աղբեր... և դիպող ոճ ի հայերեն մատենագրութեան բուն ոսկի դարու, վասն կանոնաւորն ընթացից, վասն ճիշտ բանից, առատ են ազգի-ազգի ասացուածոցն և անուանցն, վասն պարզն զարդոց, և զօրեղ դարձուածողաց, որովք է պատեն ի զօրաւոր ճարտարխօսութիւն, ի լուսաւոր փիլիսոփայութիւն և յամենայն իսկ ճշգրտագոյն մտածողութիւն»⁵³։

Երևանի ս. Մեսրոպ Մաշտոցի անվան ձեռագրաց մատենադարանում միայն պահվում են Ոսկերեւանի մատենագրական վաստակի ամբողջական կամ հատվածական բազում թարգմանություններ⁵⁴։

Ոսկերեւանի մատենագրական վաստակի հայերեն առաջին տպագրությունը եղել է՝

Մեկնութիւն սրբոյ Աւետարանին՝ ըստ Յօհաննու. տպագրեալ ի հովուապետութեան տեւտն Աստուածատրոյ սրբազան կաթողիկոսին ամենայն Հայոց. և ի պատրիարքութեան սրբոյ Երուսաղեմի և Կ. Պոլսոյ՝ Յօհաննիսի արքի եպիսկոպոսին, ընդ հովանեաւ սուրբ Աստուածածնի բազմահասար եկեղեցոյն, ի Կ. Պոլիս քաղաքի, ի տպարանի Գրիգոր դարի Մարսրուանցոյ, 1717 թ. 982 էջ⁵⁵։ Սույն վերնագրին

⁵¹ «Աստուածոյք ի թարգմանութեանց նախնեաց. հանգրթն յոյն բնագրաւ, ի Վիլննա, 1849, «Նախադրութիւն»։

⁵² Նույն տեղ. «Նախադրութիւն»։

⁵³ Յուցակ ձեռագրաց, Ա հատոր, 1965, էջ 1559, ճառք, խրատք, քարոզք, մեկնութիւնք, աղօթք, ներբողեանք, վասն անկար պատմութեանի, յաղագս ամենամի կանոնաց, յԱւետիս Աստուածածնին, ի սոցնի պատկերին և այլն։ Յուցակ ձեռագրաց, Բ հատոր, 1970, էջ 1395, Աղօթք, դասանութիւն, կանոնք, պատմութիւն Յովհաննու Կարապետի, վարք, վարդաբանումն Մարմնոյն, մանրամասն և այլն։

⁵⁴ Հայ հիմնադիր գրքի մատենագրական ցուցակ, 1512—1800, էջ 77։

հաջորդում է հոգելից և բովանդակաշատ «Նախնեքանք և Յորդորմունք վասն մեկնութեան գրքոյս առ ընթերցողաց անձիւնս»⁵⁶։ Հաջորդ՝ 12-րդ էջի վրա Ոսկերեւանի նկարն է Աստվածաշունչ «ի ձեռին ձախոյ» և հայրապետական գալազան «ի ձեռին աջոյ» հայկական ոճի հայրապետական լրիվ զգեստավորմամբ։

Հովհաննու Ավետարանի մեկնությունը սկսվում է 13-րդ էջից և ավարտվում է 977-րդ էջով։ Մեկնությունը քաղկանում է 87 ճառերից և «յորդորակ»-ներից, և երկու մասերից։ Առաջին մասը 45 ճառ, երկրորդ մասը՝ 42 ճառ։ Ամեն մի ճառ համարվում է «աստուածախօս» մի գիրք։

Մեկնությունը սկսվում է Հովհաննու Ավետարանի Ա գլխի առաջին համարից, «Ի սկզբանէ էր Բանն և Բանն էր առ Աստուած», և ավարտվում է ԻԱ գլխի 15 համարով՝ «և իբրև ճաշեցին» նախադասությամբ⁵⁷։ Մեկնության 957-րդ էջում տպագրվել է «Յիշատակարան սրբոյն ըստ պատշանի յանգման ի Կիրակոսէ մեծէ»։ Կիրակոս «Հանձարեղ և գիտնական» վարդապետը դիմել է Կ. Պոլսի ժամանակի նշանավոր «աստուածակիր լուսափայլութեամբ լցեալ, աստուածաշարժ հայր և ուսուցիչ հանուրց» Հովհաննու Կողոտ պատրիարքին, որ օգնի տպագրության։ Այնուհետև Կիրակոս վարդապետը սրտագին մի կոչով դիմում է հայ եկեղեցու ողորպիստ ժախկներին՝ «մանկանց եկեղեցոյ», որ սիրեն ու կարդան այս հոգելից մեկնությունը։

Կիրակոս վարդապետը շատ աշխատանք է թափել հայերեն թարգմանության վրա, այն տպագրության պատրաստելու համար, բայց «ո՛չ յերիւրել, ո՛չ յաւելոյ, ո՛չ պակասեցուցեալ»։ Վերջում նա համբերատարությամբ խնդրում է ներել «սխալանաց խնց»։ Կիրակոսը նախքան տպագրությունը բաղդատել է Ոսկերեւանի Հովհաննու մեկնությունը ասորերենի և հունարենի հետ, ասորերենը գտնելով «շաղփաղի այլաւարագ», օգտագործել է հունարեն բնագիրը, այն գտնելով «ի մերս հայկազանցս արամեանս ազգ և լեզու... յարմար գոյ յունականն բարբառ ի մերս ըստ թարգմանութեան»։

Կիրակոս վարդապետը Ե դարի առաջին հիսնամյակի մեր թարգմանիչ վարդապետների աշխատանքը շատ բարձր է գնահատել և հիացումով է խոսել նրանց մասին. «Հարբ մեր են դաստիարակք մեզ, երախ-

⁵⁵ Անդ, էջ 2—11։

⁵⁶ Նոր Կտակարան, Մայր Աթոռ, 1975, էջ 248—315։

տառորք են մեզ և քիչ քարոթեանց պատճառով», հետևաբար թելադրում է նա «մանկանց եկեղեցույ», միշտ երախտագիտությամբ հիշել նրանց սուրբ անունները, շեշտելով, թե նրանք «զորքանս կրեցին հոգս և տքնութիւնս վասն մերոյն օգտի... Առքա յիշելոյ են արժանիք, այլ նաև քիտոց գովեստից: Հետեւեցունք ուրեմն հանճարաւոր առաջնորդացն այնոցիկ և զաշխատութեանս գործս նոցին միշտ ընթեռնելով և լսելով ի միտս մեր նկարեացոյք կունն ջանիւ և մեծաւ փութով»:

Մեկնության 985-րդ էջում տպագրվել է նաև մի այլ «Յիշատակարան ի տպողէ սրբոյ մատենիս», որի մեջ խնդրվում է հիշել նույնպես «զանպիտան և ամենեցուն ծառայ, զբազմամեղ Գրիգոր դպիրս... զԾրնօղս իմ զՄկրտիչ և զԹուրվանտէն և զհանգուցեալ եղբարսն իմ, նաև զորդեակն իմ զՆերսէս, որ բազում աշխատանս կրեաց ընդ իս ի տպագրութեանս, ի շարելն և զգրելն զգիրսն, այլ եւ զդեռաբոյս զփոքրիկ եղբայր սորին հինգամեայ զԹագուրն... ապա զաշխատակիր մշակսն տպագրատանս զՎեաւարացի Յակոբ դպիրն, զՆրազարկ Եսային, և զԵհագի Գրիգորն...»:

Հուկն յետոյ քան զամենեսին զբազմաշխատ սրբագրօղս սրբոյ մատենիս, զյոգնամեղ Պաղտասար չնչին դպիրս միով եւեթ «Հայր մեր»-ի յիշատակել առ Քրիստոս մի դանդաղիք»:

«Յիշատակարան»-ում Պաղտասար Դպիրը ջերմորեն խնդրում է նաև հիշել «զխոհեմամիտ և զգեղապատիւ զՆերսէս եպիսկոպոսն Եփեսոսի, որ ըստ բարեհաճ կամաց իւրոց ետ մեզ օրինակ մի ընտիր, գրեցեալ ի վաղուց հետէ, վասն տպեցմանս սոյն սրբոյ մեկնութեանս»:

Ներսէս եպիսկոպոս Եփեսացու ձեռագիրը ընդօրինակվել է «լաւ և ընտիր օրինակէ», գրիչ Երեմիա վարդապետի ձեռքով: Պաղտասար Դպիրը օգտագործել է նաև Ոսկեբերանի Հովհաննու Ավետարանի տպագրության ժամանակ, Կիլիկիո «Տանն Սոյն ձեռամբ տէր Դազար քահանայի» գրված մի այլ ընտիր ձեռագիր:

Սույն մեկնության 987-րդ էջում տպագրվել է Պաղտասար Դպրի «Երգ ներքողական առ սուրբն Յօհան Ոսկեբերան» 84 տողից բաղկացած և «Արգոյ մշակ մըշտավատակ յարահետ» սկզբնավորությամբ «Զոն»-ը: 989 էջում տպագրվել է նույնպես ս. Կյուրեղ Աղեքսանդրացի հայրապետի «Ի պարապմանց գիրսն» ԼԶ գլուխ... խոստովանիմ զՆա Որդի Աստուծոյ և Աստուած համագոյ: 966—972 էջերում կա «Համառօտ ցանկ ճառից սրբոյ մատենիս»: Բացի Ոսկեբերանի Հովհաննու մեկնու-

թյունից, Գրիգոր Մարգվանեցու և Աստվածատուր Կ. Պոլսեցու տպարաններում, Հովհաննէս Կոլոտ պատրիարքի օրով, «Նրա նախաձեռնությամբ և հովանավորությամբ հրատարակվել են շուրջ 80 անուն հայ դավանության և հայ ժողովրդի պատմության վերաբերյալ արժեքավոր գրքեր»՝ «Հայ ժողովրդի մեջ դավանաբանական հողի վրա սեփական ուղղափառության գիտակցությունն ամրապնդելու... ազգային գիտակցությունն զարգացնելու համար տպագրության են տրվում և հայկական միաբանությունն այնպիսի անխոնջ և եռանդուն պաշտպանի մեծահատոր գրվածքները, ինչպիսին էր Գրիգոր Տաթևացին», և «հայոց գրականության հին հիշատակարանները... հատկապես այն նպատակով որ հայերը կարդան և հասկանան, որ իրենք դավանում են Գրիգոր Լուսավորչի դրած հավատը և կարողանան պատասխան տալ հակառակորդներին»⁵⁷:

Չափազանց հուզիչ և սրտագրավ հանգամանքը այն էր, որ նման հանրօգուտ գրքերի հրատարակության համար ստեղծվում է համաժողովրդական զանձանակ և հրատարակչական ընկերակցություն: Հայեկեղեցու հավատարիմ և հայոց ուղղափառ դավանության պաշտպան «Հայ եկեղեցույ մանկունք» ի մի են հավաքվում, հասարակաց սնդուկ են հաստատում, նման գրքեր հրատարակելու համար: Սա եզակի և ուսանելի փաստ է մեր եկեղեցու պատմության մեջ: Այս ազնիվ մարդիկ դիմում են բոլոր հայերին, որ օգնեն այդ բարի նպատակի համար: Մասնակցում են նաև աղքատները: Հավաքում են մեծ գումարներ: Հրատարակիչների ընկերակցությունը հայտարարում է, որ հետզհետե պիտի հրատարակվեն հայ եկեղեցու ուղղափառության և հայ ժողովրդի պատմության նկիրված այլ դասական գրքեր, որոնք ժողովրդին պիտի բաժանվեն և տարածվեն «ձրի»⁵⁸:

Ս. Հովհան Ոսկեբերանի հայերենի թարգմանված և 1734-ին Կ. Պոլսում տպագրված երկրորդ կարևոր գործը ժամանակագրական կարգով հետևյալն է.

Յովհաննէս Ոսկեբերան, ներքողեանք ասացեալ այրն Աստուծոյ Ռհան Ոսկեբերան, Ապաշխարութեան վարդապետն, ի վերա սրբոյն Գրիգորի Լուսավորչին մերոյ:

Ս. Գրիգոր Լուսավորչի ոսկեբերանյան

⁵⁷ Լեո, Հայոց պատմություն, հտր. III, Երևան, 1946, էջ 947:

⁵⁸ Լեո, նույնը, էջ 947: Տես նաև Կյուրեղ Աղեքսանդրացի, Գիրք պարապմանց, Կ. Պոլիս, 1717, «Յիշատակարան»:

սույն գեղեցիկ ներքողյանը տպագրվել է Կ. Պոլսում 1734 թվականին, դարձյալ Գրիգոր զպիր Մարգվանեցու հայտնի տպարանում «ի հայրապետութեան սրբոյ Էջմիածնի աստուածաճարտար Աթոռոյն տեառն Արքահայր Մշեցի սրբազան կաթողիկոսին ամենայն հայոց և ի պատրիարքութեան սրբոյ Երուսաղեմի աստուածազարդ քաղաքի Գրիգորի հրեշտակակենցաղ սրբոյ և մեծի վարդապետի ամբօրացոյ, և ի պատրիարքութեան Կ. Պոլսոյ տեառն Ռհաննու քաջիմաստ և աստուածաբան վարդապետի քաղիշեցոյ. ՌՃԶԳ թուին (1734 թ.), ՃԼ (130) էջ»³⁸:

Ներքողյանը բացվում է ս. Գրիգոր Լուսավորչի հայկական եկեղեցական ոճի հայրապետական լրիվ զգեստավորված նկարով, խաչազարդ հովվապետական գավազանը ի ձեռին: Նկարի ներքևում տպագրվել է «զմարգարէութիւն Եսայեայ ի վերա սրբոյն Գրիգորի. ո՞ լուսա, ո՞ ետես այսպիսի՝ ինչ, եթէ երկնեաց երկիր ի միում ատուր... եւ ծնաւ ազգ մի ողջոյն զմիանգամայն»:

Այնուհետև հաջորդ 126 էջերի վրա Ոսկերեանը երախտագիտությամբ, մեծ հիացումով շարադրել է սբանչեյի վարքը «սրբոյն Գրիգորի հայոց Մեծաց Հայրապետին, ի Կոկիսոն Հայոց, մինչ յաքսորն էր, ի խնդրոյ հայազին ուրեմն եպիսկոպոսի համազգոյ նորին Գեոսկորոս անուն կոչեցելոյ, այլևս յոգնախոսք բազմութեանն»:

Ա. Հովհան Ոսկերեանը Լուսավորչի վարքը շարադրելիս օգտվել է հայոց հայրապետի խորվիրապայան 13 տարիների չարչարանքների, առաքելական քարոզության, Հայաստան աշխարհի քրիստոնեության դարձին, նրա ճգնության ու մահվան նվիրված վարքագրական (հավանաբար հունարեն ստրյուրներից), ինչպես նաև «Փոքր Հայքի Կոկիսոն քաղաքում» Լուսավորչի կյանքի և գործունեության «և անվան շուրջ հյուսված հայկական ավանդություններից»³⁹:

Ոսկերեան հայրապետը Լուսավորչի սույն ներքող-ճառը արտասանել է Կոկիսոն քաղաքում, «յոգնախոսք բազմութեանն» առաջ, «որք ժողովեալք էին յատուր տօնի իշատակի մեծահոշակ նորին սուրբ Լուսավորչին արեւելեան աշխարհին»:

Լուսավորչին նվիրված ներքողյանը քակրավում է այսպես. «Հրաշալի մեզ տօնս

այսօր և պայծառագոյն քան զսովորական շարադրութիւնս», որովհետև «զսուրբ հայրապետն, ճգնազգեաց նահատակն և աստուածազգեստ մարտիրոսն, երկրորդ Մովսէս... լինէր ի մէջ հօտից իբրև զհովիտ քաջ և առատապէս սերմանէր զհանն կենաց ի քաղաքի և յանապատի և հանապազորդ աղօթիք արձակէր աղբիւս արտասուաց և վտակս վարդապետութեան և ոռոգանէր գրոյս անդոյն զի մի խորշակահար լիցի ցորենն ի ջերմութենէ սատանայի...»

Երանելի՜ քեզ, անապատ Հայաստանեայց որ ժողովեցեր զարեգակնոյ քազմաճառագայթ ի ծոց քո և լուսատրեցեր արփափայլ նշուխար դորա» (էջ 110—115):

Ներքողյանի 117—126 էջերում հրատարակիչ Մահտեսի Գրիգորը ամփոփ կերպով ներկայացնում է քառ Ազարանգեղոսի «Հայոց պատմութեան» Լուսավորչի կյանքի, գործունեության և վարքագրության համառոտ պատկերը, Լուսավորչի հոր՝ Անակ պարթև իշխանի արքայապան ծանոթ արարքից մինչև Լուսավորչի կաթողիկոս ընտրությունը:

Տպագրված ներքողյանն ավարտվում է 127—130 էջերում հրատարակչի «Յիշատակարան»-ով: Նրա ազնիվ ցանկությունն է եղել ս. Գրիգոր Լուսավորչի մասին Ոսկերեանի ներքողյանը հրատարակելով ցույց տալ «լուսավորչածին երամոցոյ», որ «ազգն մեր սիրելի, կարող լինիցի ճանաչել թէ որպիսի՜ առն սրբոյ երանելոյ իցեն աշակերտեալք և մի՜ ի դերես հանիցեն զեքսակախիս սրբազանի հօր իրեանց, հետևելով ի ճգամբք նորին կառուցեալ եկեղեցւոյ սրբոյ»:

Ներքողյանի «տպեցման յիշատակարանում» (էջ 127) հրատարակիչը խնդրում է հիշել «զԼուսմկաացի Նազարի որդի Մահտեսի Մակարն, գեղրապ իւր մահտեսի Անաթելն, զհանգուցեալ եղբայրք իւր մահտեսի Մարտիրոսն, որք ջերմեռանդ սիրով ետուն զգին թղթոց տպեցեալ գրգոյս... զտպող գրգոյս մահտեսի Գրիգորս, հանդերձ ճնողովքս ամեն» (էջ 130):

Մեզ հասել է Գրիգոր Վկայասեր հայոց կաթողիկոսի (1066—1105) թարգմանությամբ ս. Հովհաննես Ոսկերեանի վարքը, որը թեև Ոսկերեանի վաստակի մեջ չի մտնում, քայց կարևոր են նրա հայերեն թարգմանությունն և ապա տպագրությունը 1752 թվականին Վենետիկում:

Ոսկերեանի սույն վարքը կոչվում է «Պատմութիւն վարուց (սբանչեկեաց և դիպուածոց սրբոյն) Յովհաննես Ոսկերեանի (հայրապետին Կ. Պոլսոյ, Տիեզերաց Լուսավորչի ծննդեան և գեղեցիկ քաղաքավարութեան) թարգմանեցեալ ի յու-

³⁸ Հայ հնատիպ գրքի մատենագրական ցուցակ, 1512—1800, Երևան, 1963, էջ 102:

³⁹ Կնիք հաստոյ, նույնը, էջ Լ:

նակամէ ի հայս ի Գրիգորէ կաթողիկոսի վկայաւոր կոչեցելոյ»⁶¹:

Ոսկերեքանի սույն վարքը հրատարակվել է Վենետիկում, 1752-ին, Սարգիս արքեպիսկոպոս Կոստանդնուպոլսեցիի նախաձեռնությամբ: Գիրքը բաղկանում է 318 էջերից և 32 գլուխներից:

Ոսկերեքանի մատենագրական վաստակի հայերենի թարգմանված և տպագրված գործերի մեջ կարևոր տեղ է գրավում նաև նրա Մատթեոսի Ավետարանի մեկնությունը: Սույն մեկնության ընդհանուր վերնագիրն է.

Յովհաննու Ոսկերեքանի Կոստանդնուպոլսի եպիսկոպոսապետի Յառնոսրաբանգիրն Մատթեոս, գիրք կրկին. (Ա. և Բ. գիրք), Վենետիկ, ս. Ղազար, 1826, 763 էջ⁶²:

Առաջին գիրքը սկսվում է 11 էջից և ավարտվում է 400 էջում: Երկրորդ գիրքն սկսվում է 401 էջից և ավարտվում է 763 էջով:

Ոսկերեքանի Մատթեոս Ավետարանի մեկնությունը ունի նաև «Գիրք երրորդ թերի, և ի թուղթն Պաղոսի հատուածք» տպագրված Վենետիկում, 1826-ին, 448 էջից բաղկացած⁶³:

Մեկնության Ա. և Բ. գիրքը բաղկանում է 53 ճառերից, որոնք արտասանված են Անտիոքում, 390—398 թվականներին:

Ե դարում մեր թարգմանիչ վարդապետներն են այն բաժանել երեք գրքերի:

Ա. գիրքը, որը բաղկանում է 25 ճառերից, կոչվում է **Մեծոք գիրք**, որովհետև սկսվում է Քրիստոսի ծննդաբանությամբ⁶⁴, այսինքն պատմում է «զճնունդս նահապետացն և զՏեառն սկիզբն ունելոյ»:

Բ. գիրքը, որը բաղկանում է 28 ճառերից, կոչվում է **Կախառնաում**, «զի սկիզբն առնէ ի բանէ և Յիսուս մտեալ ի Կախառնում»⁶⁵:

Գ. գիրքը, որը բաղկանում է 38 ճառերից, կոչվում է **Կեսարացոց կամ Փարիսեցոց գիրք**, 1—142 էջ, «վասն անտի սկսանելոյ թէ՛ Յիսուս ելեալ ի կողմանս Փիլիպպեայ Կեսարեայն հարցանէր զաշակերտսն»⁶⁶:

⁶¹ Հայ հնատիպ գրքի մատենագրական ցուցակ, Թուրքիա, էջ 129:

⁶² Հայ գիրքը 1801—1850 թվականներին, Երևան, 1967, էջ 181:

⁶³ Նույնը:

⁶⁴ Նոր Կտակարան, Մայր Աթոռ, 1975, էջ 3—4:

⁶⁵ Նույնը, էջ 21:

⁶⁶ Նույնը, էջ 31—32:

Սույն հրատարակության մեջ Ոսկերեքանի Մատթեոսի Ավետարանի երեք գրքերի մեկնությունը գրավում է 1—142 էջերը:

Մատթեոսի Ավետարանի մեկնության երրորդ գրքում կան նաև հատվածներ Ոսկերեքանի, Պողոս Առաքյալի, առ Եփեսացիս, առ Եբրայեցիս, առ Տիմոթ. Ա. և Բ., առ Տիմոթ. առ Կողոսացիս, առ Թեսաղոնիկեցիս Ա. և առ Փիլիպպեցիս թղթերի մեկնություններից, 52 ճառեր, էջ 143—447: Սույն 52 ճառերի մեջ հիշվում են. «Յաղագրս թէ ոչ ի հարկէ մեղք լինիցի այլ ի չար կամաց», «Յաղագս արժանաորոշեամք մերձեմալ ի սուրբ խորհուրդսն», «Յաղագս սիրոյն Քրիստոսի», «Յաղագս գուսանական խելկատակութեան», «Յաղագս ազահութեան որ է կոսպաշտութիւն», «Յաղագս առն և կնոջ սիրել զմիմեանս» և այլն:

1862 թվականին Վենետիկում առանձին հատորով լույս է տեսնում ամբողջական ձևով «Յովհաննու Ոսկերեքանի Կ. Պոլսի եպիսկոպոսապետի մեկնութիւն թղթոցն Պաղոսի առաջին հատոր, մեկնութիւն Տիմոթեոսի, Տիմոթ. Կողոսացոց, Փիլիպպեցոց, Եփեսացոց», 942 էջ, հոլանդապաշխատությունը:

Սույն մեկնությունը համարվում է «Հրաշալւոյն ի գրութս, Մատթեոսեան մեկնութեանն համապատիւ և ճոխագոյնս հարս եկեղեցոյ» (Յառաջարան): Այնուհետև Ոսկերեքանի մասին վկայվում է. «Չեկաց ոք ի նախնի Հարց առաւելեալ քան զաս, ի գիտ անակնկալ իմաստից և ախորժալոր բեմբասացութիւն ժողովրդեան և ոչ իբրև զսա պարզ և ընդելական ի բանս» (Յառաջարան):

Ոսկերեքանի Պողոսյան թղթերի մեկնության հայերեն թարգմանության անգերագանցելի արժեքն ու հոգևոր նշանակությունը գնահատվում է այսպես. «Մեք երախտագէտ սրտի զաջ աստուածարեալ մերոյ հայ թարգմանչին համբուրեմք, որ զխոնարհ ոճ շարագրածոյ իմանականին գեր ի վերոյ ամբարձ ի հայտմս յոճ սքանչելի, պերճ, վսեմ ու քաղցրալոր» (Յառաջարան):

Ոսկերեքանի Պողոսյան թղթերի հայերեն թարգմանության և տպագրության առաջին հատորը ունի հետևյալ բովանդակությունը. Տիմոթ. Ա. 18 ճառ և Հորդորակ, Տիմոթ. Բ. 10 ճառ և Հորդորակ, Տիմոթ. Բ. 10 ճառ և Հորդորակ, Փիլպ. 15 ճառ և Հորդորակ, Կողոս. 12 ճառ և Հորդորակ, Եփես. 24 ճառ և Հորդորակ (էջ 1—942):

Բ. հատորը ունի հետևյալ բովանդակությունը. Հռովմ. թուղթ 32 ճառ և Հորդորակ:

Հատվածներ Ա և Բ Կորնթ., Գաղա. Ա և Բ, Թեսալ., Եբր. թղթերի, Գործք առաքելոցի (425—578 էջ): Հատված «ի Յովհաննու մեկնությունը, մնացորդը» (էջ 579—609), «ի հին թարգմանությունը»:

Բ հատորում տեղ են գրավել նաև հետևյալ աշխատությունները.

1. Ճառ յորժամ ձեռնադրեցաք քահանայ, յանձն իր, և յեպիսկոպոսն և ի բազմութիւն անդր ժողովրդոյն, գրված 386-ին:

2. Բազումք ներքողեանք յամենայն սուրբս, որք վկայեցին լնդհանոր տիեզերս (Պեղագիա կոյս, Իգնատիոս հայրապետ, Մակարայեցունցն և ի մայրն ճոցա, Բաբելաս վկա և հայրապետ, Դուկիանոս վկա և այլն):

3. ՅԱնդրիականացն, ճառ Ա, Բ, Գ, Ե, Զ, Ժ, ԺԵ, ԻԱ, գրված Անտիոքում, մեծըն Թեոդոս կայսրի արձանի կործանման առիթով, «զկնի մեծ խոովութեան ժողովրդեանն»:

4. Ճառ ընդդէմ որոց թողեալ գեկեղեցի, դիմեցին ի ձիւնթացս և ի թատերս:

Սույն ճառը արտասանվել է 399 թվականին Կ. Պոլսում, Ոսկերեքանի պատրիարքության առաջին շրջանում, ս. Առաքելոց Մայր տաճարում, Ավագ չորեքշաբթի օրը, երբ տեղատարածի մի անձրև մեծ վնաս հասցրեց մայրաքաղաքին և բնակչությանը: Ոսկերեքանի գլխավորությամբ եկեղեցիներում «պաղատանք և թափօրք յաճախեցին», անձրևը դադարեց Ավագ ուրբաթ օրը, երկինքը պայծառացավ, խաղաղվեց կատաղած բնության տարերքը, իսկ մահից փրկված ժողովուրդը, մոռացած ամեն ինչ, դիմեց մայրաքաղաքի «ձիւնթացս», այսինքն ձիարշավների դաշտ, արհամարհելով մեծ օրվա սրբությունը, և հաջորդ օրն էլ, Ավագ շաբաթ, «սիրտացան ճոքս թատրիական խաղս խէնէս»: Ոսկերեքան հայրապետը ընդվզեց ժողովրդի այս անվաղ ընթացքի դեմ, Մայր տաճարում խոսեց այս ճառը, «ճշգրտութեամբ» նկարագրելով ձիարշավների դաշտում և թատրոնների մեջ կատարված աշխարհիկ խնկեղ հանդեսները, և կշտամբեց «դառնապէս» ժողովրդին և ապա «նզովս կարդայ ի վերայ ճոցա»:

5. Ճառ Յետրոպիոս ներքինի, պատրիկ և հիւպատոս, այր հօգօր և մեծափառ...

Ոսկերեքանը սույն պատրիկի «ձեռնարկութեամբ ամառ յԱնտիոքայ յԱթոն Կ. Պոլսի»: Հետագայում, Ոսկերեքանի պատրիարքության օրով, պատրիկը շնորհագրվելով է, իսկ Ոսկերեքանը մարդասիրար պաշտպանում և հովանավորում է նրան:

6. Ճառ ի փոխադրութիւն նշխարացն և յեղորսիա դշխոյն:

Ոսկերեքանը սույն ճառը արտասանել է Կ. Պոլսում, սրբերի մասունքների փոխադրության օրը, «աշխարհամոլով հանդիսի» ժամանակ, Եղորսիա կայսրուհու ներկայությամբ:

7. Ճառ նախքան զաքսորն՝ արտասանված 403-ին, Կ. Պոլսում, իր արքայից առաջ: Սույն ճառի մեջ երևում է Ոսկերեքանի «նրաշալի օրինակաւ անասանելի սիրտինն աստուածային ոգոյ»: Ոսկերեքանը ճառի մեջ իր պատկերավոր խոսքը ուղղելով իր ազդեցիկ հակառակորդների դեմ, Եղորսիա կայսրուհու գլխավորությամբ, համբուրելի համարձակությամբ ասում է. «Բազմակոհակք են այիք, և զայրացեալ՝ մորիկն, այլ սակայն բնաւ և զանգիտեմք իսկ ոչ, եթէ երբեք անդնդաւոր լինիցինք, քանզի ի վերա վիմի հաստատեալ ենք: Թող վարենաւսցի՝ ծովն, վիմին ոստնանն ո՛չ զօրէ: Աոց՝ ամբարձցի՝ զաշխն, զՅիսուսի նաւն սուգանն ո՛չ ունի»:

8. Ճառք Ա և Բ. յորժամ դարձաւ յառաջին յաքսորանացս:

9. Բան եթէ՞ որ անձին իրում չվնասէ, գնա ոչ որ կարէ վնասել:

Սույն ճառը խոսվել է «ի Կոկիսոն Կիլիկիոյ, յորժամ ինքն էր յաքսորս»: Վերոհիշյալ ճառը գնահատվում է որպէս «զքրիստոնէական իմաստասիրութեան բովանդակութիւն գեղեցկապէս չինքն բերեալ»:

Պոլոս առաքյալի թղթերի մեկնությանը նվիրված սույն երկրորդ հատորում կան նաև տպագրված բազում հոդակալ ճառեր, որոնցից հիշենք. «դարձեալ Հերովդիաս մոլեգնեալ, յանդգնի, դարձեալ կարաւէ, դարձեալ միսանգամ խնդրէ զգլուխն Յովհաննոս: ի Հերովդէ անօրէնութեամբ կըտրեալ», կինն մեղաւոր, ի գալուստն Քրիստոսի, յաղագս հաւատոյ, ի ձկնորսութիւն Պետրոսի, ի սուրբ Ստեփանոսն, մարմինը ձեր անդամք Քրիստոսի և այլն:

Սույն հատորում տեղ են գտել նաև Ոսկերեքանի «անբնագիրք» և ոչ հարազատ ճառերը (էջ 792—797):

Ոսկերեքանի հայերեն հրատարակված գործերի մեջ մեծ տեղ են գրավում նաև նրա «Հաղորմտիք գիրք և ճառք և ներքողեանք», «թարգմանեալ ի լոյն բնագրէ երկասիրութեամբ տեառն հ. Եղիայ վ. Թովմանեանի ս. Դազար, 1818, Ա. և Բ հատորները մեկ կազմում»⁶⁷:

Սույն հրատարակությանը նշանավոր ճառերից են «Առ Թեոդորոս անկեալ», Ա. և Բ.

⁶⁷ Հայ գիրքը..., նույնը, էջ 81—82:

գիրք: Թեոդորոսը Ոսկեբերանի դասընկերն է եղել «ի ճամարանի կիբանուսի սովետտեհին»: Նա ապա լքել է ճամարանը և «դարձաւ յաշխարհ», որովհետև սիրում էր «զՀերմիոն ոմն կոյս»: Ոսկեբերանն աշխատել է նրան համոզել և վերադարձնել նորից վանք: Այս առթիվ նա գրել է երկու գիրք Թեոդորոսին հասցեագրված:

Ապա «յաղագս կուսութեան» (հարօք է մարդոյ ի կին մարդ գմերձենալ), «յաղագս քահանայութեան» վեց գիրք, «ընդդէմ յերանելին հաբեղաւ և ընդդէմ Յովիանոսի և հելլենացոցն»:

Հաբեղաւը Ոսկեբերանի ամենամոտ բարեկամն էր և հայտնի եպիսկոպոս Անտիոքում: Ոսկեբերանը սույն ճառում յատորեն քննադատում է նաև «հրապարակագոյժ նշանակութիւնն հելլենացոցն և ամբարիշտ գնացոցն Յովիանոսի», և «ի բարձր գլուխ պանծացուցանել» Հաբեղաւին:

1861 թվականին Վենետիկում տպագրվել է նաև «Յովհաննու Ոսկեբերանի Կ. Պօլսի եպիսկոպոսապետի ճառք», 916 էջ:

Սույն հրատարակության առաջին բաժնում տեղ են գրավել Ոսկեբերանի «հարազատ և աներկբայելի» ճառեր, իսկ երկրորդ մասում «երկբայականներ» և միայն հայերեն թարգմանությամբ մեզ հասած ճառեր, շուրջ 76 ճառեր, որոնցից մի կարևոր մասը հրատարակվել է ոսկեբերանյան նախորդ տպագրությունների մեջ:

1849 թվականին Վիեննայի Մխիթարյանների տպարանում հրատարակվել է «Քաղուածոյք ի թարգմանութեանց նախնեաց հանդերձ, յոյն բնագրաւ ի Վիեննա», 493 էջ⁶⁸:

Հրատարակության մեջ առնված են Հովհ. Ոսկեբերանի մեկնությունը Մատթեի՝ ճառք Ա.—Ը, ԺԲ.—ԺԵ և ԺԹ, ապա Սեբերիանոսի ճառ է և Եվսեբիա Կեսարացի Քրոնիկոն (քաղվածաբար) հունարեն բնագիրն ու հայերեն հին թարգմանությունը դեմ առ դեմ գետնելված: Հառաջաբանը «կիսոսի ոսկեդարյան մատենագրության դասական նկարագրին վրա»⁶⁹:

1855 թվականին Վիեննայում հրատարակվել է Ոսկեբերանի «Ծառ» վասն աղօթելոյ, թարգմանությամբ Գաթրճեան Հ. Հ. (Գրաբար), 16 էջ:

1880 թվականին Վենետիկում հրատարակվել է Ոսկեբերանի «Եսայայ մեկնութեան հատուածը...»: Գիրքը բաղկանում է 472 էջերից, և ավարտվում է 63-րդ գլխով:

Այս մասին տրվում է հետևյալ ծանոթագրությունը. «Մինչև ցայս վայր օրինակս մեր (գլ. կդ 10—12): Մնացեալքն պակասին այն է մեկնութիւն երկուց վերջին գլխոց Մարգարէութեանն Եսայայ»:

Առաջին էջում նշվում է, որ «յօրհանկին պակասի մեկնութիւն Ա. գլխոյն և 1 համարոյ Բ.ին»:

102-րդ էջում դարձյալ նշվում է. «Մինչեւ ցայս վայր գտաք իւրով ձեռովք գրեալ երանելոյն Յոհաննու յունարէն»... «դարձեալ, որպէս յամենայն մեկնութիւնս ս. Գրոց, սոյնպէս և ի մեկնութիւնն աստ Եսայայ, զմիջինն ունի շաիդ Ոսկեբերան ի մէջ երկուց հակառակ դպրոցաց Աղեքսանդրեայ և Անտիոքայ, յորոց առաջինն ներշնչումն աստուածային դնէ ոչ յիմաստս միայն, այլև յամենայն բառս սուրբ գրոց. իսկ Ոսկեբերան հակառակ աղեքսանդրեացուն՝ ոչ եթէ զբառս սուրբ Գրոց, այլ զբարոյական և զաստուածաբանական իմաստս սուրբ Գրոց, այլ միայն զգոյշ գալ պատուիրէ մի՛ կարի յաճախել և ընդլայնել գնոսին, զորս և ի կարևորս իսկ չհամարի ի մեկնութեան ս. Գրոց»:

Սույն մեկնությունը հրատարակվել է «յիշատակ Մաղաքեան տոմսին»:

Ոսկեբերանի «Եսայայ մեկնութեան» թարգմանությունը գործն է «Հաւանաբար Եզնկայ և իր ընկերակցաց և դասակցաց»...:

«Ոսկեբերանի ճառերից շատերը թարգմանվել են հայերենի գրերի գլուխից անմիջապէս հետո... Որչափ ընդարձակ տեղ է բռնում այդ ճառերի ցուցակը Զարպհանյանի հայկական թարգմանության զորքում (էջ 581—616): Այնուամենայնիւ, էջ-միածնի մատենադարանի ձեռագրերում կան բազմաթիւ այնպիսիները, որ նա չի հիշել: Հարկավ դոցա մեջ քիչ չեն անհարգատներ՝ միտումով կամ թշուրիմացությամբ նորան վերագրված, կամ այնպիսիներ, որ վերցվել են նորա ընդարձակ մեկնաբանական գործերից: Բայց եթէ բազմակողմանի հետազոտությամբ մի նոր քննական հրատարակություն լինի, միայն Ոսկեբերանի ճառերը թերևս մի ամբողջ հատոր ավելացնեն Մխիթարյանց հրատարակությունների վրա»⁷⁰:

«Կնիք հաւատոյ» ժողովածուում տեղ են գտել Ոսկեբերանի մատենագրական վաստակից հետևյալ հատվածները.

Ի սուրբ Երրորդութիւնն (էջ 40—51), Մեկնութիւն որ ըստ Մատթեոսի Աւետարան (էջ 167—169), որ ի չարչարանս (էջ 248), ի Փարիսեցոց գրոյն (էջ 278), ի

⁶⁸ Հայ գիրքը..., նույնը, էջ 81—82:

⁶⁹ Նույնը, էջ 875—876: Եվ «Ընդհանուր գրացուցակ Մխիթարյան գրավաճառանոցի», 1972, Վիեննա, էջ 42:

⁷⁰ Կնիք հաւատոյ, նույնը, էջ Լ:

մեկնություններ Եսայիայ (էջ 318—319), նորին ի սաղմոսաց մեկնություններ (319—323), ի մեկնություններ Երեմիայից թղթին (էջ 323), լևեւտարանն Յովհաննու (էջ 353—354), նորին առ Կորնթ. լևուսին գլխուն (էջ 354), նորին ի ներքողական խաչին (էջ 355):

Ոսկերեքանցան ճառերի հատվածական հրատարակության մասին տես նաև Հակա-ճառություն Տիմոթեոսի (էջ 26—28, 77):

Ոսկերեքան հայրապետի «աստվածա-նրատ լեզուն և աստվածախոս բերանը, որ երիտասարդ հասակեն զարմացուցեր էր զԼիբանիս իր ուսուցիչն և ճարտարախոսության վեհագույն վարժապետը, քահանայական և հայրապետության նվիրական ավագությանց բարձրանալեն հորը՝ ճիացուցեր էր զԱնտիոք և զԳլուզանդիոն, պերճախոս խոսքովն և կորովի լեզվով՝ ոխերիմ և անհաշտ թշնամի մը երևնալով ախտից և մոլորությանց, ջաղխելով՝ փշրելով զանոնք, թեպետև արքունյաց ծիրանյոր ներկայանալին իրեն, թեպետև եկեղեցական պատմության տակ ի սրբավայրի և անկե դուրս, հարուստին կամ աղքատին հարկի տակ, ի թատերս և ի տեսարանս, ամեն տեղ և ամեն առթի շխնայելով, և երբեք ուժի կամ բռնությանց առջև չտկարանալով այլ միայն իր աստիճանին և պարտուց անալով: Մեռավ նա, ինչպես ի կյանս, այնպես մահվեն հորն ալ ճշմարտության անուշիկ քարոզ թողլով ի գանձարանս եկեղեցւոյ իր բազմաթիւ երկասիրությունքը»⁷²:

Հարուստ է նաև հայ եկեղեցու և հայ

⁷² Տիմոթեոսի եպիսկոպոսականի Աղեքսանդրեայ Հակաճառություն..., ս. էջմիածին, 1905: Ոսկերեքանի ճառերի մայրենի հատվածական հրատարակությունների ուսումնասիրությունների մասին տես նաև «Արարատ» ամսագիր, 1868—1919, 1900, էջ 621—623, 1917, էջ 110—111, 1917, էջ 193—198, «Էջմիածին» ամսագիր, 1961, էջ 52—63:

⁷³ Մատենադարան, նույնը, էջ 581:

մշակույթի գանձարանը ոսկերեքանցան գործերի հայերեն թարգմանությամբ և տպագրությամբ:

Ոսկերեքանն իր մատենագրական վաստակի մեջ այնքան հանգամանորեն չի զբաղվել «քրիստոնեական վարդապետությամբ, որքան խորապես զբաղված է քրիստոնեական բարոյականով...: Այս է պատճառը որ Գրիգոր աստվածաբան խրթնություն մըն է՝ անհաղորդ ժողովրդի կյանքին, մինչ Ոսկերեքան պարզություն մըն է կապված ժողովրդի կյանքի հետ: Այնքան նորը դիտող մըն է Ոսկերեքան և այնքան ճշտադատ մը՝ որ իր սկզբունքներն ու վեհություններն ճշմարտություններ են ամեն դարու և ամեն ժամանակի, մանավանդ քրիստոնյա մարդոց համար»⁷³:


Այս է պատճառը, որ Ոսկերեքանը «ընդհանուր եկեղեցվո պատմության ամենապատկառելի և ամենահամակրելի դերերից մեկն է և եկեղեցական բոլոր հայրերից ալելի բնդարձակ տեղ է բռնում մեր նախնի գրականության մեջ»⁷⁴:


Ոսկերեքան հայրապետը իր սրբակրոն վարքով և մատենագրական հարուստ վաստակով բնութագրվում է հարազատորեն «վասն մեր ամենից աստուածապաշտական վարուց օրինակ, քահանայական կացության նպատակ, վարդապետական իմաստից խողովակ, եպիսկոպոսական հեղինակությունն աղիսակ, պատրիարքական ճոխությունն եղանակ, կղերիկոսական պաշտամանց աշտանակ, ս. Գրոց մեկնության մատույնակ, հաւատոյ պաշտպանության աշտարակ, ի կարգս ուսումնապետաց աբուսեակ, և յերանս հայրապետաց՝ լուսնաթագ»⁷⁵:

⁷³ «Լոյս» շաբաթաթերթ, 1905, էջ 1045—1046:

⁷⁴ Կնիք հաւատոյ, նույնը, էջ Լ: Տես նաև Մաւրաթիա արքեպ. Օրմանյան, Ազգապատում, Ա հատոր, մասն Գ, Քեյրութ, 1959, էջ 1282—1283:

⁷⁵ Պատմություն վարուց, Վեհափիկ, 1752, էջ IX:





ԱԳԱԹԱՆԳԵՂՈՍԻ ՊԱՏՄՈՒԹՅՈՒՆ ՀԱՅՈՑ

ՎԱՐԴԱՊԵՏՈՒԹՅՈՒՆ ՍՈՒՐԲ ԳՐԻԳՈՐԻ

Ագաթանգեղոսի Հայոց պատմության մասը կազմող Վարդապետությունը աշխարհաբար է թարգմանվում առաջին անգամ: Ագաթանգեղոսը թարգմանելիս թե՛ միջին դարերում (հունարենի և այլ լեզուների), թե՛ նոր ժամանակներում (եվրոպական լեզուների) Վարդապետությունը դուրս է մնացել:

Իր բովանդակությամբ Ագաթանգեղոսի Պատմության այս հատվածը բավական ինքնուրույն է: Վարդապետությունը առաջին անգամ թարգմանվել է անգլերենի, առանձին գրքով, Ռ. Թոմսոնի կողմից (The Teaching of St Gregory, An Early Armenian Catechism, trans. by R. W. Thomson, Cambridge, Mass., 1977).

Վարդապետությունը թեև Ագաթանգեղոսի Պատմության բնագրի անբաժանելի մասն է և նրա կազմում եղել է հենց Ե դարից, այսուհանդերձ Ագաթանգեղոսի՝ մեր կողմից կատարված աշխարհաբար թարգմանության մեջ (Ագաթանգեղոս, Պատմություն Հայոց, Երևան, 1977) բաց էին թողնվել, այն հետազայում հրատարակելու նպատակով: Այժմ Վեհափառ Հայրապետի ցանկությամբ այն հրատարակում ենք «Էջմիածին» ամսագրում:

Քառակուսի փակագծերի մեջ բերել ենք այն ենթավերնագրերը, որ Գալուստ Տեր-Մկրտչյանը և Ստեփան Կանայանցը 1909 թ., հրատարակության մեջ մտցրել էին բովանդակության ցանկում:

[Միասնական Սուրբ Երրորդության ինքնագո աստվածությունը, երկնքի ու երկրի ստեղծումը]

259. Տեր Աստված միակն է իր էությանը և ոչ մեկը չի եղել նրանից առաջ: Չկա այլ Արարիչ այն ամեն ինչի, որը երևելի և աներևույթ է, բացի Հորից ծնված միածին Որդուց և նրա Հոգուց, որ նույն էությունից է, որով ի սկզբանե եղավ աշխարհը, ստեղծվեց ամենագոր կամքի միակ գործությամբ, միասնական Երրորդության մեկ մտածողությամբ, կամքով և բնությամբ: Նրանով էր ստեղծված ամենայն ինչ՝ երկինքն ու երկիրը: Նա ստեղծեց երկինքը ամրածածկ, գմբեթաձև և երկիրը՝ թանձրահատակ, պարփակյալ ու պինդ: Երկինքը ոչ մի բանից չի կախված [դատարկության մեջ], իսկ երկիրը ոչնչի վրա է կանգնեցված, նրա (դատարկության) մեջ կան համատարած անդունդներ՝ խավարամած, աներևույթ, անկազմ, անկերպարանք, անհարդար, անպատրաստ, սովերամած:

260. Ապա իր արարչական խոսքով դիմեց արարչակից Որդուն և համագործ Հոգուն, որը շրջում էր ջրերի վրա: Հայրը հրամայեց, որ ջրերի տակ գոյանան արարածների կարգավորված հորինվածքները: Հայրն ասաց իր խորհրդակիցներին, խոր-

հրդակատարներին, գործակիցներին՝ թող լինի լույս և ահա եղավ համապիտու լույսը խավարը փարատող և օրաքեր: Դրանից հետո [ստեղծվեց] ջրածածկ, սառնեղեն, ծովը պատող, ջրաթափան [ամուր] հաստատությունը, որով երևաց ամենածին ծաղկաբույս և տնկաբեր ցամաքը: Հետո միասնական երրորդության գործությունն առաջ՝ թող լինեն ջրերի մեջ լուսավորներ, երկնքի խորանանման հաստատության մեջ ճառագայթաձիգներ, լուսավոր գնդեր, նշանացույցներ, ժամանակաչափ [լուսատուներ]: Ապա [ստեղծեց] շնչավոր թռչունների ցեղը, գետունները և ջրածին ձրկները:

261. Հետո երկրից բխեցին ելան չորրորտանի ցեղի բոլոր տեսակները, յուրաքանչյուրն ըստ իր կարգի, հիանալիորեն հաստատված աստվածային կամքի նախապատրաստված բարյացակամությամբ ի պատիվ մարդու, որը պետք է կատարեր այն, ինչ հաճելի է Արարչին: Նա իր սեփական կամքով ցուցաբերեց իր բարերարությունը, ստեղծելով բանավոր, իմաստուն, խոսուն արարածին, անխոս, անբան, անմիտ արարածների միջև, որպեսզի իմաստունը ճանաչի Արարչի պատիվը և հաղթանալով Նրա փառքի սքանչելի շնորհքը, գիտակցի, որ պետք է իր կողմից փառավորի նրան և որ նրանով ու նրա միջոցով ամենայն արարածները [իրենց] տեսանելի գործերը որպես փառավորություն նրան մատուցեն:

[Հրեշտակների և առաջին մարդու ստեղծումը: Մարդու աստվածակերպ նմանությունը և անձնիշխան պատիվը]

262. Իսկ աներևույթ [արարածների] մեջ ստեղծեց աներևույթ փառավորիչներին՝ հրեշտակների հոգեղեն, հրեղեն գործերը, արթունների բազմությունը: Սրանք վերին օդում են բնակվում, ջրածածկ հաստատության վրա, իսկ մեզ՝ մարդկանց տեղ է տրված ներքևում այս երկրի հողեղեն բնակավայրում: Քանզի բարերարն Աստված ստեղծել է ամեն ինչ, հաստատելով [արարածների] լինելության կարգը: Սակայն չարը անձնիշխան կամք ունենալով, կործանում է ամեն մի առանձին անհատի: Մինչդեռ Արարիչը ամեն ինչ բարի էր ստեղծել:

263. Ստեղծելով մարդուն, Նա սքանչելագույն կարգով իշխան դարձրեց նրան և ահա այստեղ կարելի է տեսնել հրաշալի, զարմանալի և անհասանելի հրեշտակային կերպարները: «Ստեղծենք, ասում է Նա, մարդուն, ըստ մեր պատկերի և նմանու-

թյան»¹, իսկ արդյոք ո՞ւմ պատկերը Նա նկատի ունի և կամ ո՞ւմ նմանությամբ ստեղծելու էր մարդուն: Քանզի իսկական աստվածությունը հայտնի է որպես անեղծ, անստեղծ, աննյութական: Արդյոք ինչպե՞ս ստեղծվելիքը կարող էր նման լինել իսկական գոյություն ունեցողին կամ սակավիկ հողը՝ Աստուծո բնական գոյությամբ: Նա տարածությամբ չի սահմանափակված և անչափելի է, անսկիզբ լիություն ունի, բոլորին անմատչելի է, մշտնջենապես նույնը, պարզ և միանգամայն անշարժ:

264. Արդ, ինչպե՞ս կարող էր ինքն իրեն դնել որպես պատկեր ստեղծվողի համար, կամ կալվին կերպարանք տալով, Աստուծո պատկերով ձևել: Ինչպես ասված է «ըստ Աստուծո պատկերի ստեղծեց նրան»²: Նախ առաջ այս խոսքերը նախատեսելով հանդերձալի պատմությունը, ապա անցավ ներկային և սկսեցինք լինել իրեն: Իսկ ինչ որ մոտալուտ [զալիք] է, անմիջապես հայտնի ցույց տվեց: Քանզի տեղը ըստ Աստուծո պատկերի ստեղծեց նրան: Մի կողմից՝ հանուն նրա (մարդու) իմաստության, բանականության, խելամորտության, կենդանության, հոգևոր շնչի, որն առատորեն շնորհեց, որպեսզի նա գիտենա, ճանաչի, տեղյակ լինի և իմանա ամենայն շնորհների աստվածատուր իմաստությունը, բանականությունը, աստվածաճանորությունը, տիրությունը, իշխելը ամենայն երկրաբույս, երկրածին արարածների վրա ու կանխատեսելու գիտությունը և նրան դարձրեց ամենայնի տերը: Ասաց Աստված, թե «երկրի բոլոր բաղցրաբույս սերմերը ձեզ լինեն որպես կերակուր»³: Ապա բոլոր զազաններին, անասուններին ու թռչուններին Նա քերեց մարդու առջև և հնազանդեցրեց: Ապա աստվածային իմաստությամբ [մարդը] խելամուտ եղավ ըստ յուրաքանչյուրի առանձին կերպարանքի ճանաչել և ցույց տալ անունը: Քանզի Տեղը գիտությունը ներշնչեց և նրա գիտությամբ [մարդը] ճանաչեց Նրա արարածներին և Նրան նման համարվեց:

265. Մյուս կողմից նա ասում է. «նման» նրա անձնիշխան կամքի հզորության համար: Քանզի Աստուծո ամենակարողության և ամենաստեղծ գործունեության շնորհիվ երկու պատվական և հարգի արարածներ հաստատվեցին բարերարի կողմից՝ մարդիկ և հրեշտակները: Արդ, մարդուն թողեց իր անձնիշխան կամքին, որպեսզի իր անձնական ազատ կամքով ի

¹ Ծննդ., Ա., 26:

² Ծննդ., Ա., 27:

³ Ծննդ., Ա., 29:

վիճակի լինի բարի գործերի փոխարեն արժանանալ բարերար Տիրոջ և Արարչի շնորհին: Նա դրեց նրա առջև աստվածահանո պատվիրանների գիտությունը, որպեսզի գիտակցի, որ պետք է չարից խուսառալակ և բարին ընտրել իր կամքի ուղղամտությամբ, անձնական գործությամբ, իր անձնիշխան կամքով և ստանալով Արարչից իր վաստակի փոխհատուցումը, պատվի Նրան:

266. Իսկ նմանությունը այսպես պետք է հասկանալ. ամենայն արարածները հարկադրված են ծառայական հնազանդության, որպեսզի չլինի թե համարձակվեն ավելին գործել, քան նրանց հրամայված չափը, յուրաքանչյուրը հարկադրված լինելով հրամանները գործադրել: Բայց Աստված մարդուն հատկապես բազմապատիկ փառավորեց, մտքով հարստացրեց, դարձնելով հոգեպես հրեշտակներին խոնարհագույն ընկերակից:

267. Տես արեգակը, լուսինը և աստղերը ինչքան մեծ են մարդուց, սակայն նրանք նրա կամքին ենթակա են, հարկադրվելով պատվիրանադրի հրամաններին: Ոչ արեգակը դանդաղում է իր ընթացքից, ոչ լուսինը դադարում է նվազելուց և լիանալուց, ոչ էլ աստղերը իրենց կարգից առաջ են անցնում: Ոչ լեռները տեղափոխվում են, ոչ քամիներն են փչելուց դադարում, ոչ էլ ծովը անդհալային սահմանների ծխանքներով իր խռովյալ սաստկությամբ հուզյալ և անդադար կուտակվող մոլեգին ալիքներով, դրված սահմանները կարող է անցնել և ապականել երկիրը և ոչ էլ երկիրը ամեն ինչը բառնալ կրելուց դադարում է: Նրա հրամանով է հորինված ամեն ինչ և Նրա սուրբ և երկնավոր հրեշտակները անդադար փառաբանում են նրան: Նա է, որ հաստատեց երկնքի բարձրությունը, աստղերի թիվը, ծովի ջրերը, երկրի ավազը և լեռների հավասարակշռությունը: Նա է, որ ամպեր է բարձրացնում, արգելում է հողմերը, կրկին երեկո է բերում, դալարություն է տալիս գոսացյալ չոր խոտին և հավաքում է անձրևաշիթերը: Նրա մասին մարգարեության ոգին պատմում է, թե «ո՛վ է չափել իր ափով բոլոր ջրերը, իր թիզով՝ երկինքը և իր քիլով՝ ամենայն երկիրը: Ո՛վ դրեց լեռները կշեռքի վրա և դաշտերը հաշվեց չափիչով»⁵: Ո՞րն է այն տեղը, որ վեր է պահում Նրան, որի խոսքով բոլոր արարածները կախված են մնում: Նա գիտե երկնավոր գնդերի ընթացքը, որոնք օդի մեջ շրջում են և չեն շեղվում, տա-

րածվում են, սակայն զարտուղի չեն ընկնում: Նրանք գալիս են և մնում որպես տարեկան վարձկաններ, հայտնվում են և վատվում ցերեկից մինչև գիշեր, գիշերից ցերեկ հաշորդելով միմյանց են փոխարինում, առանց խանգարելու անարգել վերադառնալով իրենց ժամանակների չափին և փոխվելով տարվա չորս եղանակների, ինչպես Աստված է կարգավորել:

268. Ինչպե՞ս են ընթանում երկնքի հաստատության աստղերի գործությունները, իրենց անդադար ընթացքի հավասարակշռությունը պահպանելով և առանց չափն անցնելու: Կամ որտեղի՞ց են ելնում սաստիկ հողմերի օդաշունչ սյուրերը և ուր են գնում դադարում: Ի՞նչ են ամեն մեկին շնորհ [եղանակները]: Մեկը քաղցրաշունչ է, սնուցում է բույսերը, մյուսը սաստիկ է, պտուկներն է բացում, մեկ ուրիշը զգեստներ է հյուսում, գույնզգույն ծաղիկներով զարդարում երկիրը տարբեր երանգներով, մերկ ծառերն է հագցնում, վարսավոր գազաթներն է զարդարում:

269. Որտեղի՞ց են ծնվում ամպաքեր քամիները, որոնք սպառվում են հողմի փայլատակումից, իսկ անձրևները ծնվում են որոտման ձայնից: Ուր տեղը հրամայում է երթալ, գնում են, իջնում, ոռոգում երկիրը, սնում են բույսերը, գիրացնում են մարմնապարար պտուղները: Ո՞ւմ որովայնից են ելնում գետերը իրենց աղբյուրներով, չեն դադարում ելնելով և ոչ էլ հորդում լցվելով:

270. Երկինքն ու երկիրը, արեգակն ու լուսինը և աստղերի բազմությունը, ծովերը, գետերը, գազանն ու անասունը, սողունն ու թռչունը, լողակաճ ձկները, եղածները և լինելիքները՝ ամեն մեկը իր կարգով և յուրաքանչյուրը ենթարկվեցին հրամաններին: Բայց միայն մարդու կամքն է, որ անձնիշխան է թողնված, անելու ինչ կամենա: Ավելի ոչինչ նրանից չպահանջվեց, քան այն, որից զգուշացված էր՝ չնաշակել այդ ծառից, քանզի այսպիսով, Նա արժանի կդարձներ նրան փոքրի փոխարեն մեծամեծ [բաներ] ընդունել և այն բանի համար, որ իր վաստակների դիմաց շնորհ էր վայելում, նա Արարչից կստանար փոքր [արարքների] փոխարեն մեծամեծ շնորհներ: Ահա սրա համար էլ Նա հրամայեց նրան ունենալ անկախ կամքի ազատ իշխանություն:

271. Կամ ինչպե՞ս հողածին մարդը կարող էր Արարչի օրինակով աշխարհ գալ և թեպետ դեռ նորաստեղծ, իր էությանը նմանություն ունենալ անմատույց էականին: Բանզի իր անսահման, անբովանդակելի ինքնությունը գործությամբ արդյո՞ք

⁴ Բթամատի և ցուցամատի բացվածքի չափը:

⁵ Ես., 10, 12:

միայն աստվածային անվամբ մեծարեց ներքին ասելով «բառ պատկերի»։ Սա բոլորովին այդպես չէ։ Քանզի Ս. Գիրքն ասում է, թե «բառ Աստուծո պատկերի ստեղծեց նրան»⁶ և այլուր ասվում է, թե «Աստված հաստատեց մարդուն անեղծության մեջ և բառ իր բարեբար պատկերի ստեղծեց ներքին»։ Մի ուրիշ աստվածամանոյ իմաստություն ևս ասաց, թե «մարդը Աստուծո աստվերն է»⁷։ Սկզբում Աստված մարդուն աստվածային կերպարանքին մերձավոր և ծանոթ դարձրեց, քանզի նա ջանում էր ոչ միայն հաստատել նրան, այլև առավել ծանոթ դարձնել։ Աստված մարդու նմանություն ունեցավ ստեղծելով մարդուն երկրի նողից։ Նրա երեսին կենդանի շունչ փչեց և մարդը դարձավ կենդանի ոգի։ Իր ձեռքով ստեղծելով մարդուն, նրա մեջ կենդանություն դրեց, փչելով իր բերնով իմաստուն մտավորության, բանականության կենդանի շունչը, որպեսզի արարածը աչքը բացելով ճանաչի Արարչին և ապա Աստուծո բարեբարության, արարչագործության ծանոթ ու մերձավոր, գիտակ ու վկա լինի։

272. Կամ ինչպես ամենայն արարածներին հրամայված էր գոյություն առնել անկյունքականց, աղքատիկ անկերպարան նյութից և [նյութական] կերպարանքին ու հրամանների ձայնին արդեն սովոր լինելով, առանց հապաղելու բոլոր արարածները հրամանները կատարեցին։ Սակայն իսկական աստվածությունը ծածուկ (անտեսանելի) կերպով առանց նյութական նմանությունների կամ բարձրամասն ազդարարելու իր անհատականության մեջ ունի իր սեփական էությունը։ Սակայն տեսանելի արարածների սիրուն նա նմանություն (նկ) առավ, որպեսզի իրեն խոնարհեցնելով, ունեղացնի արարածներին։ Քանզի եթե այնպես չաներ, ոչ որ չպիտի կարողանար Նրա բնությունը տեսնել, կամ Նրա ձայնը [լսել], այլ որպեսզի կարողանային նրան տեսնել, որա համար տեսանելի նմանություն ստացավ և ձայնով խոսեց։

273. Արդ, մարդը ստեղծվել է բառ Աստուծո պատկերի և շնորհիվ արարչության գործունեության օժտված է ազատությամբ, իմաստությամբ, բանականությամբ և անկախ պատվով, սակայն ոչ աստվածահատուկ գործությամբ, որը միայն Միածինն ունի, որպես Հոր էության նկարագիրը։ Ապա Աստված իր ստեղծած ամենայն արարած-

ներին տարավ Ադամի մոտ տեսնելու, թե նա ինչ անուններով է կոչելու նրանց։ Թեև պարզ է, թե Ադամը ամենից առաջ Արարչի անունը գիտեր, քանզի նախ և առաջ այդ էր կարևորը։ Աստուծո միածին որդին այսպես էր ասել Հորը «այս է իմ կամքը, որ միայն քեզ ճանաչեն որպես ճշմարիտ Աստված»⁸։ Այսպիսով, Ադամը, իմարկե նախ Արարչի անունը տվեց, քանզի ում երեսից որ կենդանություն էր ընդունել, նախ և առաջ նրան տեսավ։ Արարածներն էլ քոտեղծվել էին նրան Արարիչը ծանոթ դարձնելու համար։

274. Արդ, նա Արարչի ներկայությամբ տվեց անունները իր առջև դրված [կենդանիների] և ծանոթացավ նրանց իրար ետևից, որոնց և նա առհասարակ տիրում էր ոչ միայն անունները տալով, այլև իմաստությամբ և գործությամբ։ Նա դեռ միայն առաջինն էր [մարդկանցից], ինչպես նաև վերջինը։ Բոլոր արարածների մեջ նա միայնակ էր ինքն իր մեծ և ոչ որ չկար նրան գորավիզ կամ ընկեր և ոչ որ նման էր նրան։

275. Արդ, Արարիչ Հայրը խորհուրդ առեց արարչակից Որդու և արարչակից Հոգու հետ, առաջին նախաստեղծ մարդու համար եղած նախորդ խորհրդի նման. ինչպես այն ժամանակ ասել էր՝ «եկեք մարդ ստեղծենք մեր կերպարանքի պատկերի նման»⁹, ապա ստեղծեց Ադամին և չգոյությունից նրան հաստատեց կենդանության մեջ։ Նույն ձևով և այստեղ Հայրը առաջ Որդուն և Հոգուն՝ «եկեք Ադամին նրա նման օգնական ստեղծենք, իր պատկերի նմանությամբ և իր կերպարանքի նման»¹⁰։ Ապա զարմանալի բուն տվեց նրան և մի ոսկոր հանելով նրա կողից, այն ձևեց կնոջ պատկերով և կանգնեցրեց նրա առջև։ Իսկ Ադամը կուսեց աստվածատուր իմաստությամբ, թե «այս ոսկորը իմ ուկորներից է և մարմինը իմ մարմնից է, սա կոչվելու է կին, քանզի իր ամուսնուց առնվեց»։ «Այդ պատճառով այցը պետք է լողնի իր հորն ու մորը և հարի իր կնոջը և երկուսը մի մարմին կլինեն»¹¹։

276. 21-^{րդ} որ Աստուծո դիմաց է նա ասել այս բանը այնտեղ, ուր հոգեղենների բոլոր գորբերը Տիրոջ փառքն էին բարձրացնում և մարդն էլ ներկա էր հանդեսին։ Այս խոսքերը ասելով, նա ամենայն գիտությամբ մարգարեացավ բացահայտ դարձնելով

⁶ Ծննդ., Ա, 27։

⁷ Իմաստ., Բ, 23։

⁸ Ա. Կորնթ., ԺԷ, 7։

⁹ Ծննդ., Բ, 7։

¹⁰ Ծովն., ԺԷ, 3։

¹¹ Ծննդ., Ա, 26։

¹² Ծննդ., Բ, 18։

¹³ Ծննդ., Բ, 23—24, Մատթ., ԺԹ, 5, Մարկ., Ժ, 7։

հավերժ արթունի կատարած գործը, երբ ինքը քնած էր: Նա, որ տղամարդուց առնուվեց, գիտեր, և նա ևս գիտեր, որ մարդը երկրից (հողից) է և երկիրը ոչնչից և միայն Աստված գոյություն ունի: Ասելով, թե «թողնելով հորն ու մորը, հարում է իր կնոջը և երկուսը լինեն մեկ մարմին», նա գիտեցավ աշխարհիս բոլոր կարգերը և անեն ինչի վախճանը:

**[Ադամի գրկվելը դրախտից դեպ
պատրանքով]**

277. Դրանից հետո Աստված առավ մարդուն և դրեց Ադամի (Եդեմի) հաճելի դրախտի մեջ: Նրան ցույց տվեց երկու ծառ՝ միընդ կենաց [ծառը], մյուսը՝ բարիի և չարի գիտության: Նա մահվան սպառնալիքով պատվիրեց նրան չճաշակել այն ծառից, քանզի Աստուծո պատվիրանը պահելով, նախանձելի աստվածատուր իմաստությունը պահպանելով և պատվիրանապահությանը նա վայելելու էր աստվածային իշխանությունը [ինքնագոր] էակի անձեռնմխելի փառքով: Ինչպես վերևում ասացինք, թե հրեշտակներին և մարդկանց թույլ տալով անձնիշխան լինել [միաժամանակ] յուրաքանչյուրին պատվեր տվեց, որպեսզի ամեն մեկը իր հոժար կամքով Արարչի հրամաններին հնազանդ լինի, որի համար առավել փառքի արժանի կդառնա: Արդ, մարդուն փոքր պատվեր տվեց՝ ծառից չճաշակել, քանզի այսպիսով մեծ պատիվ ձեռք կբերեր, ինչպես վերևում ասացինք: Իսկ հրեշտակների գործի բազմությանը պատվեր տվեց՝ իրենց Արարչին անդադար փառաբանել, որը նրանց մեծ պատվի և փառքի մեջ էր պահել, վերին երկնավոր մշտնջենավոր լույսի աներևույթ մեծության մեջ:

278. Արդ մեկը հրեշտակների վերին գործի դասերից, երբ տեսավ Արարչի բարերարության լավ խոստումները մարդուն և որ մարդը մնում էր Արարչի խոսքին, զգուշությամբ պահելով պատվիրանը, ապա իր չար կամքով չարացավ, չար անվանվեց, ուստի և ետ երթալով¹⁴, հակառակադեր և սատանա անունները ծառանգեց: Ապա չարը նախանձելով մարդուն, պատրանքներով այդ փառքից դեպի մահ նետեց, քանզի իմաստունն ասում է, թե «քանապակուի նախանձով մահը մտավ աշխարհ»¹⁵ խաբեությամբ ապականելով:

279. Արդ, մարդու թշնամին պատրանքի խաբեությունը հնարեց: Տես, թե ինչ է ա-

սում՝ «ինչո՞ւ, ասում է, Աստված ձեզ պատվիրեց ծառից չճաշակել»¹⁶: Սակայն հայտնի է, որ Ադամը ուներ ազատություն, անձնիշխան կամք և աստվածատուր իմաստություն, ճանաչելով Աստծուն իբրև պատվիրանատու և Ադամին՝ պատվիրյալ: Թերևս իսկապես դա անգույշամբ հայտնված էր նրան նախքան պատվիրանը, սակայն դա ամենագետից ծածուկ չէր մնա, քանզի նա սրտի և երկյամանց (սրտի գաղտնիքների) քննիչն է¹⁷:

280. Ապա տես, թե ինչ է ասում՝ «եթե ճաշակեք, ասում է, աստվածներ կդառնաք»¹⁸: Նրանց հաղորդեց արդարացումը, իսկ ներքևից ինքը ջանում էր նրանց իր իշխանության տակ վերցնել, որպեսզի նրան վրիպեցնելով ու խոստումից հանելով, թերևս իրեն հնար լինի նրա տեղը ծառանգել: Ինչպես Աստուծո առաքյալը, որը հրմուտ և տեղյակ էր աստվածային խորհրդին, ասում էր, թե «անօրեն իշխանը, երբ կամեցավ աստվածանալ, ձեռքը գցեց և անենայն մարդկանց մեղքով կապեց»¹⁹, որպեսզի նրանց հեռացնելով այդ բարիքներից, նրան հնարավոր լինի խոստացվածը ձեռք բերել: Իսկ նրանք նրա հնարած պատճառաբանություններից խաբվելով, ճաշակեցին և պատվիրանները զանց առնելով, աստվածային փառքից մերկացան:

281. Սակայն պատժի արժանի որդիներին հայրաքար գթալով, նա բարիք է գործում, ինչպես Ս. Գիրքն է ասում՝ «լսեցին Տեր Աստուծո ձայնը, որն օրվա երեկոյան իջել և քայլում էր դրախտում»²⁰: Նրանք փախչելով թաքնվեցին ծառերի մեջ և տերևապատ դարձան, սակայն ամենագետի հայացքից փախչելն անհնար էր: Այս պատճառով նա ասում է, թե «որպես Տեր Աստված, ես մերձավոր եմ, ասում է Տերը, և ոչ հեռավոր Աստված. միթե հնարավոր է մարդուն փախչել ինձանից, իր ծածկույթի տակ թաքնվել, որպեսզի ես չտեսնեմ նրան: Զե՛ որ ինձնով լի են երկինքն ու երկիրը»²¹: Սուրբ մարգարեներից մեկ ուրիշը, որը ճանաչում է մեծությունը, ասում է, թե «ո՞ր երթամ ես քո հոգուց, կամ ուր փախչեմ քո երեսից. եթե ելնեմ երկինք, դու հայտնել ես, թե ի՞նչն է դժոխք, այնտեղ ևս մոտս ես»²²: Այս բոլորը գիտենալով հանդերձ, նրանք թաքնվել փորձեցին:

¹⁶ Ծննդ., Գ, 1:

¹⁷ Սաղմ. Է, 10:

¹⁸ Ծննդ., Գ, 5:

¹⁹ Երրորդ Կորնթ., Բ, 16:

²⁰ Ծննդ., Գ, 8:

²¹ Երեմ., ԻԳ, 23-25:

²² Սաղմ. ՇԼԸ, 7-8:

¹⁴ Տես երթալով, տես՝ Երթ լիտս իմ աստանալ, Սաղմ., Դ, 10, Teaching, p. 49.

¹⁵ Իմաստ., Բ, 24:

282. Սակայն բարերարը ձայն տվեց, թե «ո՛ր էս, Ադամ» և հա առաց՝ «Լեւեցի քո ձայնը և երկնեցի, քանզի գնում էիր այս տեղ դրախտում, իսկ էս մերկ էի և քաքնեցի»²⁰։ Տեսնում էին Աստուծո, որ մինչև անգամ ոտնաձայնին անտեղյակ չէին։ Այսպիսով բարերարը նախ ոտնաձայն էր հանում գոյուսի առիթ տալով տգետին, որպեսզի մարդը հասնելով քաղություն թերող ոտքերին, անձամբ պատմի իր հանգանքները և փրկություն գտնի։

283. Իսկ այն տեղի չունեցավ. սակայն Նա չկամեցավ ամբաստանող լինել և ամբարեկելով հարձակվել, այլ խաղաղարար լնով զիջեց ասելով, թե «ո՛վ ասաց քեզ, թե՛ մերկ ես»²¹, քանզի կամենում էր ներելով իրեն քաշել, որպեսզի Աստուծո քաղությունը նրանց ապաշխարության թերի։ Իսկ երբ սքանավ էլ չզգաստացան, այլ ապաշխարի դարձան միմյանց արդարացնելով, ապա Նա դատապարտեց նրանց, վճիռ հաստատեց, որ հատուցեն ու հող դառնան, քանզի Աստուծո դատաստանը ճշմարիտ է բոլոր նրանց հանդեպ, որոնք չար գործեր են կատարում։

284. Դրանից հետո [Ադամի] ըմբոստությունը մեջ քերելով ասում է, թե «ամա Ադամը դարձավ մեզանից մեկը, ճանաչելով բարին և չարը։ Հեռացնենք նրան կենաց ծառից, որպեսզի չլինի թե ոտնելով ապրի հավիտյան»²²։ Բայց «Երբև մեզանից մեկը» ոչ թե [նշանակում է] Աստված դարձավ, քանզի իրական էակը չէր նա, այլ ենթադրյալ գոյություն։ Օրինակ, մարդկանց ենթադրած սուտ ատվածները, որոնք հնարվել են մարդկանց անմոտության, հիմարության և սրծության նեղեանքով, ինչպես և ձեզ²³ մոտ էլ տեսա քարապաշտության, փայտապաշտության մոլորությունները, որոնք տգիտությամբ ձեր կողմից պատկերվել են։ Նրանք չեն լսում, չեն խոսում, չեն հասկանում, չեն շարժվում և չունեն չկա նրանց քերական։ Թողնելով կենդանի Աստուծո, երկնքի ու երկրի Արարչին, անշունչ, անմոտն թաքերին երկաշտամունք մատուցում, որոնք ոչինչ են։

285. Այդ պատճառով աստվածատես սուրբ մարգարեները իբրև իմաստուն քրիշխներ հոգացել են դարմանելու դեղը,

քստ հիվանդի ցավի պատրաստել, որպեսզի վերացնեն, ջնջեն գայթակղությունը և բոլորովին մեղսեղից հանեն։ Ինչպես նրանցից մեկը աստվածային Հոգու գործությամբ [ցված գոչել է ասելով, թե «աստվածները, որոնք երկինքն ու երկիրը չեն անողձել, երկնքի տակ կորչելու են երկրից. այլ Տերը ստեղծեց երկիրը իր գործությամբ և երկինքը ձգեց իր սրանչելի խորհրդով, պատրաստեց տիեզերքը իր ամբողջ իմաստությամբ։ Երբ որոտում է իր ձայնով, քաղում ջրերով [ցվում է երկինքը, ասվել է հանում երկրի ծայրերից, Նա իր նայմակները դրեց անձրևների համար և հանեց հողմերն իր շտեմարաններից»²⁴։

286. Բոլոր մարդիկ գիտությունից են հիմարացել, իրենց անձերին թշվառություն քերելով, ապա իրենք անձամբ իրենց երեսները ամոթայի են դարձնում, երբ իրենց անձերը ենթարկում են Աստուծո մեծ քարկությանը։ Այժմ այսբանք քաղական է հանդիմանելու ձեր մոլորությունը, քանզի այն պատշաճ է իր տեղում։ Արդ այն, որ շարքով սկսեցինք ձեզ պատմել, յուրաքանչյուրը քստ կարգի պատմելու ենք։

287. Այնուհետև մարդուն հանելով հեշտալի հանգստյան դրախտից, դրանից դուրս բնակեցրեց և փակեց նրա համար կենաց ծառի ճանապարհը, որպեսզի այլևս ականատես անգամ չլինի դրախտի վայելչությունը։ Ապա անեծք իջավ երկրի վրա՝ փուշ և տառասակ, ցավերի հաց և մամկանացու Ադամի մահը։ Սակայն տա մարդասիրությանը նշան է, ինչպես ասել է Աստված մարգարեի քերականով՝ «քո ըմբոստությունը քեզ խրատելու է և քո չար գործերը կշտամբելու են քեզ։ Ապա դու կգիտենաս, թե չար և դառն է քեզ համար ինձ թողնելը, ասում է քո տեղ Աստվածը»²⁵։ Մի ուրիշը Աստուծո կողմից ասում է, թե «Երբ դու դարձի գաս և հեծե՞նես, այն ժամանակ կսպրե և կգիտենաս, թե ո՞ր ես»²⁶։ Քանզի երբ ճաշակի դառնությունը և մահվան անորոշությամբ պաշարված լինի, անզգալիորեն նրա միտքն է գալու կենաց ծառի հիշատակը և հեծե՞նելով խնդրելու է դրախտի վայելքների մոտենալ։ Հենց նրա դրախտի դեմ հանդիման բնակվելը այս ասածներիս վկայությունն է։

[Ադամի որդիների և առաջին մահապետների ծնունդը]

288. Իսկ բարերարը ոչ միայն դրախտում, այլև դրանից դուրս չէր հեռանում

²⁰ Մճճ, 4, 10:

²¹ Մճճ, 4, 11:

²² Մճճ, 4, 22:

²³ Բոլոր դեպքերում, երբ նույնիսկը հոգանի երկրորդ դեմքով է խոսում, դիմում է Տրդատ յուսավորին, նախարարներին և հավաքված բազմությանը (Ապարանգեղոս, պարբ. 246, 252, 258):

²⁴ Երեմ., Ժ, 11—14:

²⁵ Երեմ., Բ, 19:

²⁶ Ես., 1, 15:

հրանցից, երբ բնակեցրեց դրախտին դեմ հանդիման: Իր բարերարության պատճառով հրամայեց երկրում բազմաճառ, ուր և հրանք Արարչի ակնարկած հրամանով երկրում ծնունդներ տվեցին և սկսեցին բազմանալ, ինչպես ասված է՝ «աճեցեք ու բազմացեք և լցրեք երկիրը»³⁰:

289. Ադամի որդիներից անդրանիկը կոչվում էր Կահել (Կայեն) և մյուսը Հաբել: Ապա հրանք ի հայտ բերեցին տվողի իմաստությունը, որա իմաստությամբ նույնիմ անաչելու որպես Արարիչ: Արդ, Կահելը՝ երեց որդին, վերցրեց որպես նվիրելու ընծա՝ արմտիք, ցորենի կապոց կազմեց և Նրան պատարագ (զոհ) մատուցեց: Երբ Հաբելը այս տեսավ, իր գառների հոտից նոր ծնունդը ընծայեց և իր խաչիքի [ոչխարներից] մատուցեց: Իսկ Աստված իր մարդասիրությամբ խոնարհվեց Ադամի որդիների ընծաներին մերձավոր դառնալով: Ապա ընտրություն կատարեց, մեկին անկեղծ գտնելով ընդունեց որպես զոհ, իսկ մյուսին՝ իր եղբոր նկատմամբ չարական գտնելով, դատապարտեց և ետ դարձրեց չարանեղություն պատճառով: Իսկ նա որպես համար մահ նյութեց և սպանեց եղբորը: Ապա երկիրը որպես պատճառով նզովվեց և ինքն էլ անհիծվեց զավակով հանդերձ:

290. Արդ, Ադամը Աստծուց ուրիշ որդի ստացավ, սպանված Հաբելի փոխարեն, որի անունն էր Սեթ: Իսկ այն սպանվածը իր արդարության համար կենդանի է Աստուծո մոտ, քանզի Նա, որ հրան ոչնչից ստեղծեց, ինքն էլ կկենդանացնի հրան երբ որ կամենա, ինչպես շատ դուրսին է ձեզ պատմել: Երբ մենք ձեզ տեսնում ենք հավատի մեջ շերմեռանդ, հիշում ենք Նրան, որի արդարությունը կա և կմնա հավիտյան հավիտենից: Արդ, նենգավոր մարդասպան Կահելը նզովվեց ու անհիծվեց և այդ պատճառով Աստուծո հրամանով անջատվեց: Քանզի Աստված օրհնեց Սեթին և հրան պատվեր տվեց, որ իր օրհնյալ զավակը չխառնվի մարդասպան Կահելի անհիշյալ զավակին: Ապա մարդիկ երկրի վրա բազմացան առ հասարակ երկու ցեղից:

291. Սեթյան ցեղն ունեցավ նահապետներ, որոնք արդար մարդիկ էին մինչև ութերորդ սերունդը: Աստուծո բարերարությունը հրանց մոտիկ էր և Նա միշտ ամենքին մերձավոր էր, եթե չմոռանային Նրա հարազատությունը: Դրա համար Նա հայրերին երկարակյաց դարձրեց և երկարակյաց զավակներ շնորհեց, որպեսզի

զոհն որդիներ ցանկանալով, Աստուծո փնտրեն: Մանավանդ որ շատ կարևոր էր զավակ վաստակելը երկրածինների կյանքում:

292. Նահապետները կարգով հետևյալն են՝ առաջինը Ադամն աստվածաստեղծ, այսինքն Ադամը, ապա Սեթը և հրանից Ենովքը և հրանից Կայանը և հրանից Մադադիելը և հրանից Հարեղը (Յարեղ) և հրանից Ենովքը: Ենովքը ապրեց հարյուր վաթսուն և հինգ տարի ու ծնավ Մաթուսաղային և Ենովքը հաճո եղավ Աստուծո:

293. Նա բոլոր նահապետներին երկարակյաց եղավ: Քանզի որ հրանք Աստուծո բարերարությամբ սերյալ բազմացան, ապա իրենց ծնունդից հետո էլ երկարակյաց եղան, որպեսզի ովքեր Աստուծով էին ստեղծված, իբրև հայրեր [ամեն ինչ] պատմեն իրենց որդիներին: Քանզի պատվիրանները զգուշացուցիչ էին Աստծուն ճանաչելու համար, ինչպես և ասված է, թե «հարցրու քո հայրերին և հրանք քեզ կպատմեն և քո ծերերին և Բրանք քեզ կասեն»³¹: Այսպիսով, պարզ է, թե այս պատճառով է, որ հրանք երկարակյացներ եղան և ոչ թե բազմաթիվ ծնունդներ ունենալու համար:

294. Քանզի թեպետ Աստված ասաց Ադամին, թե «աճեցեք ու բազմացեք և լցրեք երկիրը»³², սկզբից գիտեմալով այն նյութական բարիքների մասին, որոնք լինելու էին, սակայն Աստված ոչ միայն բազմաճառում [ակնարկեց], այլև այն բանին, թե կամենում էր, որ հրանք մշտնջենական անմահության անցնեն: Ինչպես տեսնում ենք, Ենովքը երկարյին կյանք վարելուց, ամուսնանալուց և ուղիղ վարքով որդիներ ծնելուց հետո, կենդանի վերացավ անմահության վիճակին: Այդ բանը միայն մեկ մարդու համար չէր, այլ հրա դուրս գալը պետք է այլոց ճանապարհ բացեր: Նա բոնությամբ չկասկածեց կյանքին, այլ հաճելի կյանքի պարտքը [արդեն] հատուցել էր: Նույն օրինակով Աստված կամեցավ ամենքին անմահության փոխել, այստեղ [կյանքը] վայելելուց հետո:

295. Ութերորդ սերնդի (դար) բոլոր մարդիկ մահվան ենթարկվեցին, [քանզի] մեղքերին ծառայելով մոռացան Արարչին, աստվածային կյանքից հուսալորույս լինելով և ապականելով իրենց ուղիղ ճանապարհը: Աստված հրանց իրենց կամքին թողեց, հրանցից վերցնելով իր մարդասիրական շնորհների ոգին և հրանց ստեղ-

³¹ Բ Օր., ԼԲ, 7:

³² ԾԱՆԴ., Ա, 28:

³⁰ ԾԱՆԴ., Ա, 28, Թ, 1, 7:

ծած լինելուն զղջաց: Աստուծո զղջալը՝²⁵ նրա ամագին հոգատարության նշանն է, որ թերևս այսպիսով կարողանա մոռացողներին հիշեցնել արարչական զորությունը: Նրանք խառնվել էին կայենի անիծյալ սերնդի հետ, պոռնկության ալյանդակ վարքի և մեռելոտի ուտելու մեջ: Երկիրը միանգամայն զազրելի և զարշելի դարձավ մարդկանց վարքի պատճառով, ինչպես ասում է [Ա. Գիրքը], թե «ամենքը միանգամայն գլուխըցին ամբարշտության մեջ և ամեն մարդ պղծեց իր մանապարհը երկրի վրա»²⁶:

[Նոյի տապանի շինությունը և ջրհեղեղի տիեզերքը ջնջելը: Բաբելոնի աշտարակի շինությունը և լեզուների բաժանումը]

296. Արդ այդ ժամանակ գտնվեց մի արդար մարդ արդարացյալ տոհմից, որին Նոյ էին կոչում: Սա Աստուծո հանդիմանելով սիրվեց նրանից: Հրաման ստացավ Աստծուց փայտն արվելի պես տապան պատրաստել, բազում տարիների աշխատանքով, քանզի Նա [կամենում էր] պարծիլ թշվառ ցեղը: Այնուհետև Նա խոստացավ Նոյին հանդերձ ընտանյոր և բոլոր շնչավորներին վերցնել տապանի մեջ և ամենապահ ձեռքով փակել տապանը: Ապա ավազապատ [ծովի] անդունդները բշելով ցամաքի վրա, երկրից արձակված հեղեղի հոսանքով հանդերձ, հեղեղառատ, ծովապատիժ բարկությամբ, ջնջեց երկրներից ներքև եղած [ամեն ինչ] և սոփասարակ ողողելով սրբեց: Պատուհասի անցնելուց հետո, Նա արդար մարդուն հավիտենադիր ուխտով կարգեց հայր աշխարհի և տեղ երկնի: Նրան երկարակյաց դարձրեց, որ պատմի գալիք սերունդներին իր բարկության տիեզերական պայմանը:

297. Սակայն միատոհմ, միալեզու ազգը բազմացավ և խորհուրդ արեց կյոռ երկնամերձ աշտարակ շինել, մշտնջենավոր լինելու սահմանված, փոխանակ հավիտենական Աստուծո, որի անունը հիշվելու է հավիտյան հավիտենից և հիշատակը ազգից ազգ: Իսկ Նա բարձրագույն ներգործությամբ ցույց տվեց աստվածային գիտությունը՝ խառնակելով, շփոթելով և տոհմակից ազգը բազում, ալյալեզու, օտարաձայն միմյանց անմանոթ ազգերի բաժանելով, երկրի երեսին սփռեց, որպեսզի այլևս իրենց համար կամայական սահմաններ չորոշեն, այլ հնազանդ ընթանան Աստուծո հավիտենադիր սահմաններում: Ազ-

գերը բաժանելով, լեզուները խառնակելով և Ադամի որդիներին ցիրուցան անկով, Նա բոլոր ազգերին սահմաններ կարգեց ըստ Աստուծո հրեշտակների թվի:

[Աբրահամի հավատի կոչը: Աստուծո երևալը և պարզական զավակի խոստումը: Հակոբի Տիրոջ տեսնելը և սովի պատճառով նրա երթալը Եգիպտոս իր Հովսեփ որդու մոտ]

298. Եվ քանի որ ցրված ազգերը աստվածամոռաց գիտությամբ յուրաքանչյուր տարվել էր նյութական արարածների պաշտամունքով, մոլորության անդունդը խոտորեցին: Ապա մի մարդ աստվածային ազդեցությամբ ելավ, ըստ ամենայնի երանելի, որի անունն էր Աբրահամ: Ուղեկից լինելով ճշմարիտ Աստուծո, նրա հրամաններին հետևելով հնազանդվեց: Նրան խոսքն ուղղեց Աստված, թե պետք է ելնի իր հաքեներից: Հանգի Աստված պատրաստակամ է իրենից խնդրողների նկատմամբ:

299. Արդ, ելավ Աբրահամը իր հայրենի երկրից հետևելով աստվածային հրամաններին և հավատով քաջեց: Նա արժանի եղավ ընդունելու մեծ ավետիսը և իր Աբրաչի կամքը կատարեց: Գնալով օտար հեթանոս ազգերի մեջ, պանդխտեց և ըստ աստվածապաշտ սովորությունների, բազում տարիներ իր անձի վրա համբերությամբ [ներություն] կրեց:

300. Երբ նրա իննսունինգ տարին լրացավ, Աստված երևաց Աբրահամին, ուխտ կրեց նրա հետ և խոսեց ու վերացավ: Եվ դարձյալ Մամբրեի մոտից եկած հրեշտակների միջոցով պարզական զավակը խոստացավ, թե նրա որդին գալու էր մտրմով, մարմին էր առնելու Աբրահամի սերունդից և լինելու էր Աբրահամի որդի և բոլոր հավատացյալների համար արդարության հաշր և արդարների մահապետ էր կարգվելու:

301. Նա ստացավ նաև անթիվ բազմությամբ սերունդ ունենալու մարմնավոր խոստումը: Նույն ձևով նաև Նա խրատեց Սողոմոնացոց չարագործ երկիրը կուրացվածների [օրինակով]. ապա երբ նրանք չհամոզվեցին, կրակաբեր անձրևներ իջեցրեց և աստվածահաստատ բարկությամբ վճիռ դատեց:

302. Դրանից հետո կատարեց նրան զավակի խոստումը, քանզի տվեց նրան որդի՝ Իսահակը: Դարձյալ երևաց Աստված Աբրահամին և փորձելու համար պահանջեց, որ Իսահակին որպես զոհ մատուցի, որով նա հանդերձյալ [կյանքի] ավետիսն ստա

²⁵ Եսեդ., 2, 6:

²⁶ Եսեդ., 2, 12:

ցավ: Նույն ձևով Աստված երևաց նաև Արարիչի որդի Իսահակին, հիշեցնելով նրան հայրենի երկիրը:

303. Իսկ Տերը ծանոթ դարձավ և երևաց նաև Իսահակի որդի Հակոբին՝ սբանչելագույն տեսիլքով՝ դա մի սանդուղք էր, որը հասնում էր երկինք ամենայն հրեշտակների հետ մեկտեղ: Իսկ երբեմն Նա երևում էր իբրև սոսկական մարդ և գիշերային մեհակով էր մղում: Բայց մարգարեն ասում է, որ հրեշտակն էր [մեհամարտում]: Նա նրան կաղացրեց, նրան աստվածատես անվանեց և սա մշտական հիշեցումն էր Տիրոջ երևալու մասին, որը փայլեցնելու էր Հակոբի սերունդը:

304. Այսպես սովորական և մերձավոր դարձավ Նրա երևումը, նույնիսկ հեթանոս թագավորներին տեսիլքով երևաց, որպեսզի պահպանի իրեն ճանաչողներին: Արանց մասին [Ս. Գիրքը] պատմում է, թե «նրանց սիրուն կշտամբեց թագավորներին, որպեսզի չմերձեան Տիրոջ օծյալներին»³⁵, հայտնի դարձնելով, թե «արդարև Հակոբը Տիրոջ բաժինն է և Իսրայելը նրա ժառանգության վիճակը»³⁶:

305. Նա ամեն ժամանակ հետևում էր նրանց, օգնելով, օրհնելով, որ աճեն և սերունդը բազմանա պանդխտության մեջ: Նա սովի պատճառով բերեց նրանց Եգիպտացոց երկիրը բերանի հացի համար: Այնտեղ նրանք մնացին հինգ մահապետների [ժամանակ] արքահամյան դարաշրջանից [հաշված] մոտավորապես չորս հարյուր երեսուն տարի: Այնտեղ կարելի էր տեսնել մարդասեր Աստուծո շնորհների բարձրագույն առավելությունը Եգիպտացոց երկրում. քանզի մի մարդու, որ բանտարկված էր որպես կալանավոր, Նա հանեց, բարձրացրեց ու հայտնի դարձրեց մարգարեական արվեստով և Եգիպտացոց տեր դարձրեց:

[Հակոբի որդիների չափաչափ տանջանքը Եգիպտոսում և Մովսեսի ձեռքով նրանց դուրս գալը անապատ]

306. Դրանից հետո Նա բազմացրեց իր ժողովուրդը Եգիպտացոց երկրում և տեսավ, որ նեղված են նրանցից: Արդ, Տերը եկավ-երևաց Երայեցոց ժողովրդից մի մարդու, որին շատ էր հավանել, արժանի գտել աստվածային խորհուրդներին և որի անունն էր Մովսես: Երևաց նրան Քորեբ լեռան վրա, որպես մոլեհու մեջ բորբոքված բոց: Նա Մովսեսին պատմեց նրա

հայրենի երկրի մասին, նրան ցույց տվեց իր Էսկան անունը և ուղարկեց Եգիպտոս: Ընդ որում Նա տեսակ-տեսակ հարվածներով տանջեց եգիպտացիներին, որպես խրատ:

307. Իսրայելացիներին դուրս հանեց ասպով և սյունաձև լույսով ու բոցադեղ կրակի սպառնալիքով հովանավորեց: Ծեղքեց ծովախոր անդունդները, ջրասույզ անելով եգիպտացիներին և անցկացնելով ժողովրդին անապատ հանեց, որը հրաշալի ձևով նկարագրված է: Տարավ Քորեբ, հանեց (Սինե) լեռը և այնտեղ Սինայի (Սինեական) լեռան վրա աստվածային ամպից խորան դրեց, որի մեջ կար ճառագայթաձիգ սյունաձև գունդ և մեզն ու մտախորդը վարագույրի նման լեռան շուրջը պատել էին: Այնտեղ կար բլուրավոր հրեշտակների բանակ:

308. Այնուհետև կանչեց Մովսեսին աստվածակերպ տեսիլքը ցույց տալու: Սա հրատակագույն ձևով նկատեց ոտքի պատվանդանը՝ կապտագույն գոհարանման շափուղա աղյուս, զուտ ջինջ երկնագույն, հիշեցնելու համար կալի³⁷ և ջրի (ծովի) գործը և սանձարձակ ժողովրդի լրբենի սիրտը, իսկ փառքի աթոռից և նրա շուրջը ահավոր փայլ երևաց, իբրև բորբոքյալ հուր:

309. Աստված, որն ամբողջովին լույս է, ամբողջովին համբավ, ամբողջովին տեսիլք, ամբողջովին խոսք, ամբողջովին գործություն, ամբողջովին իմաստություն, կենդանի հոգի, վառող հուր, անփոփոխ լույս, անպատում փառք, անքնին տեսիլք, անբավ մեծություն, երևաց նրանց որչափ որ նրանք կարող էին դիմանալ Նրա տեսիլքի մեծությանը: Դրանից հետո Նա անձամբ երևաց քահանաներին ձերբով հանդերձ և ամբողջ ժողովրդին եկավ-երևաց, բորբոքյալ կրակի տեսիլքով և մի ձայն շեփորի նման պատվիրանների պատգամներ դրեց նրանց՝ Աստուծո ձեռքը գրել էր քարեղեն տախտակների վրա, որ նրանք հարգեն նրա արդարությունը և պահեն նրա պատվիրանները: Ասաց նրան (Մովսեսին), թե «զայիս եմ ամպերի մեջ հանդիպելու իսրայելացիներին, որ խոսեն քեզ հետ, որպեսզի հավատան քեզ»³⁸: Նա երեկաց կառքով, քերովքեցնելով, ամպի սյունով և միգախառն հրով:

310. Երբ երկրորդ անգամ եկավ կանգնելու Տիրոջ առջև, ասաց՝ «Եթե ես քեզանից գթություն գտա, քեզ ցույց տուր ինձ,

³⁵ Սաղմ., ԺԴ, 14—15:

³⁶ Բ Օր., ԼԲ, 9:

³⁷ Ակնարկ է եգիպտացոց վատ արարքներին, Ելից, Ա, 14: Teaching, p. 58.

³⁸ Ելից, ԺԺ, 9:

որ գիտեմամբ քո անունը, քանզի ես ողորմություն գտա քեզանից»²⁹։ Տերն ասաց նրան, թե «չես կարող իմ երեսը տեսնել, քանզի մարդ չի կարող ինձ տեսնել ու ապրել, բայց ամա քեզ կդնեն ժայռի խոռոչի մեջ և իմ փառքը քո կողքով կանցկացնեն»³⁰։ Նա ցույց տվեց նրան, որ գրած ու ողորմած է և երևաց նրան խոնարհություն, որպեսզի նա չմեռնի, փրկվի ու ապրի։ Նա ամբողջ ժողովրդի դիմաց եկավ-երևաց և նրա ձայնը բոլորը լսում էին, երբ նա Մովսեսի հետ էր խոսում։

311. Այսպես բազում օրեր լեռան վրա հսկում կատարելով, ակամա տես լինելով և հոգով ներշնչված օրենքների գիրքը լեռան վրա առանալով, ուսուցանում էր Իսրայելի որդիներին, որոնց [Աստված] իր դրած պատվիրանները շնորհեց և աշխարհի արարչագործության պատումը տվեց Մովսեսին։ Ցույց տվեց նաև նմանողության մի աննյութական խորան։ Երբ Մովսես Իսրայելի որդիներով հանդերձ տեսավ, ըստ ցուցադրված օրինակի, նյութական խորան պատրաստեց, որպեսզի Աստված նրա մեջ բնակվի։ Նա հաճախ խոսում էր Մովսեսի հետ և պատմում էր կարգած օրենքների բյուրապատիկ օրինակներ։ Նա անընդհատ նրանց հետ էր անապատի օթևաններում և ամալոր հրաշքներով տարավ-հասցրեց խոստացյալ [երկիրը]։

312. Նա նրանց հետ էր անապատում և այնտեղ նրանց շրջեցրեց բառասուն տարի, որպեսզի մոռացվի նրանց դիցապաշտ քառապաշտության սովորությունը, որ թերևս կարողանան իրենցից մի քիչ փարատել հեթանոսական սնտի ուսմունքները, որոնք նրանց թակարդել էին անմտության պատճառով։ Քանզի նա այսպես մտածեց՝ թե չար սովորություններով հանելով նրանց եգիպտացոց երկրից, գուցե այնտեղ, ուր տարվեին, նրանք տեսնեն, որ ժողովուրդը էլ ավելի չար է և իրենք ևս չարքի մեջ առավել բորբոքվեն, ինչպես օրինակ, օդը, որ տեսնելով հուրը, ավելի է հրդեհ բորբոքում։ Նա ուզեց նախ քերել նրանցից հնացյալ աղտը և նրանց առաջնորդելով Քանանացոց պիղծ ազգերի դեմ, բանդել, արմատախիլ անել նրանց և [Իսրայելացիներին] այնտեղ բնակեցնել։

313. Այս բանի համար նա շրջեցրեց նրանց անապատի մեջ, ուր Նա անձամբ լեռան վրա երևաց։ Նա Մովսեսի գործած տեսակ-տեսակ նշաններով ու հրաշքներով հրաճանգեց Աքրահամի զավակներին։ Քաղցր մանանայի երկնավոր հացով կե-

րակրեց նրանց, վնասից ջուր քիշեցրեց, վտակներ հոսեցրեց ծարավների համար և բանակատեղու վրա յորամարգի տեղացրեց նրանց փափագը գոհացնելու համար։

314. Այնտեղ ևս նրանք Արարչին դառնացրին, բարկացրին իրենց սովորական չար վարմունքով։ Բարերար Աստուծո փոխարեն հորթ կանգնեցրին, նրա անունը Աստված դրեցին և փրկիչ կոչեցին։ Այդ պատճառով Աստուծո բարկությունը նրանց վրա եկավ և ժողովրդի անթիվ բազմություն կոտորվեց, որի համար էլ նրանք եղավ խոստացյալ երկիրը չմտնել։ Ապա անապատում կորան, կոտորվեցին ամենքն առհասարակ՝ Իսրայելի որդիների անօրեն, [Աստուծո] դառնացնող ազգը։

315. Եվ մեծ մարգարեն Մովսես Աստուծո հրամանով ելավ լեռը և այնտեղ մեռավ ու մինչև օրս ոչ ոք չի կարողացել գտնել նրա գերեզմանը։ Իսկ նրանք սերելով քաղնացան անապատում և ամենևին չգիտեին, որևէ մեղք կամ չարի ներգործություն։

[Հակոբի որդիների Ավետյաց երկիրը մուրքը։ Դատավորների իշխանությունը և Դավթի թագավորությունը]

316. Արդ, Մովսեսի ձեռքով և Աստուծո հրամանով նրանց վրա մի քնտիր այր գորավար և առաջնորդ էր կարգվել, որի անունն էր Հեշուլ (Յեշուլ, Յեսու)։ Սա անապատից վերցնելով արքանամյան սերունդը՝ Իսրայելի որդիներին, շարժվեց-գնաց Խոստացյալ երկիրը։ Նա արմատախիլ արեց, կործանեց ամբարիշտ յոթը ազգերին, և նրանց (Իսրայելացիներին) քերելով բնակեցրեց։ Այստեղ նա տեղ ցույց տվեց և նախ հանուն Տիրոջ տաճար շինեցին։ Աստուծո հրամանից հայտնի էր, որ միայն Նրան իրավունք ունեն պատարագի ողջակեզը մատուցել, ուր Աստված բնակված էր մարդկանց մեջ։ Ապա նրանց դատավորներ տվեց, որոնք ըստ Աստուծո կամքի դատում էին նրանց և յի էին մարգարեական հոգով։ Սակայն երբ դատավորները մեռնում էին, նրանց տարիների միջև բնկած ժամանակ դարձյալ Աստուծո նկատմամբ ամբարիշտ դառնալով, աստվածներին պաշտամունք էին մատուցում և պատկերներին երկրպագում։ Դրա համար նրանց կրկին մատնեց օտար ազգերի ձեռքը և՛ հեթանոս թագավորների միջոցով խրատում էր նրանց։

317. Դրանից հետո իրենք Աստուծո թագավորներ խնդրեցին և Նա տվեց նրանց։ Սրանց միջից բարձրացրեց Դավթին, որը յի էր սուրբ հոգով և նրա մասին վկայեց յկ, թե «գտա Դավթին» Հեսանի (Յեսու)

²⁹ Եղեք, ԼՂ, 13:

³⁰ Եղեք, ԼՂ, 20-23:

որդուն, իմ արտի համեմատ մարդուն, որն անելու և կատարելու է իմ բոլոր ցանկությունները⁴¹։ Նա կանգնեցրեց նաև նրա արթորը և նրա զավակի արթորը։

[Աստուծո երևումը մարգարեներին
Երևումը տեսիլներում և հրեշտակներին
մարդկանց պահապան կարգերը]

318. Ապա դարձյալ կարելի էր տեսնել այնտեղ պարզակալ երկրում գունդ-գունդ մարգարեների, որոնք նաև տեսնողներ էին կոչվում, իրենց [երևացած] աստվածային հայտնությունների համար։ Նրանք բարձրաձայն պատմում էին Իսրայելի տոհմերին, ըստ յուրաքանչյուրի կարգի, ինչպես Դավիթ արքան երգեց համաշխարհային տերությունը, թե «Տեր, Տեր իմ, ինչ սքանչելի է քո անունը ամբողջ երկրի վրա»⁴²։

319. Քանզի մեկին երևաց կառքով, իբրև պայծառագույն գորավար, և մեկ ուրիշը տեսավ Հիմափուրցին (Աստուծո), դատավորի նման դատական արժույթն նստած կամ մարդու Որդու նման, որը երկնքի ամպերի վրա էր գալիս. մեկ ուրիշն էլ [տեսավ Նրան] իբրև մի մարդու, որը սեղանի (խորանի) վրա է, ինչպես ասում են՝ «տեսա Տիրոջը, որը սեղանի վրա էր»⁴³։ Տեսնում էս, որ թեպետ իբրև մարդ երևաց, ճանաչված է որպես Տեր։

320. Իսկ մեկ ուրիշն էլ տեսավ դեռ ավելի սքանչելակերպը. «Տեսա Տիրոջը արժույթն բարձրացած և վեցթևյան սերովբեների գունդը Տիրոջ շուրջը»⁴⁴։ Ուստի այս ամենը աստվածային ձևով պետք է հասկանալ և Աստված էլ Աբրահամին ու բոլոր սերունդներին անհամար և հաճախագույն տեսիլներ ցույց տվեց։ Ինչպես մարգարեն էլ ասում է Տիրոջ կողմից, թե «Ես տեսիլները հաճախակի դարձրի և մարգարեների ձեռքով մանություններ գործեցի»⁴⁵։

321. Նա ազգերի բաժանման, լեզուների խառնակության և Ադամի որդիների ցիրուցան անելու ժամանակ սահմաններ կարգեր ըստ Աստուծո հրեշտակների թվի։ Ինչպես իրենք հրեշտակներն էլ պատմել են ցանկալի Դանիելին, յուրաքանչյուրի սահմանների մասին և որոնց բարեբարն Աստված պատժեց, սակայն բարկության մեջ հիշեց իր ողորմությունը։ Որպեսզի աստվածակարգ անուշահոտ հոգիները ո-

գիների պիղծ գնդից, ռազմաշունչ դևերից մարդկային ազգը աներկյուղ պահպանեն և պատրաստեն աստվածամերձ գիտությունը։ Ինչպես երանելի Դավիթը քննելով պատմում է, թե «Տիրոջ հրեշտակների բանակները շրջապատում են իրենից երկյուղածներին և Նա պահպանում է նրանց»⁴⁶։ Մեծն Հակոբը (ասում է), թե «հրեշտակը, որ ինձ պահում էր իմ մանկությունից»⁴⁷։ Իսկ Ամենատերը, թե «իմ հրեշտակը (դեպքում) առջևից է գնալու քո ճանապարհները պատրաստելու համար»⁴⁸։ Նրա պահպանությունը այն բանի համար է, որ սիսանական [բնությանը], բայց բաժանբաժան եղած ազգերին, որոնք Աստուծո երեսից ընկած են, աստվածամերձ գիտությունը ծանոթացնի, որպեսզի թերևս նրա երևելի արարածների միջոցով նրանք ծանոթացան աներևույթ Աստծուն։

322. Քանզի «մեկ արյունից ստեղծեց մարդկության բոլոր ազգերը, որ բնակվեն երկրի երեսին, հաստատեց որոշված ժամանակները (եղանակները) և նրանց բնակության սահմանները, որպեսզի փնտրեն Աստծուն և թերևս զննեն ու գտնեն»⁴⁹։ «Նրա աներևույթ [արարածները] ի ըսկզբանե աշխարհի, ծանոթ և տեսանելի են եղել ստեղծվածների միջոցով»⁵⁰։ քանզի Տերը իր արժանավորներին մերձավոր է։ Նույնպես և Տիրոջից են ամենայն պահպանությունները, քանզի, ուր Տերն է, այնտեղ են նաև հրեղենների (հրեշտակների) բոլոր բանակները։ Ինչպես Հակոբ հայտապետը, ըստ նրան եղած հայտնությունների, միանգամայն հրեշտակների բանակի մեջ էր գտնվում, քանզի հրեշտակները ըստ իրենց մանությունների, կարգված էին մարդասեր Աստծու կամքով պատգամաբեր լինելու մարդկության համար, որը հասկանալի է վեցթևյան սերովբեների օրհնակով։

323. Քանզի թեև նրանք մարմնեղեն թեվավորներ չեն, այլ մանությունաբ թևավորներ, այսուհանդերձ հրեշտակները սուսկական մարդու կերպարանքով երևում են։ Նրանք Աբրահամին և Դովտին մարդկային արտաքինով հայտնվեցին. նրանցից մեկը Դանիելին երևաց որպես մարդ. նույնպես և ծանր տեսիլքով հայտնվեց Գեդեոնին։ Չաքարիան լեռներում հեծյալ գնալիս, տեսավ [հրեշտակին], իսկ Հեսուն

⁴¹ Գործք, ԺԳ, 22:

⁴² Աստվ., Ը, 2:

⁴³ Ամովս., Թ, 1:

⁴⁴ Ես., 2, 1-2:

⁴⁵ Ովս., ԺԲ, 10:

⁴⁶ Սաղմ., ԼԳ, 8:

⁴⁷ Ծննդ., ԽԸ, 15-16:

⁴⁸ Մատթ., ԺԱ, 10, Մարկ., Ա, 2, Դով., Է, 27, Մադաթ., Գ, 1:

⁴⁹ Գործք, ԺԷ, 26-27:

⁵⁰ Հոովմ. Ա, 20:

հանկարծակի տեսավ հենց մարդու կերպարանքով և աներկյուղ հարցրեց նրան՝ «մեզանից էս, թե մեր թշնամիներից»³¹ և ապա տեղեկանալով, թե Աստուծո զորքերի զորավար է, գնդին ընկավ, երկրպագեց: Նույնը կատարվեց նաև բոլոր հրեշտակատեսներին:

324. Այսուհետև ճշմարիտ համարենք, որ հոգևոր ցեղի ամեն տեսակ մարդկային կերպարանքով ի հայտ գալը մարդկանց, եղել է Աստուծո հրամաններին հնազանդվելու և տարբեր ժամանակներում ծառայություն մատուցելու համար տրված [զգուշացում]: Եվ նրանք ոչ միայն նույն կերպարանք են պահպանում. նրանց աննյութական անձերի մասին մարգարեն իսկ գուշակում է, թե «Նա իր հրեշտակներին հոգիներ է դարձրել և պաշտոնյաներին՝ կրակի բոց»³², քանզի «նրանք ծառայող հոգիներ են, որոնք առաքվում են սպասավորելու փրկության ժառանգորդներին»³³:

325. Այս մասին Մովսեսը ոչինչ չի պատմել, որպեսզի չլինի թե մտավոր և բանավոր հոգիները անզգա արարածներ համարվեն, այլ նրանք ծառայական սպասավորությամբ իրենք վերցրած կերեն Աստուծո փառքի մեծության հրամանները: Բայց ինչ վերաբերում է նրանց բնության ի վերուստ ստեղծված լինելուն, մարգարեները բարձրաձայն հայտնում են, թե «Նա իր հրեշտակները հոգիներ դարձրեց»³⁴, իսկ մյուսը, թե «ես եմ Տեր Աստվածը, որ հաստատեց երկինքն ու երկիրը, որի ձևերը հաստատեցին երկնքի բոլոր զորքերը»³⁵: Բայց եթե նրանք նյութական լինեին, ապա տեսանելի պիտի լինեին, ոչ աներևույթ և առհասարակ ոչ որի [հատուկ] չպիտի հայտնվեին: Իսկ եթե այսպես է ստեղծվածների համար, որչափ ևս առավել Աստուծո Էության աներևույթ բնույթը պիտի համարվի անստեղծ և անմատչելի:

326. Բոլոր աստվածատես կատարյալներին Նա միատեսակ մարդկային նմանություններ էր տալիս և ըստ տարբեր ժամանակների և ճանաչվում է իր ձայնից և հրամաններից, եթե մարդակերպ է երևում, քանզի մարդկանց հետ է խոսում, հրավիրելով խոստացյալ քարիքների տեսիլքին և միշտ չէ, որ Նա նույն կերպարանքը իր վրա է վերցնում: Նա ի վիճակի է ցույց տալ ճշմարտությունը նմանությամբ, որի մեջ բոլոր դժվարությունները դյուրին են և

անհնարանները՝ հնարավոր: Նա կարող է ամեն ինչ անել և ոչինչ անկարելի չէ Նրա համար: Նրան տեսնողները նրա մասին բարձրաձայն գոչում էին, թե չափավոր հայտնություններից նրանք ճանաչեցին անչափելին, աներևույթը և վայրկենական տեսիլքով իմացան էական գործությունը քստ իրենց կարողության:

327. Արրահամ հայրապետն էլ Նրան ամբողջ երկրի տեր և դատավոր կոչեց, իսկ մեծն Մովսեսը՝ ինքնագո Աստված և ամեն ինչի Արարիչ: Նա ցանկանում էր տեսնել Նրա փառքը, քանզի բոլոր մարգարեներն էլ տեսնողներ են: Մեկն ասել է, թե «Տերը, Տերն առաքեց ինձ և նրա Հոգին»³⁶ և թե «Տիրոջ քերանք խոսեց այս»³⁷: Իհարկե ով որ քերանից է լսում, նրա կերպարանքին էլ ականատես է լինում: Մեկ ուրիշը պաղատանք մատուցելով ասում է՝ «Տեր, Տեր, ահավասիկ խոսել իսկ չգիտեմ, քանզի մանուկ եմ»³⁸: Տեսնում ես, «ահավասիկ» ցույց է տալիս նրա ներկայությունը: Բոլոր հրամանաբեկները իրեն Տիրոջ կողմից եկածներ, միահամուռ բարձրաբարբառ աղաղակեցին. մեկն ասաց, թե «խոսեց գործությունների Տերը»³⁹ և մեկ ուրիշը՝ «ամենակալ Տերը հրամայեց»⁴⁰: Իսկ Ամովի լեզվով Նա միանգամայն ճանաչվում է նրա այն խոսքերից, թե «Աստված ոչինչ չի անի առանց իր խորհուրդների հայտնելու իր ծառաներին՝ մարգարեներին»⁴¹:

[Աստված երևում է զանազան նմանությամբ՝ մարդկանց ընտելացնելու համար]

328. Արդ, հայտնի է այսուհետև մեր ասածներից, թե սկզբում նախաստեղծ մարդուն էլ նույն նմանությամբ երևաց, ինչպես և հետագայում բոլոր աստվածատես կատարյալներին նույնը արեց, որ չլինի թե օտար կամ անձանոթ կերպարանքով տեսնողներին խրտնեցնի: Մանավանդ թե ավելի լավ է, որ որդին աստվածատես հորից տեղեկանալով դյուրությամբ նախապատրաստված լինի, որպես ընտանի [երևույթի] և լսածը ականջով ու աչքով նկատի: Ինչպես և երանկի Հորը, Աստուծո սիրելին, արդարք ասել է Աստուծո, թե «իմ ականջների խողովությամբ ես առաջինը քեզ

³¹ Յես., Ե, 13:

³² Սաղմ., ԺԳ, 4:

³³ Եբբ., Ա, 14:

³⁴ Սաղմ., ԺԳ, 4:

³⁵ Ովս., ԺԳ, 4:

³⁶ Ես., ԽԸ, 17:

³⁷ Ես., Ա, 20, ԾԸ, 14:

³⁸ Եբբ., Ա, 6:

³⁹ Ես., ԽԵ, 13, Եբբ., Ը, 3:

⁴⁰ Զաք., Գ, 9, Մաղ., Ա, 9:

⁴¹ Ամովս., Գ, 7:

լսեցի, բայց հիմա իմ աչքն էլ քեզ տեսավ»⁶², որին և ասել է Աստված՝ «պնդացրու քո մեջքը տղամարդու մեան և մի համարիր, թե որևէ օտարոտի բան երևաց քեզ»⁶³:

329. Քանզի սկզբում էլ Աստված երևաց ըստ ազդարարության, ինչպես [Սուրբ Գիրքն] ասում է, թե «ըստ Աստուծո պատկերի ստեղծեց մարդուն»⁶⁴: Ուստի ամբողջ հավերժության մեջ նույն մեանությամբ փառքի Աստվածը երևում է, ինչպես Ստեփանոս Վկան ասել է, թե «Փառքի Աստվածը երևաց մեր հոր Աբրահամին»⁶⁵: Եվ նրանք բոլորն էլ Նրան կոչեցին Տեր Սաբավով (Աստված) և ամենակալ Աստված:

330. Արդ, Աստուծո երևալը մարդու մեանությամբ տեսնողների տկարության պատճառով էր և ոչ թե այն, որ Աստուծո անչափելի բնությունը սահմանափակ և կողմնափակ է և ոչ էլ այն, որ Նա, որով լցված է ամենայն ինչ, երբեմն երևում է իր սահմանները փոխարինելով ուրիշ սահմաններով: Այլ Նա զիջելով և հնարամտությամբ ընտելացնում է նրանց մեանություններով, որպեսզի ճշմարիտ կերպարանքին մերձավոր, Աստուծո [էությունը] խորամուխ և հայտնապես տեսնող դարձնի, քանզի անկասկած ճշմարտությունը պետք է փնտրել մեանությամբ մեջ:

331. Նրան ցանկացալ տեսնել նաև մեծըն Մովսեսը: Քանզի թեպետ ձեռքը ձեռքին և բերանը բերանին Մովսեսը ճանաչեց ու դեմ առ դեմ խոսեց Աստուծո հետ, սակայն նա ձգտում էր հասնել ճշմարիտ գեղեցկության, ասելով Աստուծո, թե «ցույց սուր ինձ քո անձը»⁶⁶: Բայց տես պատասխանը՝ «ոչ ոք կարող է տեսնել Աստուծուն և ապրել»⁶⁷: Ապա ավելի փոքր ճշանակով նվաճում է իրեն հայցողներին, իսկ իր բնական անտեսանելիությունը պահպանում է, վասնզի անհասանելի է:

322. Տեսնում ես, որ անտեսանելի է անողներին և քննողներին անհասանելի իր առանձնահատուկ կերպարանքով: Քանզի Նրա մեանությունները ոչ թե նյութական կերպարանքներ են, այլ անցողիկ տեսիլքներ, իսկ ճշմարտությունը՝ նրա էական բնությունն է: Մի մեանություն ցույց տվեց նաև Մովսեսին նյութական խորանի օրհնակով, ըստ որի նա նյութական խորան

կազմեց: Եվ մի տաճար ցույց տվեց Եզեկիելին որպես տաճարի օրինակ: Նույնպես և առաջին մարդուն Աստված ցույց տվեց մի աննյութական մեանություն մարդու կերպարանքով, որպեսզի նյութական տարրից մարդ պատրաստի ճշմարտությանը մոտիկ ձևով: Քանզի Աստված իր անզղջական բարեբարությամբ առաջին մարդուն կարգադրեց, որ իրեն մերձավոր ծանոթ լինի և խորամուխ աստվածային վաշտեքին:

333. Նրանց վրա մեկը մյուսի ետևից Աստուծո Հոգին առատագույն թափվեց, Խորայելի ցեղի դասադաս և գունդագունդ սուրբ մարգարեների վրա, որոնք ըստ Աստուծո կամքի իրենց ժողովրդին պատվիրեցին Աստուծո հրամանները զգուշությամբ պահել: Նրանք ընտրյալ ազգ էին և պատվեր էին ստացել չմերձեցալ այլ ազգերին և չխառնակվել հեթանոսների տոհմերին, որպեսզի չսովորեն նրանց մեղքերը:

334. Իսկ նրանք խառնակվեցին և խնամությամբ ապականվեցին նրանց հետ, վերցրին, սովորեցին նրանց կոռուպտությունը, թագավորներով ու իշխաններով խառնակվեցին: Դրա համար մարգարեն տրտուներ ասելով գոչեց, թե «խառնակվեցին հեթանոսների հետ և նրանց արարքները սովորեցին, նրանց կոռուպտիան ծառայեցին և նրանք սրանց համար որոգայթ եղան»⁶⁸ և թե «իրենց որդիներին ու դուստրերին զոհեցին դևերին և անբիժ արյուն թափեցին՝ իրենց որդիների ու դուստրերի արյունը, որ զոհեցին Քանանի կոռուպտիան»⁶⁹:

[Խորայելի որդիների ազատումը Եգիպտոսի ծառայությունից և նրանց Ավետաշաց երկրի ազգերի կոռուպտիայի պաշտպանը]

335. Արդ, այն ժամանակ, երբ Տերը հարվածեց Եգիպտացոց երկիրը, որպեսզի նրանց (խորայելացոց) այնտեղից հանի, եգիպտացիների բոլոր անդրանիկներին կոտորեց, իսկ նրանց այնտեղից փրկեց: Այդ պատճառով Նա ուխտ դրեց նրանց հայերի հետ՝ նվիրել իրենց անդրանիկ որդիներին Տեր Աստուծուն: Բայց դրա փոխարեն նրանք իրենց որդիներին և դուստրերին հեթանոս աստվածներին զոհեցին, բազմաթիվ շինեցին այն երկրում, որը Տեր Աստվածն իրն էր անվանել և իր ժառանգության վիճակն էր կոչվել: Իսկ նրանք Նրա փոխարեն պատկերներ կանգնեցրին և քարերին ու փայտին երկրպագեցին: Երկիրը շաղախվեց աստվածների հետ շնա-

⁶² Յովբ., ԽԲ, 5:

⁶³ Յովբ., Խ, 2—3:

⁶⁴ Ծննդ., Ա, 27:

⁶⁵ Գործք., Է, 2:

⁶⁶ Ելից., ԼԳ, 18:

⁶⁷ Ելից., ԼԳ, 20:

⁶⁸ Սաղմ., ԺԵ, 35—36:

⁶⁹ Սաղմ., ԺԵ, 37—38:

նախ աքյունով և նրանք շատացրին վարձերի պտղեկությունը: Այսպիսով նրանք պղծյալ էին իրենց վարքի մեջ:

336. Երբ նրանք մտան այն երկիրը, որ Նա տվել էր նրանց, հրամայեց ջնջել այդ երկրում եղած անօրեն ցեղերին: Սակայն նրանք չկոտորեցին, այլ դաշնակից դառնալով, ուխտեր հաստատեցին անօրեն ցեղերի հետ, որոնց միանալով ամբարշտություն ժառանգեցին: Քանզի Աստված երկրի բնակիչներին հանել էր երկրի բնակությունից, նրանց չար արարքների պատճառով: Իսկ նրանք նորից մտնելով նույն ձևով երկին միաբանեցին նրանց հետ, իրենց թագավորներով, իշխաններով և բանակներով հանդերձ:

337. Իրա հետևանքով Տեր Աստված իր առաջին գործյան և մարդասիրության պատճառով նրանց մոտ մարգարեներ առաքեց սպառնալի պատգամներով, որպեսզի ես դառնան իրենց անօրեն գործերից և պաշտեն ամենայնի արարիչ Աստծուն, որն իր մարդասիրությամբ գթալով ողորմել էր նրանց չարության վրա: Նա մարգարեների միջոցով տրտնջում էր նրանցից, թե «փայտին առացին՝ դու ես իմ հայրը և բարին, թե՛ դու ես մեզ ծնել, իսկ ինձ թիկունք դարձրին և ոչ իրենց երեսները»⁷⁰:

338. Արդ, չար և անմիտ ազգը կորացյալ ելավ մարգարեների դեմ, բարկոծեց ու սպանեց և այնչափ կոտորեց, մինչև որ մարգարեներից մեկն աղաղակեց, թե «ես միայն մնացի»⁷¹: Նրանք մարգարե սուրբ անունն առնելով, գործածեցին սուտ և անարգ քրմերի համար:

339. Նույն ձևով այս ժանտաքարո ազգը չկամեցավ լսել հակ աստվածատես ճշմարիտ մարգարեներին, որոնք պատմում էին աստվածային ճշմարիտ Որդու աշխարհ օտարադ, մարմնավորությամբ հանդերձ: Ուստի նրանց ստավել ևս մահվան մատնեցին և ոչ որ չմնաց, որին չսպանեին պեսպես տանջանքներով:

[Իսրայելի որդիների գերությունը Բաբելոն: Յոթանասուն տարուց հետո նրանց ազատությունը և տաճարի նորոգությունը]

340. Այս պատճառով Տեր Աստված բարկացավ այդ ժողովրդի վրա և զարշելով

իր ժառանգությունից, նրանց (իսրայելացիներին) մատնեց հեթանոսների ձեռքը: Նա մատնեց նրանց այն մարդկանց ձեռքը, որոնց աստվածները պաշտել սիրեցին և նրանց հետ պոռնկացան: Սրանց որպես տանջողներ, թշնամադուներ և գերողներ հարուցեց նրանց դեմ: Ինչպես և ասում է, թե «մատնեցի նրանց իրենց հեթանոս հովանիների ձեռքը, նրանց աստղները տիրեցին նրանց, թշնամիները նեղեցին նրանց և խոնարհեցրին իրենց ձեռքերի տակ»⁷²: Քանզի թեև բազում անգամներ փրկել էր նրանց նեղիչների ձեռքից, սակայն նեղությունից փրկվելուց հետո նույնը առավել հաճախ կրկնեցին, դառնացրին Աստծուն իրենց մտածություններով և կորացան իրենց անօրենության մեջ:

341. Սակայն նայեց Աստված նրանց նեղություններին, լսելով նրանց աղոթքների ձայնը և հիշեց այն ուխտը, որ նրանց հայրերի հետ ունեցել էր: Գթաց նրանց բոտ իր սեծ ողորմության և նրանց շնորհ արեց ընդդեմ բոլոր գերողների: Տեր Աստվածը փրկեց նրանց և հեթանոսների միջից՝ հավաքեց նրանց, յոթանասուն տարի հետո վերադարձրեց գերությունից, Բաբելոնի երկրից, Ասորեստանի կողմերից: Վերստին շինեց ավերակները և նորոգեց իր անվան տաճարը, նրանց մարգարեությունն տվեց, վերահաստատեց բահանայությունը և անեն ինչ վերստին նորոգեց: Ապա իր խոսքը առաջ բերեց, որը դարաշրջաններ անցնելուց հետո Նա իրագործեց իր Միածնի միջոցով:

342. Քանզի ամենագետը ոչ թե հետո իմացավ Որդու գնալ-երևալը աշխարհին և մարդկանց բարձրացնելը ավագության փառքին, այլ հենց սկզբից առաջադրված նպատակը Նա վերջում կատարեց: Այն խորհուրդը, որն Աստուծո մոտ հավիտյան ծածկված էր, այժմ հայտնվեց իր սրբերին, քանզի արդարներին ժամանակավորապես երևացող նմանությունները՝ զայիք հավիտենական ճշմարտության գուշակություններն էին:

⁷⁰ Սաղմ., ԾՆ., 41—42:

⁷¹ Հմնտ. Սաղմ., ԾՆ., 43—47:

⁷² Երեմ., Բ., 20:

⁷³ Ես., 109., 21:

ՎԱՐԱՋԴԱՏ ՀԱՐՈՒԹՅՈՒՆՅԱՆ

(Մայր Աթոռին առընթեր ճարտարապետական
հանձնաժողովի նախագահ)

ՍՈՒՐԲ ԷԶՄԻԱԾՆԻ ՄԱՅՐ ՏԱԾԱՐԻ ՀԱՐԱՎԱՅԻՆ ԶԱՆԳԱԿԱՏԱՆ ՎԵՐԱԿԱՆԳՆՈՒՄԸ

Մայր տաճարի երեք փոքր կաթողիկե-ները կանգնեցվել են հարավային, հյուսիս-ային ու արևելյան արքիդների վրա 1682 թվականին, Եղիազար կաթողիկոսի գահակալության օրոք: Դրանցից հարավայինը փլվել է 1921 թվականի մարտի 21-ին, վաղ առավոտյան:

Թորոս Թորամանյանի 1923 թ. դեկտեմբերի 25-ին կազմած տեղեկագրում շարադրված են Մայր տաճարի համառոտ պատմությունն ու հարավային կաթողիկեի կործանման պատճառները և այդ կապակցությամբ ձեռնարկված միջոցառումները:

Մայր Աթոռում Մեսրոպ արքեպիսկոպոս Տեր-Մովսիսյանի նախագահությամբ, Խորեն ու Բագրատ արքեպիսկոպոսների անդամակցությամբ կազմվում է մի հանձնաժողով, որը դիմում է Հայաստանի Ժողկոմխորհի գլխավոր ճարտարապետ Ալեքսանդր Թամանյանին՝ խնդրելով կազմել վերականգնման նախագիծ:

Իր առաջին այցելության ժամանակ Ա. Թամանյանը անհրաժեշտ է համարում նախ և առաջ լուսանկարել Մայր տաճարի խախտված և վտանգավոր դարձած մասերը, ապա, մանրամասն չափագրելուց հետո, քանդել և խնամքով մաքրել, «...որպեսզի հնարավոր լինի լուրջ քննության

ենթարկել տաճարն իր բոլոր մասերով»¹:

Աշխատանքների ղեկավար է նշանակվում Թ. Թորամանյանը, որը գործի է անցնում 1923 թ. օգոստոսի 2-ից և այն ավարտում երկու շաբաթվա ընթացքում:

Կրկին անգամ հրավիրված Ա. Թամանյանը Թ. Թորամանյանի հետ միասին տեղում կատարած քննության հետևանքով գալիս են այն եզրակացության, որ զանգակատան փլուզումը տեղի է ունեցել արքիդի պատերի խարխվման՝ հետևանքով: Զանգակատան ծանրությունը հետզհետե ճնշելով արքիդի ուժասպառ պատերին ու դրանք իրենց վրա պսակող եզրապատերի հետ միասին արտահրման ենթարկելով՝ գոյացրել է 0,04 սաժենի լայնությամբ շուրջանակի մի ճեղքվածք, ինչպես նաև վերեն վար երկու ճեղքվածքներ:

Ա. Թամանյանի կարծիքով փլուզված զանգակատունը վերականգնելուց առաջ անհրաժեշտ է խարխված արքիդը կեսից ավելի քանդել և նորից շինել, որպեսզի այն հաստատուն հենարան ծառայի վերականգնվելիք զանգակատան համար: Այդ նպատակով որոշվում է արքիդի դրսի երեսից պսակվող եզրապատի հետ միասին քանդել վերին չորս շարքերը, ապա վերաշարել, օգտագործելով նույն քարերը ու միայն պակասը լրացնել նոր քարերով:

Պատմելով Ա. Թամանյանի վերոհիշյալ կարգադրության իրագործման մասին, աշ-

¹ Զաքարիա սարկաազ, Պատմագրություն, Վարդապատ, 1870, գիրք Բ, գլ. ԾԲ, էջ 107:

² Թորոս Թորամանյան, Նյութեր, նրկորդ ժողովածու, Երևան, 1948, էջ 61—66, «Էջմիածին», 1947, մայիս-հունիս, էջ 16—18:

³ Թորոս Թորամանյան, նույնը, էջ 68:

⁴ Նույն տեղ, էջ 64:

խառնակների ղեկավար Թ. Թորամանյանը հայտնում է. «Բազմակուսի արքիդի երեք ճակատների քարերը պատկի (եզրապատի—Վ. Հ.) շարքերով միասին, նախապես վրաները թվանշաններ դնելուց (այսինքն՝ համարակալելուց—Վ. Հ.) հետո գոլորշիքայն քանդվեցին և, մաքրվելով, նույն կարգով վերստին իրենց տեղերը շարվեցին, իսկ պակասած մասերի համար նոր քարեր տաշվեցին իրեն լրացուցիչ չորս շարքերին: Պատկի ուր նույնը պահվեց, ինչպես որ կար առաջ հին շենքի մեջ: Բայց որպեսզի այս նոր շարված քարերը սերտիվ միանան նոր պատի հետ և անխախտ ձուլվեն, ճակատի շարված յուրաքանչյուր քարեր երկաթյա ձողերով կապվեցին հետևի շարքերի հետ՝ ձողերի ծայրերը հալած արճիճով ամրացնելով: Արքիդի վրան ծածկվեց կոնաձև, եզերքները ագուցիկ տաշված սալաքարերով»:

Դրա հետ միասին քանդվում-հանվում են Գևորգ Գ կաթողիկոսի օրոք Մայր տաճարի արևելյան կողմից կցված թանգարանի վրայի (կանգնեցված հյուսիսային ու հարավային սենյակների կտորներին) գույք գմբեթները, որոնք Թ. Թորամանյանի կարծիքով տգեղ ու աննաշակ լինելուց բացի, «պատճառ էին դառնում ձյունահալքի և անձրևի ջրերին տանիքի վրա լճանալուն և պատերի ու կամարների մեջ ծրծրվելուն»:

Գմբեթների վերացման հետևանքով բաց ենացած տեղերը, ինչպես հայտնում է Թ. Թորամանյանը, «նախապես ծածկվեց երկաթե ձողերի վրա կապված բետոնով և վրան հավասարվեց ագուցիկ եզերքներով տաշված սալաքարերով՝ հավասար տանիքի մակարդակին, իսկ նույն մակարդակով, վերցված պարասպետների տեղերը սալաքար շարվեցին 0,05 սմ. պատերից դուրս առաջացնելով»⁵:

Սրանք են հարավային զանգակատան փլված կապակցությամբ Ա. Թամանյանի և Թ. Թորամանյանի կողմից իրականացված համատեղ միջոցառումները: Աշխատանքները վրա հասնելու կապակցությամբ, աշխատանքները դադարեցվում են ու հետագայում այլևս չեն շարունակվում:

Ա. Թամանյանի կարծիքով առաջ էջ միաձմեռի տաճարի հնագույն ձևերը պետք էր վերականգնել՝ վերացնելով հետնագույն տգեղ հավելումները, դրանց թվում թանգարանի շենքը և հյուսիսային զանգակա-

տունը: Այստեղից էլ հասկանալի է, թե ինչու չվերականգնվեց հարավային զանգակատունը (նկ. 1):



Նկ. 1. Վերականգնված հարավային արքիդը (տաճան զանգակատան)

Շարավային զանգակատան վերականգնման հարցը վերստին բննարկում և ուարկա դարձավ, երբ Վազգեն Ա կաթողիկոսի զանակալության տարիներին ծավալվեցին և Էջմիածնի Մայր տաճարի հիմնական վերանորոգման աշխատանքները:

Մայր Աթոռի ճարտարապետական-շինարարական հանձնախումբը 1957 թ. նոյեմբերի 27-ին անդրադարձնալով դրան, կայացրեց հետևյալ որոշումը.

1. Նպատակահարմար գտնել հարավային գմբեթի վերականգնումը՝ ամբողջացնելու համար տաճարի ընդհանուր տեսքը:

2. Առաջարկի նախնական ուսումնասիրությունը, ինչպես նաև նախագծումն ու իրականացումը հանձնարարել հուշարձանների հատուկ գիտա-վերականգնման արվեստանոցին:

3. Նկատի ունենալով, որ տաճարի հյուսիսային զանգակատունը կրող արքիդն

⁵ Նույն տեղ:

⁶ Նույն տեղ:

⁷ Նույն տեղ, էջ 66:

ունի ճեղքվածք, անհրաժեշտ համարել նրա արացուցը ու այդ գործը հանձնարարել նույն արվեստանոցին⁸:

Հիշյալ արվեստանոցում առաջարկի ուսուսասիրությունն ու նախագծի մշակումը հանձնարարվում է ճարտարապետ Հրանտ Հակոբյանին: Վերջինս այն ավարտում է հաջորդ տարվա ուլիսին և գծագրերի, բացատրագրերի, նախահաշվի (146,4 հազար ուրվու արժողությամբ) ու դրանց վերաբերյալ մասնագիտական եզրակացությունների հետ միասին ներկայացնում է քննության⁹:

Նախագիծը կազմելիս հեղինակը ելակետ է ունեցել հատուկ մասնագիտական հանձնաժողովի կողմից տեղում կատարված ուսումնասիրության հիսան վրա ընդունած հետևյալ եզրակացությունը.


ա) Քանի որ հարավային արսիդը 1923 թ. կատարած վերանորոգումից հետո զգալի կերպով ամրացել է, ապա զանգակատունը կարելի է կանգնեցնել նրա վրա առանց ասրացման լրացուցիչ աշխատանքների:

բ) Ելնելով նրանից, որ զանգակատունը ժամանակին քանդվել է ոչ թե արսիդի խարխլման, այլ սեփական կամարի արտահրսման ուժերի ազդեցությամբ, ուստի նախագծում նախատեսել այդ ուժերը չեզոքացնող երկաթբետոնե գոտիներ:

Նկատի ունենալով, որ ուսումնասիրությունների նյութերով (հին լուսանկարներ, չափագրություններ, Ա. Թամանյանի և Թ. Թորամանյանի եզրահանգումները) հարավային զանգակատունը իր չափերով ու ճարտարապետական տարրերով եղել է համանման հյուսիսային զանգակատունը և տարբերվում է միայն հիմքի արսիդի արտաքին բազմանկյան չափերով, ուստի նախագծի հեղինակը, հարավային զանգակատան վերականգնման աշխատանքային գծագրերը կազմելիս, ամբողջովին հիմք է ընդունել հյուսիսային զանգակատունը, օգտվելով ճարտարապետ Ծ. Ազատյանի չափագրությունից ու ստուգելով այն տեղում: Այսպիսով, ըստ նախագծի, հարավային զանգակատունը պիտի ունենար հյուսիսայինի ձևերը, հանդիսանար վերջինիս պատճենը:

Նախագծի հեղինակակից ինժեներ-կոնստրուկտոր Ռոբերտ Մանուկյանը ներմուծել է կառուցվածքում թաքնված ու դրսից աներևույթ երկաթ-բետոնյա չորս գոտիներ

(մեկը հենարանների ստորին մասում, երկուսը՝ սյունաշարի հիմքում, և մեկը՝ զբմբեթի շուրջը), դրանք կապելով միմյանց ուղղահիգ ուղղությամբ երկաթ-բետոնե կանգնակների ու սյունների մեջ անցկացրած երկաթյա ձողերի միջոցով: Երկաթ-բետոնե միջուկներ են դրված նաև չորս հիմնական կամարներում (նկ. 2):



Նկ. 2. Հարավային զանգակատան վերականգնման կոնստրուկտիվ գծագիրը

Նախագծի վերաբերյալ մասնագիտական եզրակացություններ են գրել ճարտարապետական գիտությունների թեկնածու Ալեքսանդր Սահիմյանը և ինժեներ-կոնստրուկտոր Կոնստանդին Ալթունյանը: Առաջինը դրանից, հիմնականում հավանություն տալով նախագծին, առաջարկել է լրացուցիչ ուսումնասիրության միջոցով պարզել՝ ա) համապատասխանում են արդյոք կամարների ձևերը նախորդ զանգակատան կամարների ձևին (քանի որ չափագրության մեջ դրանք ցույց են տրված երկկենտրոն), բ) զանգակատունը կրող հարավային արսիդի տարողունակությունը: Կ. Ալթունյանը գտնելով, որ զանգակատան վերականգնումը կոնստրուկտիվ տեսակետից միանգամայն հնարավոր է ու


⁸ ԾՃՀ-ի արձ., թ. 6:

⁹ Տես Հուշարձ. պահպանության վարչության արխիվում պահպանված «Հին նյութերի կապոց», 29:

նախագծում նախատեսված միջոցառումները լիովին ապահովում են վերականգնվող զանգակատան կայունությունը, առանց որևէ առարկության առաջարկում է իրականացման համար հաստատել նախագիծը:

Մայր Աթոռի նարտարապետական-շինարարական հանձնախումբը 1958 թ. նոյեմբերի 10-ին քննության է առել նախագիծը: Նրա հաստատումը թողնելով համապատասխան պետական մարմնին կից գործող գիտական խորհրդին, առաջարկ է մղողը ձևելու ամիսների ընթացքում կատարել նախապատրաստական աշխատանքներ (շինանյութի կուտակում, քարերի տաշում և այլն), իսկ տեղում իրականացումը սկսել հաջորդ տարվա ամռան ամիսներին, որպեսզի բացված կտորից անձրևաջրերը ներս չբափանցեն ու չփչացնեն ծեփն ու որմնանկարները¹⁰:

Հուշարձանների հատուկ գիտա-վերանորոգման արվեստանոցը ստանձնելով զանգակատան վերականգնման նախագծի իրականացումը, աշխատանքների ղեկավար է նշանակում տեխնիկ-վերանորոգող Հարություն Գասպարյանին, իսկ կատարումը հանձնարարում քարտաշ-վարպետ Յուլի Սարգսյանի խմբին, որի մեջ մտնում էին Մկրտիչ Պողոսյանը, Հուսիկ Եկարյանը, Իշխան Գաբստյանը, Ռաֆիկ Ասատրյանը և Խաչիկ Հակոբյանը (նկ. 3):



Նկ. 3. Հարավային արսիդը փայտամածների մեջ

1959 թ. ձմռան ամիսներին կատարված նախապատրաստական աշխատանքներից հետո (քարերի կուտակում, մշակում, փայտամածների կանգնեցում և այլն) գարունը բացվելուն պես ծավալվում են վերականգ-

¹⁰ ՃՀ-ի նրմ., ք. 18:




Նկ. 4. Հարավային արսիդի վրա վերականգնված զանգակատունը

նման աշխատանքները: Դրանց ընթացքում Հ. Գասպարյանը, ղեկավարվելով հյուսիսային զանգակատան քնական չափերով ու ձևերով, որոշ ճշտումներ է մղողը նախագծում, ինչպես նաև հաղթահարվում են դժվարություններ՝ կապված սյուների մեջ երկաթյա ձողերի համար տարանցիկ անցքեր բացելու հետ և այլն:

Կազմակերպված, արագ և բարեխիղճ կատարված աշխատանքներն ավարտվեցին նույն տարվա աշնանը՝ կազմելով սուրբ Էջմիածնի Մայր Աթոռի վերաշինական թեղմնավոր գործունեության լավագույն էջերից մեկը և ընդունվեցին բարձր գնահատականով մասնագիտական հանձնաժողովի կողմից¹¹ (նկ. 4):

¹¹ «Եկաջը շինեցուք սուրբ գլխոսանն լուսոյ» խմբագրականում ի թիվս Մայր Աթոռի շինարարական այլնայլ աշխատանքների միջատակված է նաև հարավային զանգակատան վերականգնումը: «Էջմիածին», 1959, նոյեմբեր, էջ 3-5:



Ս. ԷԶՄԻԱԾԻՆԸ ՌՈՒՍ ՄԱՐԿԱՆՑ ԺԱՆԱՊԱՐՀՈՐԴԱԿԱՆ ՆՈԹԵՐՈՒՄ ՈՒ ՀՈՒՇԵՐՈՒՄ

(Արևելյան Հայաստանը Ռուսաստանի կազմի մեջ մտնելու 150-ամյակի առթիվ)

Ս. Էջմիածինը վաղուց ի վեր գրավել է՝
նույն մարդկանց հատուկ ուշադրությունը։
Նա, ինչպես նաև Արարատ լեռը, ծառայել
է նրանց որպես Հայաստանի խորհրդանիշ-
28:

Դեռ 18-րդ դարի վերջերին Հայաստա-
նում եղավ նույն անվանի նկարիչ Միխայիլ
Իվանովը, որի վրձինն են պատկանում եր-
կու յուղաներկ կտավներ՝ «Եկեղեցիների
տեսարանը Արարատի ստորոտում» և
«Երևան քաղաքի տեսարանը»։ Նրանցից
առաջինը գտնվում է Լենինգրադի Ռուսա-
կան թանգարանում, երկրորդը՝ կորել է։
Իվանովը թողել է բազմաթիվ գծանկարներ
ու ջրաներկ նկարներ, որոնց թվում՝ «Էջ-
միածնի Մայր տաճարը», «Արարատյան ե-
րեք եկեղեցիները», «Մեծ Հայաստանում»,
«Ամրոցի ավերակները Լոռվա ձորում» և
նորիշներ։

Երկրորդ նույն նկարիչը, որ այցելել է
Հայաստան, Գավրիլ Սերգենկոն է, որը, ինչ-
պես նաև նրա նախորդը, եղել է ռազմա-
կան նկարիչ։ Նրա կովկասյան նկարների
ընթրինակումները պահպանվել են «Հա-
րություն Արարատյանի կյանքը» գրքում,
որը լույս է տեսել Պետերբուրգում 1813
թվականին։ Այդ նկարների թվում են՝ «Մայր Աթոռ ս.
Էջմիածնի տաճարի տեսարանը Արարատ
լեռան մոտ իր շրջակայքով», «Երևան քա-
ղաքի տեսարանը Արարատ լեռան մոտ,
Զանգու գետի վրա»։

Ինչպես Մ. Իվանովի, այնպես էլ Գ. Սեր-
գենկո նկարները ներկայացնելով պատմա-
կան հետաքրքրություն, գուրկ չեն և գե-
ղարվեստական արժանիքներից։ Այնտեղ

պատկերված է Հայաստանը 18-րդ դարի
վերջին երկու տասնամյակներին, երկրի
լեռնային բնության տեսարանները, պատ-
մական հուշարձանները։

19-րդ դարի սկզբներին Ռուսաստանում
աճում է հետաքրքրությունը հայերի և Հա-
յաստանի նկատմամբ։ Այդ հետաքրքրու-
թյունը պայմանավորված էր այդ դարա-
շրջանի քաղաքական կյանքի իրադարձու-
թյուններով։

1801 թվականին, հունվարին, Վրաստա-
նը մտավ Ռուսաստանի կազմի մեջ։ 1813
թվականին, Գյուլիստանի պայմանագրի
համաձայն, Ռուսաստանին միացվեցին ան-
դրկովկասյան խանությունները, որ բնակ-
չության զգալի մասը կազմում էին հայե-
րը։

1826 թվականի աշնանը սկսվեց նույն-
պարսկական պատերազմը։ Հաջորդ տար-
վա սեպտեմբերի 19-ին նույն գորքերը մը-
տան Սարդարապատ, իսկ մի քանի օրից
հետո պաշարեցին ու գրավեցին Երևանը։
Հայ ժողովուրդը մեծ խանդավառությամբ
ընդունեց իր ազատարարներին։ Այդ պատ-
մական օրերի իրադարձությունները գտել
են իրենց վառ պատկերումը ինչպես հայ,
այնպես էլ նույն գրականության էջերում։

Պուշկինը իր ճանապարհորդական նո-
թերում գրում է, թե ինչպես Էրզրումը գրա-
վելուց հետո «թուրքերը իրենց տափակ
տանիքներից մոայլորեն նայում էին» նույն
գիմկորներին, իսկ հայերը բռնում ոգևորու-
թյամբ «խոնավել էին մեղ փողոցներում», և
ինչպես նրանց երեխաները «վազվզում էին
ծիերի առջև, խաչակնքելով ու կրկնելով՝
քրիստոնյա, քրիստոնյա...»։



Վ. Գազարին.—Էջմիածնի արտաքին տեսքը (1841 թ.)



Զեւ Հայոց վանուց սրբոյ Աթոռոյն Էջմիածնի, յամի Տեառն 1805.

Գիշար չէ պատկերացնել հալածված, քաղաքական ժողովրդի ցնծությունը: Շնորհիվ ռուս բանակի հաղթանակի նա ազատվում էր բռնակալության դարավոր լծից, մի բռնակալություն, որի, ինչպես բնութագրել է Հովհ. Թումանյանը, «վայրագությունը ոչ է անհման ու շափ չէր ճանաչում, ո՛չ օմի սահման ու շափ չէր ճանաչում, ո՛չ օրենք, ո՛չ իրավունք, ո՛չ խնդիր, ո՛չ աղաքանք, ո՛չ սրբություն, ո՛չ կայք, ո՛չ կյանք, ո՛չ կի՛ն, ո՛չ պատիվ, ո՛չ ամոր, ո՛չ խղճնը-տանք...»:

Նույնն է վկայել այդ դարաշրջանի իրադարձությունների ականատեսը՝ Խաչատուր Աբովյանը, որի «Վերք Հայաստանի» անձանի վեպում պատկերված է ոչ միայն թալանված, ավերված հայրենի հողը ու հայ ժողովրդի ողբերգական վիճակը, այլև նրա լավագույն զավակների անձնագոհ հերոսական պայքարը՝ հանուն հայրենիքի ու ազատության:

Շահերի ու սուլթանների լծի տակ տառապող հայությունը, սկսած Պետրոս Մեծի ժամանակներից, իր հույսն ու երազը կապել էր Ռուսաստանի հետ: «Այդ երազը իրականացնելու համար,—գրել է Ավետիք Խանձակյանը,—Վովկասի հայերը ամբողջ մի դար պայքարեցին զենքը ձեռքերին, արյուն թափեցին ռուս զինվորի հետ և միասին հաղթանակեցին»:

Այդ պատմական օրերին ս. Էջմիածինը դիմավորել է ռուս զորքերին զանգերի հանդիսավոր դողաշուկ: Աերգել Գլինկան իր «Հայ ժողովրդի պատմության տեսություն» աշխատության մեջ վկայում է այն մասին, թե այդ պատերազմական տարիներին ռուս մարդիկ ինչպիսի՝ ջերմ բնդունելություն են վայելել Էջմիածնում, ինչպես «հյուրասեր վանքը», նրա շենքերը վերածվել են հիվանդանոցի, ուր վանականները սիրով խնամել են ռուս վիրավոր զինվորներին: Ա. Գլինկան, Ներսես Աշտարակեցուն անվանելով «հայ ժողովրդի արժանի և խնամալից հոգևոր առաջնորդ», հատկապես նշում է նրա ծառայությունները ռուս բանակին:

1827—1828 թվականներին Էջմիածնում եղան բաղկական մեծ թվով ռուս մարդիկ՝ զինվորականներ, պետական պաշտոնյաներ, մտավորականներ: Հատուկ հիշատակության արժանի է Ալեքսանդր Գրիբոյեդովի այցը Էջմիածին: 1827 թվականի հունիսի 8-ին նա ներկա եղավ հանդիսավոր ծիսակատարությանը Մայր Աթոռում՝ ի նշանավորումն ռուս բանակի հաղթանակի և Արևելյան Հայաստանի ազատագրման թուրք-պարսկական լծից: Այդ Գրիբոյեդովի երկրորդ այցն էր: Առաջին անգամ նա

եղել է Էջմիածնում 1820 թվականի սկզբներին: Նա ծանոթացել է կաթողիկոսի հետ, գրուցել, հավանել նրա պատկերավոր արտահայտությունը՝ ու նշել ճանապարհորդական օրագրում «Էջմիածինը՝ ինչպես վարդը փշերի մեջ»: Ռուս զորդի երկրորդ այցը ևս Էջմիածին հետքեր է թողել նրա օրագրում, ուր կան տողեր՝ «Բանաստեղծական երեկոն Էջմիածնի սրահում. պատմականից լուսավորում է լուսինը, սուլթերի նման շրջում է վանահայրը»:

Մեծ է Գրիբոյեդովի ծառայությունը Հայաստանին: Նա ռուս մտավորականներից առաջինն էր, որ, մոտիկից ծանոթանալով հայ իրականության ու հայ ժողովրդի կյանքի հետ, ջերմ համակրանքով գրեց հայերի մասին:

Պատերազմական տարիներին ռուս զինվորականներից շատերը եղան Էջմիածնում, որոնց թվում 1812 թվականի հայրենական պատերազմի մասնակից, ակամավոր ռազմական գործիչ, գեներալ Նիկոլայ Մուրավյով-Վարսկին*։ Նա իր ճանապարհորդական նոթերում համառոտակի նկարագրում է Էջմիածնի ծանր, քայքայված վիճակը, իր հանդիպումը այնտեղ Հարություն Արարատյանի հետ, տալիս նրա անձնավորության բնութագիրը:

Նույն ժամանակաշրջանում Էջմիածին է այցելել Նիկոլայ Մուրավյով-Վարսկու եղբայրը՝ ռուս գրող, սրբավայրերին նվիրված գրքերի հեղինակ Անդրեյ Մուրավյովը: Նա 1848 թվականին Պետերբուրգում հրատարակեց մի բնդարձակ աշխատություն՝ «Վրաստան և Հայաստան» վերնագրով, որի բովանդակությունն են կազմում հեղինակի ճանապարհորդական տպավորությունները և դատողությունները կրոնական հարցերի շուրջ: Երկրորդ հատորում, որը ամբողջովին նվիրված է Հայաստանին, Էջմիածնից տպավորությունները կազմում են հատուկ գլուխ, ուր տրված է վանքերի բնդհանուր նկարագիրը: Ուշադրության արժանի են նաև Աճիի ավերակներին նվիրված էջերը:

Եթե Անդրեյ Մուրավյովին հետաքրքրել են Հայաստանի անցյալը, պատմական հուշարձանները, ապա ռուս ազնվական Ալեքսեյ Սալտիկովին հիշատակության ավելի արժանի են թվացել իրեն անձանոր տնտեսական կերակուրները: Նա նկարա-

* Հետագայում Վովկասի փոխարքան: Վարսկի, այսինքն՝ Վարսեցի, միացրել են Մուրավյով ազգանունին ի նշան նրա ռազմական վաստակի՝ Վարսի պաշարման ու գրոհի ժամանակ (1854 թվականին):



9. Սերգեյև.—Երևան (1798 թ.) «Զե. քաղաքին Երևանա մերձ ի լեռոն Արարատու որ առ Զանկու գետովն»

գրում է հաշվերույթը կաթողիկոսի մոտ, գրում այն մասին, թե ինչպես հյուրասիրել են իրեն վանքում «այծի պանիրով, գոմեշի սերով, տիկի գինով և այլ համեղ ուտելիքներով»:

1847 թվականին Հայաստանում եղավ բարձրատիման ռուս պետական պաշտոնյա Անդրեյ Ֆադեևը, որն իր հուշերում փորձում է տալ երկրի այն ժամանակվա նկարագիրը: Հետաքրքրական որոշ տեղեկություններ կան նաև ս. Էջմիածնի մասին, մասնավորապես վանքի թանկագին իրերի, եկեղեցական սպասների, ինչպես նաև հարուստ գրադարանի և ձեռագրերի մասին:

Հարույրուն Արարատյանի՝ վերևում հիշատակված գրքում պատկերված են Էջմիածինը և շրջակա գյուղերը 18-րդ դարում: Հեղինակի պատմածից կարելի է եզրակացնել, որ այն ժամանակ այդ շրջանները եղել են շատ ջրառատ, և մեծ տարածություններ զբաղված են եղել բամբակի և բրնձի արտերով:

Նույնն է նշում Ֆադեևը, որն այցելել է այդ վայրեր՝ Արարատյանից մի դար հետո: «Էջմիածինը,—գրում է Ֆադեևը,—հարուստ է ջրով»: Մանուկյարին Էջմիածնից երևան «պատահում են գյուղեր, թաղված կանաչ այգիների ու ծառերի մեջ. ամենուր ջուրը առատ է»:

Ավելի երկարատև, քան ուրիշները, Հայաստանում է եղել նաև պետական պաշտոնյա Ն. Նեֆեդևը, որը 1839 թվականին հանդես եկավ ռուս մամուլում առանձին գրքովով, որի մեջ կաշին գերազանցապես փաստական տեղեկություններ Արևելյան Հայաստանի մասին: Այստեղ կան նաև առանձին էջեր՝ նվիրված ս. Էջմիածնին. «Խոր ակնածանքով մոտ Էջմիածնի տաճար,—գրում է Նեֆեդևը,—ներսը քափականին ընդարձակ է և ունի սրանչեղի գույքեր: Աղոտ լույսը թափանցելով գունավոր ապակիներով ծածկված նեղ պատուհաններից, հաղորդում է առարկաներին սրբազան խորհրդավորություն: Ամենուրեք կախված արծաթա ջահերը, նման լուսավոր աստղերի երկնի մութ հորիզոնում, փայլում են կիսախավարում, տաճարի կամարների տակ: Պատերի պատկերները, փորագրումները սաղափից ու կրիայի ուկրներից կազմում են համառոտ, բայց պատշաճ զարդարանք»:

Մարտաճարի ներքին նկարագրողությունների մասին տեղեկություններ կան նաև մի ուրիշ ակնհայտ ռուս հեղինակի (հավանաբար՝ զինվորական) երևանից գրած

թղթակցություններում: Նա գրում է. «Տաճարի ներքին տեսքը կամարների տակ մտայ է և շատ նման՝ Կիևի ս. Սոֆիայի տաճարի ներքին տեսքին, միայն այստեղ չկան իկոնոստաս և սրբապատկերներ... Տաճարի պատերը ներսից նկարագրված են որմնանկարների տիպի պատկերներով, վերցված սրբազան պատմությունից... Սրբապատկերներում բոլորի դեմքերը թուխ են, բայց՝ հայկական: Պատերը և կամարները նկարագրված են ծաղիկներով և այլ պատկերներով, սրբերի դիմանկարներով, որոնք թանձրացնում են ներսի խավարը:

Բյուրեղապակյա ջահերը, կախված շատ տեղերում և «գեղատեսիլ ճրագները ուրվագծվում են մթության մեջ:

Գմբեթը ներսից զարդարված է երփնեքանց նախշերով, պարսկական գորգերի նման: Պատուհանները հատուկ վարպետությամբ պատած են գույնզգույն ապակիներով... Տաճարի ներքին ընդհանուր տեսքը վկայում է նրա խոր հնության մասին»:

Ռուս գրողների, զինվորականների, պաշտոնյաների ու ճանապարհորդների օրագրերում ու հուշերում առանձնահատուկ տեղ է գրավում ս. Էջմիածինը, որպես քրիստոնեական հնագույն երկրի արժանահիշատակ ու գեղեցկագույն վայրերից մեկը:

Ռուս տպագիր աղբյուրների տեղեկությունները Էջմիածնի մասին լրացնում են Գրիգորի Գազարինի նկարները, որոնք գտնվում են Անհնգրադի Ռուսական թանգարանում:

• •

Անցավ 150 տարի այն պատմական իրադարձություններից, երբ ռուս բանակի հաղթական արշավի շնորհիվ Արևելյան Հայաստանը ազատագրվեց թուրք-պարսկական դարավոր լծից և մտավ Ռուսական կազմի մեջ:

Անգնահատելի է այդ պատմական շրջադարձի նշանակությունը. կովկասյան Հայաստանը, ինչպես Ավետիք Իսահակյանն է ասել, «չնայած ցարիզմի հալածանքներին, վալեղեց կյանքի ու գույքի ապահովություն: Կրեց ռուս մեծ մշակույթի և գրականության կենսատողջ ազդեցությունը: Ամրացավ հայ ժողովրդի կայսր և քաղաքականությունը ռուս մեծ ժողովրդի հետ»:

ԿԱՄՍԱՐ ԳՐԻԳՈՐՅԱՆ

Յ Ո Ւ Յ Ա Կ

ՄԱՅՐ ԱԹՈՒ Ս. ԷԶՄԻԱԾՆԻ ՆՈՐ ՍՏԱՅՎԱԾ ԶԵՆԱԳՐԵՐԻ*

ԲՈՎԱՆԴԱԿՈՒԹՅՈՒՆԸ

Յի (մեծ ծաղկագրեր—Ն. Մ.) Քրիստոսի ծառայ Տէր Եփրեմ Կաթողիկոս (15 մմ. երկարությամբ մեծ երկաթագրեր, ապա ամբողջ տեքստը մանր նոտըրգրով—Ն. Մ.) ամենայն Հայոց, և Մայրագոյն Պատրիարք Աստուածայնոյ և Առաքելական Եկեղեցւոյ Քրիստոսի, նաև յուսակերտ և երկնամասն մեծի Աթոռոյս սրբոյ Կաթողիկէ Էջմիածնի: Քահանայապետական բազմապատիկ օրհնութեամբ և առատագոյն սիրով ամենատարբեր Հոգւոյն Աստուծոյ մատուցանեմք զկենդանարար սուրբ ողջոյն Քրիստոսական ամենաքարեպաշտ նախածանօթ սիրելեացդ մերոց և յատուկ երախտաւոր և բարերար հարազատ որդւոցդ սրբոյ Լուսաւորչին և մայր Աթոռոյ նորա, որք կայք պանդխտացեալ ի զանազան քաղաքս և ի գաւառս Հնդկաստանու արժանապատի մաքրագործ Քահանայից Ասագաց և Երկրորդաց, և բոլոր հոգևորական դասուց, պայծառափայլ ազգաւեր և բարեւեր: Իշխանաց, պատուելի Հոգաբարձուաց, հաւատարիմ Գանձապետաց և Երիցփոխաց, հանճարեղ վայելչագործ բարեպաշտու և ազնուա..... Տիկնաց և Տանտիկնաց օրհնեալ Ժողովրդոց մեծաց և փոքունց, արանց և կանանց, ծերոց և տղայոց և ամենայն չափու և հասակի խնդալ ի Տէր մեր Յիսուս Քրիստոս յոյսն ամենայն հաւատացելոց:

Ծնորդք, սէր, ողորմութիւն, խաղաղութիւն և ամենաքաղցր մարդասիրութիւն սրբոյ Երրորդութեանն՝ հանդերձ մայրական շնորհօք միածնաէջ սրբոյ Ա-

թոռոյս և փրկագործ զօրութեամբ քրիստոսամոլի կենսահրաշ սրբոյ Գեղարդեանն և շնորհաբաշխ Աջոյ սրբոյ Լուսաւորչին, և շնորհատու դամբարանաց սրբոց Հոփսիմեանց և Գայիանեանց կուսանացն, և ամենայն սքանչելարողիս Մասանց և Սրբութեանց՝ որք աստանօր, բազմազեղ առատութեամբ ծաւալեսցի ի վերայ հոգւոց և մարմնոց ձեր ամենեցուն, և ընդ ձեզ բնակեսցի յաիտեան, և շնորհազարդ փայլմամբ փայլեցուցէ զձեզ ամենայն յաջողութեամբ բարեաց, ամեն:

Որոց և գիտութիւն լիցի, զի բազմադիմի երախտիք ձեր և երանելի նախնեաց ձերոց՝ որ յաղագս պայծառագարդութեան հաւատոյ մօրն ձեր յուսոյ երկնամասն տաճարին Աստուծոյ սրբոյ Կաթողիկէ Էջմիածնի՝ իրաւի, յորդորեն զմեզ հաճապազ բոլոր միաբանութեամբ յիշել յաղօթս մեր գյատուկ երախտաւորսդ և զբարերարսդ հանդերձ անդադար օրհնութեամբ, որպէս և գրեալ իսկ է՝ յիշատակն արդարոց օրհնութեամբ եղիցի: Ապաքէն և յայսմ նեղութեան ժամանակի մերում վերստին զձեզ միայն յոյս ունելով յետ Աստուծոյ, հրաւիրեմք յօգնականութիւն մեզ յաղագս նորոգութեան Աստուածակերտ սրբոյ Գահիս Քրիստոսի, և երից հրաշակերտ վանացն սրբոյն Հոփսիմեայ և Գայիանեայ և Ծղդակաթին. քանզի ի ժամանակս պատերազմական խռվութեանցն հիւսիսացնոցն ընդ պարսից՝ յիշեալ երեք սուրբ վանքն և մանաւանդ Գլուխն և Մայրն սոցա և համայն Եկեղեցեաց և վանորէից Հայաստանեայց՝ սրբոյ Կաթողիկէն Էջմիածնին՝ թէ յորպիսի աւերութիւն և յանճարութիւն հասին յամենայն դիմաց, արդարն չեմք բաւական ընդ գրով արկանել. ուստի զամենայն ի բաց թողեալ, զաղէտս զայս միայն յայտնել ձեզ սակաւութիւն ի դէպ վարկանիմք, զի տանիքն սրբոյ Աթոռոյս՝ որք ամ ընդ ամէ անխափան ձիթեալ լինէին, և յամս քանիս ընդ որում ի պատճառս պատերազմական խռվութեանցն, անխնամ էին մնացեալ և չէին ձիթեալ, և մանաւանդ բազմութիւնք զօրաց ևս ելեալ ի տանիսն, ի ձմերային եղանակին վասն սատիկ ցրտութեանն յաւուրս քանիս հուր էին վառեալ ի տեղիս տեղիս, վասն որոյ թէ ի պատճառս այնպէս ամս քանիս անխնամ մնալոյն, և թէ զօրացն հուր վառելոյն, և

* Ծարունակված «Էջմիածին» ամսագրի 1964 թվականի № № Ը-Թ-ից, ԺԲ-ից, 1965 թվականի № № Ը-Ժ-ից, 1968 թվականի № Է-ից, 1970 թվականի № № Դ-Ե-ից, Ժ-ից, ԺԲ-ից, 1971 թվականի № № Ե-Ը-ից, ԺԱ-ԺԲ-ից, 1972 թվականի № № Ա-Բ-ից, Դ-ից, 1973 թվականի № № Ա-Գ-ից, Ը-ից, 1974 թվականի № № Գ-ից, Է-Ը-ից, 1975 թվականի № № Ա-ից, Գ-ից, ԺԱ-ԺԲ-ից, 1976 թվականի № № Բ-Ե-ից, Է-Թ-ից, ԺԲ-ից, 1977 թվականի № № Գ-Ժ-ից և 1978 թվականի № Ա-ից:

թէ քաղիքն փութի գողոյն՝ գրեթէ երեսը տանեացն լաւին էին դարձեալ: Իսկ ի գայն մեր ի սուրբ Աթոռս, թէպէտ մինչև ջաշատ կարամիթով և այլ հմարիւր կարողացաւ անցուցանել, բայց ջերմութիւն արեգակեան և ցրտութիւն եղանակի ձմեռանն հետզհետէ անպիտան արարին և զայն ամենայն հնարս, վասն այտորիկ այժմ այնքան խախտեալ է տանիքն սրբոյ Գահին, մինչև առատօրէն անցանել անձրեաց ի ներքո Տաճարին, և խանգարել զսակեւար գեղեցիկ ծաղկանցն և պատկերացն զվաղելչութիւն և զպայծառութիւն, որովք թէպէտ ի յառաջնումն ևս զարդարեալ էր, բայց յետոյ հոգեկոյս Երբարանկատար Դուկա Կարողիկոսն ի վերուստ մինչև ի խոնարհ յով վաղելչապէս զարդարեալ ետ տակենկար գեղեցիկ ծաղկօք և խորհրդական պատկերօք ի պայծառութիւն երկնամաշտէ մայր սուրբ Աթոռոյն, և ի յիշատակ պարծանս հաճօրէն ազգի հաղոց. իսկ այժմ յաղագս յիշեալ պատմաւորացն խանգարեալ են ամենայն ծաղկունք և պատկերք վաղելչութեան արար, և հետզհետէ մերձ են ջնջել և անհետ լինիլ իսպառ, մինչև ճմել արդարեւ զսիրտն ամենայն բարեպաշտ տեսողաց և լսողաց:

Վասն որոյ ի խոհուրդ մտեալ, զրազմակերպ պալատութիւնս, մեր ի բաց թողար, և յախտնական յիշատակ մնալի նորոգութեանն սրբոյ Տաճարին Աստուծոյ միայն ուշ եղեալ, զյատկացեալ և զուստն պատուական օրհնեալ ազգոյ ջողալեցոց առ այն ապատեան և ապաւն մեզ կալար: Իրաւի, գիտեմք թէպէտ զի որպէս ամենայն Ազգ մեր մանաւանդ եղեալքն ի տէրութիւն Հագարացոցն որդրմելի են լսալ զամազան մեղակութեամբ, հեզմալս և հոյք սիրելիք մեր ևս չէր առանց ներութեան ի վշտաբեր ժամանակիս յայմիկ, բայց վերստին զյոյս մեր առ ձեզ ձգելով յետ Աստուծոյ, զօգնութիւն ի ձեզ միայն խնդրել արժան համարեցար:

Որոյ վասն անա յատկապէս իմտաւիանի կարգեալ զարգելի Կրթանէ Արքեպիսկոպոս ճախածաւոր սիրելին ձեր և հոգեմէն հարազատ որդեակն մեր առաքեցար աչտ օրհնամատոյց կոնդակա առ յատուկ երախտաւորաց և բարերարոյ մեր: Ապաւրեւ որեմն աղաչեմ զամենեւեանն զձեզ գրովն Քրիստոսի, զի իւրաքանչիւրք ի ձեզ, արք և կամայք, մեծք և փոքունք, առ հասարակ բոլոր չափու կարողութեան ձերում վստեալ Աստուածամանոյ բարեաշտութեամբ և ճշմարիտ ճնողասիրութեամբ ժամանեցիք մեզ յօգնութիւն վասն այնպիսի բազմաձախ գործաւորութեանց իւրոց, որոց ամենից ծախսն՝ թէ նորոգութեան տանեացն, թէ ծաղկել տալոյն, թէ խնկելալ կապելոյն և թէ այլն՝ բոլոր նկատողութեան հմուտ ճարտարապետացն՝ լինելոց է աւելի քան հարիւր հազար հոսի. թողում ասել և զծախսն՝ որք յաղագս նորոգութեան յիշեալ երկից սուրբ վանացն: Դաս որպէս բոլոր աշխարհի, նոյնպէս և ձեզ յայտնի և յատկեան, թէ սուրբ Աթոռս ի բազում ժամանակս որքան ճախորդութիւն կրեաց, և յոր աստիճան տներութեան և պալատութեան եմաս յաւնեացն զիմաց թէ բոլոր հոգնորից և թէ շատ մարմ-

նաւորից, այժմ բոլոր հոգնորից վաղելչացեալ է թէպէտ և որ քան զոր ունի վաղելչացեալ շնորհօքն Աստուծոյ զեր քան զատաշինն, բայց բոլոր մարմնութիւն իսպառ դադարեալեալ գոյով, անշքացեալ է բանեացն կուտ, մինչ զի և ամենայն կատարարութեանց զհոգսն և զգիտոյսն պարտաք հոգեմք և կատարեմք, որպէս լաւ ևս կարէ պատմել ձեզ ի բերան յիշեալ Կրթանէ Արքեպիսկոպոս սիրելին մեր, ուստի նկատելով ի հարկն փութապէս նորագելոյ սրբոյ Տաճար, յայտնիս պալատաւոր ժամանակի մերում հարկադրեալ լինեմք, զի ի սկզբան օարձանս ներկայ ամի՞ վերստին բաւական սպասու մեր առնոյ և սկիզբն առնել շինութեան և նորոգութեան սրբոյ Տաճարին մինչև հասցէ ալ առ մեզ ձեր օգնականութեան նուիրքն, որովք կարող լինուք հաստեցանել ալ զնոյն պարտաւ: Եւ այս սակս վաղվադեմ սկիզբն առնելոյ, զի եթէ աւելի յետագոյսին լինի, գրեթէ իսպառ ունի թակտի և խանգարիլ, և յայնժամ մի ծախս լինելոց է երկնապատկի և տապաւնի, իսկ որ յառաջ նորոգելովն՝ համարեալ թէ նոր ի նորոյ ունի կանգնել սուրբ Տաճարն ի յախտնական յիշատակ ձեզ և որդոց ձերոց հաստատուն արձանագրութեամբ պանծալի անուանց իւրաքանչիւր նուիրողաց զնուրս օգնականութեան:

Ջաշատիկ գիտելով ձեր փոքր ի շատէ, մի յապաղեսիք որեմն սիրելիք օգնական լինիլ մեզ առ նոյն ջերմեանոց նուիրօք ձեռով, զորս և յանձնեալիք միամտութեամբ ի ձեռս Կրթանէ Արքեպիսկոպոս հարազատ Որդեկին մերոյ, որ անկորուստ եւանակաւ ունի հաստեցանել մեզ ալ ոչ անազան:

Իսկ մեր աղօթս առնեմք բոլոր միաբանութեամբ, զի ամենաբարին Աստուած գրեցէ զբարի անուանս ձեր ի դպրութեան կենաց և զյիշատակութիւն ձեր և որդոց ձերոց և ամենայն ազգի և ազգատոմի ձերոյ պահեսցէ հաստատուն մինչև ցկատարած աշխարհի ի պարծանս սրբոյ Լուսաւորչին և մայր Աթոռոյ նորա և մեր և ամենայն ազգի և եկեղեցոյ Հայաստանաց, և զհոգիս երանելի ճախնեաց ձերոց և ամենայն հին և նոր նշխարեցոցն յուսացարդեալ պաակեսցէ յերանաւտ կեանս յախտեմից բնոյ սուրբս և բնոյ սիրելիս անուան իւրոյ: Ողջ լերուք և շնորհք Տեառն Աստուծոյ երկից բնոյ ձեզ և բնոյ ամենայն ձերայինսն միշտ, ամեն:

Վասն ձեր Աղօթարար
Եփրեմ Կարողիկոս


(Այս վերջին հինգ բառերը գրված են կոնդակի պատվիրատու Եփրեմ Կարողիկոսի ձեռքով):
Շամի Տեառն 1815, օգոստոսի 30: Ի սուրբ Կարողիկէն Էջմիածին:


ՀԵՐԱՏԱՅԱԿՐՈՒԹՅՈՒՆ

(Կոնդակի վերին մասում կա ձվաձև փոքրիկ մի կնիք, 3×1.5 սմ, չափերով, որի վրա հաղիվ բնութրցվում են հետևյալ բառերը)

«..... գրական բանգարան»:

(Ծաղրանակի)





ԲՈՎԱՆԴԱԿՈՒԹՅՈՒՆ

ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ կոնդակը Հյուսիսային Ամերիկայի հայոց արևելյան թեմի կազմավորման 80-ամյակի առթիվ	8
Վեհափառ Հայրապետի խոսքը Հյուսիսային Ամերիկայի հայոց արևելյան թեմի տարեկան թեմական պատգամավորական ժողովին	5
Վեհափառ Հայրապետի խոսքը Հյուսիսային Ամերիկայի հայոց արևելյան թեմի հոգևորականաց համագումարին	7
Հաղորդագրություն	9
Ապրիլյան եղեռնի 83-րդ տարելիցը Մայր Աթոռում	10
ԱՐՇԱՆՈՒՅՍ ՄԱՐԳԱՐՅԱՆ—Քարե պատարագ	12
Մահերգ մահատակաց (նոտա, խոսք՝ Վահան Թեքեյանի, երաժշտություն՝ Ն. Թահ- միզյանի)	13
ՄԱՅՐ ԱԹՈՒՌՈՒՄ—Եկեղեցական քեմ. լուրեր	16
Ա. Հ.—Հանգիստ տեղ Բաբգեն արքեպիսկոպոս Ապատյանի	19
Քահանայական ձեռնադրություն Մայր Աթոռում	23
ԱԹԱՆԱՍ ՔԱՀԱՆԱ ՄՈՎՍԻՍՅԱՆ—Դիպլոմային աշխատանքների պաշտպանու- թյուն հոգևոր ճեմարանում	26
Վարդապետական աստիճանի տվչություն	29
Ա. ՀԱՏԻՏՅԱՆ—Սուրբ Հովհան Ոսկեբերան հայրապետ Ամսիոքացի	31
Ազաթանգեղոսի Պատմություն հայոց. Վարդապետություն սուրբ Գրիգորի	39
ՎԱՐԱՋԴԱՏ ՀԱՐՈՒԹՅՈՒՆՅԱՆ—Սուրբ Էջմիածնի Մայր տաճարի հարավային զանգակատան վերականգնումը	53
ԿԱՄՍԱՐ ԳՐԻԳՈՐՅԱՆ—Ա. Էջմիածինը ռուս մարդկանց ճանապարհորդական մո- թերում ու հուշերում	57
Յուզակ Մայր Աթոռ ու Էջմիածնի մոր ստացված ձեռագրերի	63

ԽՄԲԱԳՐՈՒԹՅԱՆ ՀԱՍՏԵՆ

ՀԱՅԿԱԿԱՆ ՍՍՀ, ԷՋՄԻԱԾԻՆ

«ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин. Редакция журнала «Эчмиадзин».

Rédaction de la revue «Etchmiadzine», Etchmiadzine. Arménie, URSS

Հանձնված է արտադրության 18.4.1978 թ.: Ստորագրված է տպագրության 19.5.1978 թ.:

Տպագրական 4 մամուլ, թուղթ 60×84¹/₈, պատվեր 294:

Մայր Աթոռ ու Էջմիածնի տպարան, 1978 թ.

